

Ўзбекистон Республикаси Олий ва ўрта махсус таълим вазирлиги

Қарши Муҳандислик – Иқтисодиёт институти

**МАТЕРИАЛШУНОСЛИК ВА КОНСТРУКЦИОН МАТЕРИАЛЛАР
ТЕХНОЛОГИЯСИ**

(Материалшуносликдан маъruzалар матнлари)

Қарши 2004 й

Тузувчилар:

к.ф.н., доцент **Р.БОЗОРОВ,**

Такризчилар:

Қарши Давлат Университети доценти,
техника фанлари номзоди **Д.ЧҮЯНОВ**

Техника фанлари номзоди,
доцент **Х.К.ЭШКАБИЛОВ**

Мазкур маъruzалар матнлари тўпламида техникада, саноатнинг турли соҳаларида ва уй–рўзгор буюмлари тайёрлаш учун ишлатиладиган металлар ва қотишмалар, нометалл материалларнинг таркиби, тузилиши ва хоссалари тўғрисида маълумотлар келтирилган.

Ушбу маъruzалар матнлари тўплами 5.540.700-«Агроинженерия» таълим йуналишининг «Материалшунослик» фани намунавий дастури асосида ёзилган.

Маъruzалар матнлари тўплами Карши муҳандислик-иктисодиёт институтининг услугбий кенгаши, (Баён №2, «26» ноябр 2004 й.) Агромухандислик факултети услугбий комиссияси (Баён №2, 06.09.2004) ва «Умумтехника фанлари» кафедраси (Баён №2, 03.09.2004) томонидан муҳокама қилиниб, чоп этишга ва ўкув жараёнида фойдаланишга тавсия этилган.

Маърузаларнинг мавзуларига вақт тақсимоти

<i>Nº</i>	<i>Маърузанинг мавзуси</i>	<i>Соат</i>
1	Кириш. Материалшунослик асослари. Металларнинг таркиби, тузилиши, кристалланиши ва хоссалари	2
2	Чўян ишлаб чиқариш	2
3	Пўлат ишлаб чиқариш	2
4	Қотишмалар назарияси асослари	2
5		2
6	Темир ва унинг қотишмалари	2
7	Углеродли пулатлар	2
8	Легирланган пулатлар	2
9	Чўяnlар	2
10	Пўлатларга термик ишлов бериш назарияси асослари	2
11	Пулатларга термик ишлов бериш технологияси	2
12	Пулатларга кимевий –термик ишлов бериш	2
13	Рангли металлар ва уларнинг қотишмалари. Мис ва алюминий қотишмалари Нометалл материаллар, пластмассалар ва резина материаллар	2
	Жами	26

Ушбу маъruzалар курси 5 540 700-«Агроинженерия» таълим йўналишининг «Материалшунослик ва конструкцион материаллар технологияси» фани намунавий дастури асосида ёзилган бўлиб, техникада, саноатнинг турли соҳаларида ва уй-рўзгор буюмлари тайёрлаш учун ишлатиладиган металлар ва қотишмалар, нометалл материалларнинг таркиби, тузилиши ва хоссалари тўғрисида маълумотлар келтирилган. Икки компонетли қотишмаларнинг ҳолат диаграммалари, пўлатларга термик ва кимёвий-термик ишлов бериш технологиялари ёритилган.

Курс лекций написан в соответствии с типовой программой курса «Материаловедение и технология конструкционных материалов» для направления обучения 5 540 700- «Агроинженерия». Приведены сведения о строении и свойствах металлов и других неметаллических материалов, используемых в сельско хозяйственном и других отраслях машиностроения. Рассмотрены диаграммы состояния двойных систем, технология термической и химико-термической обработки стали.

The course of lectures has been written according to the standard Programm of the subject 5.540.700- for the students educating in speciality “Agroengineering”.

Information about structure and properties of metals and other non-metallic stuffs used in power engineering and other branches of machine building are given. It has been considered state diagrammes of double systems, technology of thermal and chemical-thermal processing of steel.

К И Р И Ш

Мазкур маъruzалар курси Олий ўқув юртларининг 5.540.700-«Агротехника» таълим йўналишининг намунавий дастури асосида ёзилди.

Ҳозирги вақтда фан-техника тараққиёти билан боғлиқ бўлган турли амалий масалаларни ечиш учун ҳар бир ёш муҳандис ва техник мутахассислар металл ва нометалл материалларнинг таркиби, хоссалари, янги материаллар, уларнинг хусусиятлари ва қўлланилиш соҳаларини мукаммал билишлари лозим.

Ҳар бир муҳандис, механик, конструктор, тадқиқотчи, лойихачи мутахассислардан технология асосларини яхши билиш талаб қилинади, чунки бусиз мустахкам, узоқ муддатга чидайдиган, тежамли конструкциялар, машиналар, асбоблар ва механизмлар яратиш мумкин эмас. «Материалшунослик ва конструкцион материаллар технологияси» фани шу мақсадларга хизмат қиласди.

Фаннинг «Материалшунослик» бўлимида машина ва механизмлар яратиш учун қўлланиладиган турли металл ва нометалл материалларнинг ички тузилиши, хоссалари ва улар орасидаги боғланиш, шунингдек, материалларнинг хоссаларини зарур томонга ўзгартириш усуллари ўрганилади.

Хулоса шуки, бўлажак техника фанлари бакалаврлари бошқа маҳсус фанларни муваффақиятли ўзлаштиришлари учун «Материалшунослик ва конструкцион материаллар технологияси» фанини яхши ўзлаштиришлари лозим бўлади.

Мазкур тўплам фаннинг «Материалшунослик» бўлимидан ўтиладиган маъruzаларни ўз ичига олади.

Маъзуа мавзуси: Материалшунослик асослари. Материалларнинг таркиби, тузилиши, кристалланиши ва хоссалари

Режа:

- 1. Материалшунослик фани, хом ашё ва материал хақида тушунча;**
- 2. Материалшунослик фанининг ривожланиш тарихидан қисқача маълумот;**
3. Материалшуносликдаги муаммолар.
4. Қаттиқ жисмларнинг кристалл тузилиши, боғланиш турлари;
5. Металларнинг турлари ва атом-кристалл тузилиши. Кристалл панжара турлари. Реал кристалларнинг тузилиши. Кристалл панжара нуқсонлари. нуқтавий, чизикли нуқсонлар, дислокациялар;
6. Металлардаги полиморф ўзгаришлар (аллотропия);
7. Металл қўймасининг тузилиши;
8. Металл ва қотишмаларнинг механиқавий ва технологик хоссалари тўғрисида тушунча.

Таянч иборалар: Хом ашё; материал; материалшунослик; технологик жараён; ярим фабрикат; ферроқотишмалар; деформация; полимер материаллар; композицион материаллар; чиқиндисиз ишлаб чиқариш технологияси; экологик муаммолар.

Кристалл жисм; металл боғланиш; конструкцион ва машинасозлик металлари; кристалл панжара; дислокация; ваканция; аллотропия; критик ҳарорат; фазавий ўзгаришлар; бирламчи кристалланиш; кристалланиш-нинг назарий ҳарорати; хақиқий кристалланиш ҳарорати; ўта совуш даражаси; дендрит; механиқ хоссалар.

1. Материалшунослик фани, хом ашё ва материал хақида тушунча

Материалнинг таркиби, тузилиши ҳамда хоссалари ўртасидаги амалий боғланишларни ўрганадиган фан **материалшунослик** деб аталади.

Материалнинг таркиби деганда шу материалнинг қандай кимёвий элементлардан тузилганлиги тушунилади. Техникада қўлланиладиган материалларнинг аксарияти битта кимёвий элементдан иборат бўлмай, кўп элементларнинг мажмуи ёки бирикмасидан иборат. Материалнинг тузилишини кўз ёки оддий лупа билан кўриб бўладиган (макротузилиш) ёки маҳсус микроскоплар ёрдамида ўрганиладиган микроструктураларни ўз ичига олади. Материалнинг хоссалари деганда, унинг кимёвий, физик, механик ва технологик хоссалари тушунилади.

Материалнинг хоссалари ҳамда ундан тайёрланган буюмларнинг ишлатилиш шароитини билган холда унинг чидамлилиги ва узоқ муддат ишлай олишини олдиндан хисоблаб аниқлаш мумкин бўлади.

Материалшунослик фанининг тараққиёти кимё, физика, механика каби фанларнинг фанларнинг эришган ютуқларига боғлиқдир. Иккинчи томондан, материалшунослик фанининг муваффақияти структурани яхшилаш, буюмларнинг конструкцияларини ясаща материалларни қайта ишлашнинг

самарали усулларини кашф этиш ҳамда уни такомиллаштиришдадир. Буюмларининг мўлжалланган муддатда мувафақиятли ишлай олиши технологик жараённинг қанчалик тўғри ва самарали бажарилишига, материалнинг тўғри танланишига боғлиқдир. Материалшунослик фани машина ва механизмларни самарали ишлатища материал хоссаларини бошқаришнинг илмий-назарий асосини ташқил қиласди.

Материаллар меҳнат жараённининг маҳсулни бўлиб, ундан инсоният ўз талабларини қондирадиган буюмлар ясаща фойдаланади. Материаллар ишлаб чиқаришда бирламчи восита ҳисобланади. Материал бўлмаса саноат жараёнлари ҳам бўлмайди. Барча хом ашёларни икки турга бўлиш мумкин. Бирламчи ва иккиласми хом ашё. Чўян (материал) ишлаб чиқариш учун темир рудалари хом ашё саналади, ўз навбатида чўян пўлат ишлаб чиқариш учун хом ашё саналади.

Буюмлар ишлаб чиқариш учун материаллар билан бир қаторда ярим фабрикатлар ҳам ишлатилиши мумкин. **Ярим фабрикат** деганда қайта ишланган, лекин хали тайёр буюм холига келтирилмаган материал тушунилади. Буюм олиш учун материал, яъни ярим фабрикатни қайта ишлаш яна давом эттирилиши керак. Демак, бир ишлаб чиқаришда тайёрланган материал (маҳсулот) бошқа ишлаб чиқариш учун ярим фабрикат ҳисобланади.

2. Материалшунослик фанининг ривожланиш тарихидан қисқача маълумот

Сув ва ҳаводан фойдаланиш металлургия саноатида янги тараққиётни очди. Темир эритиб тозалашда пуфлаш учун ҳаводан фойдаланиш ва суюқлантирилган металлар ҳароратини ошириш имконини берди. Натижада металл қўшимчалардан тўла тозаланиб, унинг сифати яхшиланди. Металл ишлаб чиқаришда писта кўмир ўрнига коксланадиган кўмирдан фойдаланиш эса давр талаби – ишлаб чиқаришни ривожлантириш натижасида вужудга келди. Коклаш технологиясининг кашф этилиши металлургия саноатини жадал ривожлантириди.

Пўлат олишнинг янги –янги усуллари кашф этилди. Англияда аввал Г.Бессемер (1856), сўнгра С.Томас (1878), Францияда эса П.Мартен (1864) каби ихтирочилар пўлат олишнинг янги усулларини кашф этишиди. XVIII аср охири XIX аср бошларига келиб машинасозлик саноати юксак ривожланди, бу эса металларни кўплаб ишлаб чиқаришни талаб қиласди. Материалларни ишлаб чиқариш даражасини ошириш бу соҳадаги олдинги амалий ютуқларни умумийлаштириш ҳамда бу соҳа учун янги илмий асослар яратишни тақозо қиласди. Натижада XIX асрга келиб, материалшунослик машинасозликдаги маҳсус фанга айланди. Материалшуносликнинг фан сифатида такомиллашишига истеъододли рус олими ва ихтирочиси Д.К. Черновнинг (1839-1921) фазалар ўзгариши хақидаги назарияси жуда катта туртки булди. Бу фаннинг ривожланишига яна А.Ледебўрнинг (немис олими) металлар структураси тушунчаси, инглиз физиклари Ф.Лавес ҳамда В.Юм-Розерининг янги типдаги фазаларни кашф этиши ҳам катта аҳамият касб этди. Материалшунослик фанининг шу даврдаги тараққиётига тадқиқотнинг янги (инструментал) усулларининг кашф этилиши ҳам таъсир қиласди. Масалан, рентген нурларининг кристалл тузилишини ўрганишга қўлланилиши ҳамда металл тузилишининг металломикроскоп (металлог-рафия) усуллари кашф этилди. Кўп жинсли (гетероген) мувозанат назариялари яратилди.

Ички ёнуб двигателларининг кашф этилиши, шунингдек автомобиль саноати, иссиқлик энергетикаси, темир йўл транспорти ҳамда ҳаво флотининг тараққиёти материаллар хоссаларини яхшилаш, уни қайта ишлаш саноатини такомиллаштиришни тақозо этди. Натижада такомиллашган домна печлари, мартен печлари барпо этилди, саноат миқёсида прокатланган ярим фабрикат ҳамда материаллар кўплаб ишлаб чиқара бошланди.

Пўлатларни пайвандлаш мумкин эканлигини Н.Н. Бенардос ва Н.Г. Славянов илмий асосда асослаб берди. Икки электрод ўртасида ёй ҳосил қилиш кашфиёти эндиликда одамлар манфаати учун ишлатила бошланди.

Рус олим А. М. Бутлеров 1881 йили оламшумул кашфиёт-жисмларнинг кимёвий тузилиш назариясини кашф этди. Кейинчалик Бутлеровнинг бу назарияси асосида қуи молекулали органик кимёвик моддалардан полимерлар олиш мумкинлиги исботланди. 1909 йилда С.В. Лебедев хоссалари жиҳатидан табиий каучукка ўхшаш сунъий каучукни синтез қилиб олди. Ҳозирги вақтда техникани сунъий каучуксиз тасаввур қилишимиз қийин. Шундай қилиб машинасозликда металл материаллар ҳам ишлатила бошланди.

XX асрнинг 40-йилларига келиб, илмий техника жадал ривожланди, натижада материалшунослик фани катта ютуқларга эришди, бу даврда бир қатор материаллар кашф этилди. Юқори ўтказувчаникка эга бўлган янги материаллар, ярим ўтказгичлар, сунъий олмос ҳамда углерод асосидаги бошқа материаллар кашф қилинди.

Домна печларидаги содир бўлаётган оксидланиш-қайтарилиш жараёнлари натижаларини тўлиқ ҳисобга олишнинг кашф этилиши билан материалларнинг тузилиши ва технологик жараён хақидаги билим янада бойиди. Бу эса материалшунослик саноатининг янада ривожланишига сабаб бўлди. Илгор мамлакатларнинг металлургия саноатларида суюқ метални узлуксиз қуишиб технологияси, пўлат ишлаб чиқаришнинг кислород-конвертер усули амалда қўлланила бошланди. Турли ферроқотишмаларни олиш, пўлат эритишнинг электрометаллургия усулларидан фойдаланиш пўлат сифатинигина ошириб қолмай, балки жуда кўп турдаги легирланган пўлатларни олиш имконини туғдирди. Материаллар мустаҳкамлигини оширишнинг янги усуллари кашф қилинди. Термик ишлов таъсирида пластик деформацияланиш, яъни термомеханик ишлов усули, коррозиябардош, оловбардош ҳамда маҳсус магнит хоссаларига эга бўлган, ҳаттоқи аввалги маълум геометрик шаклини “эсида” сақлаб қоладиган қотишмалар кашф этилди.

Янги турдаги полимерларни синтез қилиш, уларнинг иссиқликка чидамлилигини ошириш ишлар олиб борилди. Натижада иссиқбардош полимерларни синтез қилиш технологияси, полимерларни ҳам металл материалларга ўхшаш модификациялаш усули яратилди.

Ҳозирги кунда материалшунослик фани олдига қўйилган янги вазифа-турли компонентлардан иборат бўлган композицион материалларни ишлаб чиқаришнинг илмий асосларини яратишдан иборат бўлиб турибди. Чунки машина механизмларининг янги конструкциялари олдига уларда қўлланилган материалнинг солищтирма оғирлигини камайтириш, тезликни ошириш, ишлаб чиқариш жараёнининг экологик тозалигини таъминлаш, конструкциянинг ишлаш муддатини ошириш каби талаблар қўйилмоқда.

3. Материалшуносликдаги муаммолар

Техника намунасини яратиш учун ишлатиладиган материаллар илм-фаннынг энг охирги ютуқларига асосланиб танланади. Янги яратилган машиналар юқори ишчи босимда ишлатилиши, катта тезликларга эга бўлиши ҳамда юқори ҳароратларга чидай олиши керак. Бу кўрсатгичларнинг юқори даражада бўлиши материалшунослик фанинг ютуғи саналади.

Хозирги замон машиналари материалларнинг биринчи навбатда юқори мустаҳкамликка эга бўлишини тақозо қиласди. XX асрнинг охирига келиб материалларнинг мустаҳкамлиги қарийб **8...10** баробар ортди. Хозирги замон фани олдидағи муаммолардан бири-амалда ишлатилаётган юқори мустаҳкамликка эга бўлган материалларнинг пухталигини янада ошириш, иқтисодий жиҳатдан уларнинг таннархини камайтиришдан иборат.

Каттиқлиги жужа юқори бўлган материаллар – борид, карбид, сунъий олмосларни ишлаб чиқариш ва уларни қўллаш саноатининг имкониятига ва техник жиҳатдан такомиллашганинг боғлиқ. Бундай материалларни саноат миқёсида қайта ишлаш ҳамда қайта ишлашнинг технологик жиҳатдан такомиллашган ва самарали усулларини топиш муаммоси мавжуд.

Баъзи материаллар олдинги геометрик шаклини “эслаб қолиши” хусусиятига эга. Масалан, пластик деформация натижасида ўз шаклини ўзгартирган конструкция вақт ўтиши билан ққиздирилса, яна олдинги шаклига қайтади. Металларнинг бундай хоссалари тиббиётнинг жарроҳлик соҳасида, айниқса космик кемаларда жуда муҳим аҳамиятларга эга. Металл қотишмаларининг илгари маълум бўлмаган шундай хоссаларини кашф этиш ҳам техника муаммоларидан биридир. Юқори ҳароратларда ($750\ldots1100^{\circ}\text{C}$) ишлайдиган материаллар яратиш муассосининг ҳал этилиши материал структурасидаги доначаларнинг майда бўлишига боғлиқ, чунки структурадаги доначалар (киристаллитлар) жуда майда ва шакли ихчам бўлган материалнинг мустаҳкамлиги 1,5 баробар катта бўлиши мумкин. Криоген техникада жараён – 150°C дан паст ҳароратда боради. Шунинг учун газлар, масалан кислород ва азотни ажратиб олиш ҳамда уларни суюқ фазага келтириш каби жарёнларда бенуқсон ва узок муддатларда ишлай оладиган материалларни яратиш ҳам муаммодир.

Композицион материаллар машина ва механизmlарнинг узоқ ишлаши ҳамда техник иқтисодий кўрсаткичларини оширибина қолмай, балки ишлаб чиқариш жараёнини ҳам такомиллаштириши мумкин. Аммо композицион материалларнинг кўплаб ишлаб чиқарилиши муҳим муаммоларни ҳам туғдириши мумкин. Масалан, баъзи композицион материалларни ишлаб чиқариш инсон саломатлигига катта зарар келтиради, атроф муҳитни заҳарлайди, яъни-янги экологик муаммоларни келтириб чиқаради. Лекин композицион материаллардан оқилона файдаланиб, улардан энг катта фойда олиш материалшунослик фанинг муҳим вазифаларидан биридир.

Материалларнинг емирилишидан, айниқса коррозия таъсирида емирилишидан ҳимоя қилиш ҳам асосий муаммолардан бири бўлиб қолмоқда.

Шундай қилиб материалшунослик фанинг ютуқлари билан бир қаторда унинг олдида турган муаммолар фан-техника тараққиёти учун муҳим аҳамиятга эгадир. Машинасозлик саноати тез ривожланиб бораётган мустақил Ўзбекистон учун бу жуда муҳим.

4. Қаттиқ жисмларнинг кристалл тузилиши, боғланиш турлари

Материалнинг кристал тузилишини оддий кўз билан аниқласа бўлади. Металдан бирор намуна олиб, унинг юзасини яхшилаб жилвирласак, йирик доначаларни кўришимиз мумкин. Бу доначалар ёруғлик нурини қайтариш хоссасига эга бўлса, қаттиқ жисм кристалл тузилишга эга экан деган холосага келиш мумкин. Лекин ҳар қандай қаттиқ жисм кристалл жисм бўлавермайди.

Қаттиқ жисмдаги заррачаларнинг ўзаро таъсири энергияси даражасини иссиқлик таъсиридаги атомларнинг ҳаракат энергиясига солиштириш мумкин. Аммо бу энергия заррачаларини парчалашиб учун сарф қилинадиган энергиядан анча кам. Шунинг учун қаттиқ жисмдаги заррачаларни бир-бирига кучли таъсири этувчи заррачалар деб қаралади. Қаттиқ жисмнинг физик ва механиқ хоссалари ана шу заррачаларнинг жисмда ўзаро фазовий жойлашишига боғлиқ бўлади.

Кристалл жисм деб заррачаларнинг жисмда фазовий жойлашишининг маълум бир геометрик тартибига айтилади. Одатда бундай жойлашиш аниқ симметрияга эга бўлиш билан бир каторда кўп қиррали жисмни эслатади. Аслида ана шу кирраларнинг кесилган жойи (жисмнинг уни) атомларнинг жойлашиш ўрнини кўрсатади. Демак, кристаллар учта ўлчамда жойлашган атомлар тартиби бўлиб, мувозанат шароитида тўғри симметрияга эга бўлган кўп қиррали жисмдир. Кристалл жисмда заррачаларнинг (атом, ион ёки малекула) уч ўлчам бўйича доимий такрорланиши (қайтарилиши) натижасида кристалл панжара (ёки кристалл тур) ҳосил бўлади. Кристалл панжарада заррачаларнинг ўзаро тортишиш ва итарилиш мувозанати сақланади, бунда ички потенциал энергия ана шу мувозанатни сақлашиб учун керак бўлган энг кам қийматга эга бўлади. Заррачаларнинг кристал жисмдаги бундай жойлашиш тартиби юзлаб, минглаб кристалл панжара даври сифатида қайтарилиши мумкин.

Элементларнинг ўзаро таъсирилашуви натижасида ҳосил бўладиган металл ёки металл бўлмаган бирикмаларнинг ҳосил бўлиши уларнинг атомлари орасидаги боғланишга боғлиқ бўлади. Жисмларни бир бутун қилиб турувчи куч ҳам ана шу атомлар орасидаги боғланишнинг турига боғлиқдир. Металларда учрайдиган боғланишлар умумлашган эркин электронлар ҳисобига вужудга келади.

Металл боғланишларда атомлар бир-бирига яқинлашганда улар ташқи каватидаги электронлари биргина атомга тегишли бўлмасдан, балки кушни атомларнинг электронлари билан бирга бутун хажм бўйича электрон булутларини ҳосил қиласди. Бу ҳолатда боғланиш энергияси мусбат зарядланган ион билан манфий зарядланган электрон булути орасидаги электростатик тортишиш кучи билан белгиланади. Боғланишнинг маҳсус тури бўлган металл боғланиш материалнинг кўпчилик хоссаларини вужудга келтиради (масалан, юқори электр ўтказувчанлик ва иссиқлик ўтказувчанлик).

Маълумки, ҳар қандай жисм фазода энг кам потенциал энергияга эга бўлишга ҳаракат қиласди, яъни маълум шароит учун мувозанатга интилади. Шунингдек мавжуд боғланишларнинг ҳамма турлари (ион боғланиш, молекуляр боғланиш, ковалент ва металл боғланиш)да ҳам атомлар бир-бирига нисбатан потенциал энергия энг кам бўлган масофани эгаллашга ҳаракат қиласдилар.

Материалдаги бир хил атомларнинг кимёвий жиҳатдан фарқи бўлмаганлиги учун кўп сондаги атомлар потенциал энергия энг кам ҳолатни эгаллайди, яъни

түгунларида атомлар ётган кристалл панжарани ҳосил қиласи. Демак, реал материалларнинг хоссалари кристалл панжаранинг турларига боғлиқ бўлади.

5. Металларнинг турлари ва атом-кристалл тузилиши. Кристалл панжара турлари. Реал кристалларнинг тузилиши. Кристалл панжара нуқсонлари. нуқтавий, чизиқли нуқсонлар, дислокациялар

Машина деталлари, механизмлар ва асбоблар тайёрлаш учун ишлатиладиган металларга **конструкцион** ёки **машинасозлик металлари** деб аталади. Барча металлар ва қотишмалар икки гурухга бўлинади: қора ва рангли металлар. Қора металларга темир ва унинг қотишмалари (чўянлар ва пўлатлар), рангли металларга эса қолганлари киради.

Металлар ўзига хос хоссаларга эга: ялтироқлик, электр токини ва иссиқликни яхши ўтказиш ва х.к. Бундай металлар жумласига, авваламбор, темир, мис, алюминий ва бошқаларни киритиш мумкин.

Хром, марганец, суръма каби металлар ўта мўрт ва қаттиқ бўлганлиги сабабли машинасозликда соғ ҳолатда деярли ишлатилмайди.

Асосий конструкцион металларнинг босим остида ва кесиб ишланувчанлик хоссалари юқори бўлиши мақсадга мувофик. Мураккаб шаклли буюмлар тайёрлашда металларнинг пластиклик, қолипга қўйилиш ва пайвандланувчанлик каби хоссалари муҳим саналади, щунингдек уларнинг таннахи ҳам арzon бўлиши керак. Бундай талабларга темир, мис, алюминий, магний, рух, қўргошин, қисман, қалай ва никель каби металлар жавоб беради.

Кейинги йилларда электрон микроскоп ва рентген анализлари реал кристалларнинг тузилишида турли нуқсонлар мавжуд бўлишини кўрсатди. Бу нуқсонлар уч гурухга - Нуқтавий, чизиқли ва сирт нуқсонларга бўлинади.

Нуқтавий нуқсонларга вакансиялар, яъни кристалл панжаранинг бўш жойлари, ва оралиқ атомлар - түгунлар оралигига силжиган атомлар киради (1-шакл). Бу нуқсон металларда диффузион жараёнларнинг кечишида муҳим аҳамият касб этади.

Чизиқли нуқсонларнинг энг муҳим тури - дислокациялардир.
(2-шакл.) Металлнинг атомлар силжиган (сирпанган) соҳаси билан атомлар силжимаган соҳаси орасидаги чегара **дислокация** деб аталади.

Дислокацийнинг муҳим хусусиятларидан бири унинг зичлигидир. Кристаллнинг 1 см^2 юзасини кесиб ўтган дислокациялар сонига **дислокация зичлиги** дейилади. Жуда секин кристалланастган жисмларнинг дислокация зичлиги $10^2 \dots 10^4 \text{ см}^{-2}$ га teng.



1 - шакл.



2 - шакл.

Мувозанатдаги поликристалларнинг дислокация зичлиги $10^6 \dots 10^7 \text{ см}^{-2}$ га етади Жуда катта пластик деформация натижасида дислокация зичлиги $10^8 \dots 10^{12} \text{ см}^{-2}$ га етиши мүмкін.

Кристалл жисмдаги дислокация панжаранинг кийшайишига сабаб бўлади. Ташқи куч таъсирини критик қиматдан ошириш металлда дарз ҳосил бўлишига сабаб бўлади.

6. Металлардаги полиморф ўзгаришлар (аллотропия)

Барча металларни қиздирганда ва совитганда Қаттиқ ҳолатда ҳар хил структуравий ўзгаришлар содир бўладиган (темир, қалай, титан, кобальт ва б.) ва бундай ўзгаришлар содир бўлмайдиган (мис, алюминий, магний, қўроғошин ва б.) металларга бўлиш мүмкін.

Босим ўзгармаганда битта металнинг ҳар хил ҳароратда турли кристалл панжара ҳосил қилиши, бунинг натижасида турли хоссаларга эга бўлиш ходисаси **аллотропия** деб аталади ва грекча $\alpha, \beta, \gamma, \delta$ ва б. каби белгиланади. Паст ҳароратда мавжуд бўлган структура α ҳарфи билан, юқорироқ ҳароратдагилари эса β, γ, δ ҳарфлари билан белгиланади.

Металларнинг қуидаги аллотропик шакллари мавжуд:

$$Fe_{\alpha} \rightleftharpoons Fe_{\gamma}; Co_{\alpha} \rightleftharpoons Co_{\beta}; Ti_{\alpha} \rightleftharpoons Ti_{\beta}, Mn_{\alpha} \rightleftharpoons Mn_{\beta}, Mn_{\alpha} \rightleftharpoons Mn_{\beta};$$

$$Sn_{\alpha} \rightleftharpoons Sn_{\beta} \text{ ва б.}$$

Темирнинг аллотропик шакл ўзгаришларини унинг совиш ва кизиш эгри чизиқларидан кузатиш мүмкін (3-шакл).

Совиш эгри чизигида 1539°C да тухташ темирнинг суюқ ҳолатдан Қаттиқ ҳолатга утишига (бирламчи кристалланиш) мос келади. Ҳосил бўлган Fe_{α} кристаллари параметри $a = 2,98E$ га teng бўлган X.M.K. панжарага эга. 1401°C да (Ar_1 Нуқта) эса Fe_{δ} нинг параметри $3,64E$ бўлган Е.М.К. панжарали Fe_{γ} га айланади, 898°C да (Ar_1 Нуқта) гамма - темир параметри $2,90E$ бўлган X.M.K. панжарали Fe_{α} га, 768°C да эса (Ar_1 Нуқта) кристалл панжаранинг тури ўзгармасдан, $Fe_{\beta} \rightarrow Fe_{\alpha}$ ($a = 2,88 E$) алмашиниши содир бўлади.

Шундай қилиб, амалда темир атомлари турли ҳароратда икки хил кристалл панжара ҳосил қиласы:


Fe_α (β, δ) - X.M.K., Fe_γ - E.M.K.

Аллотропик шакл ўзгаришлар руй берадиган ҳароратлар ***критик ҳароратлар*** дейилади ва **A** ҳарфи (французча *arrêt* - тухташ) билан белгиланади. Ўзгаришлар қиздиришда содир бўлса **C** индекси (*choffage* - қиздириш, совитишда эса **r** (*refrowofisment* - совитиш) куйилади.

Аллотропия ходисаси металларга термик ишлов бериш режимларини түғри аниқлашда хал қилувчи аҳамиятга эгадир.

Барча металлар маълум ҳароратгача қаттиқ ҳолатда бўлади. Кристалл панжаранинг атомлари такрибан 10^{13} Гц частота билан доимий равишда тебраниб туради. Ҳароратнинг кутарилиши билан атомларнинг тебранишлари амплитудаси ошади ва маълум бир ҳароратга етганда (суюқланиш ҳарорати) кристалл панжара бузилади, металл атомлари тартибсиз (хаотик) ҳаракатлана бошлайди, металл Қаттиқ ҳолатдан суюқ ҳолатга ўтади, ана шу ходисага **фазавий ўзгариши** дейилади.

Металл (қотиши) ларнинг суюқ ёки газ ҳолатидан Қаттиқ ҳолатга утиши уларнинг *бирламчи кристалланиши* деб аталади. Кристалларнинг шакли, ўлчами ва ўзаро жойлашуви металл ва қотишмаларнинг барча хоссаларини белгилайди.



З-шакл. Тоза темирнинг совиш ва кизиш эгри чизиқлари.

Суюқ ҳолатдаги ҳар қандай металл ўзгармас босимда совитила борганда маълум ҳароратда кристаллана бошлайди. Агар бу ҳарорат бирдек тутиб турилса, металлнинг кристалланиши давом этмайди ва суюқ металл билан кристалланган металл ўзаро мувозанатда туради. Ана шу ҳарорат *мувозанат ҳарорати, критик ҳарорат* ёки *кристалланишинг назарий ҳарорати (тм)* дейилади. Ҳарорат мувозанат Нуктасидан маълум даража пасайтирилганда, яъни металл ўта

совитилгандагина у суюқ ҳолатдан кристалл ҳолатга батамом ўтади. Шу жараёнга тўғри келган ҳароратга *хакикий кристалланиш ҳарорати* (t_x) дейилади. Назарий ва хакикий кристалланиш ҳароратлари орасидаги фарқ *ўта совиши даражаси* деб аталади:

$$t = t_m - t_x.$$


Ўта совиши даражаси қанча катта бўлса, металл доналари ўлчами шунча кичик кристалланади, майда донали металл (қотишма) нинг механиқ хоссалари, хусусан, пластиклиги юқори бўлади. Кристалланиш жараёнига таъсир этадиган омилларнинг яна биттаси суюқ металда бегона заррачалар (модификаторлар) нинг бўлишидир, улар кристалланиш марказлари ролини ўйнайди.

Суюқ ҳолатдаги металлдан кристаллар ҳосил бўлиш жараёни процесси икки босқичдан: кристалланиш марказлари ҳосил бўлиш босқичи ва шу марказлар асосида кристалларнинг ўсиш босқичидан иборат.

Суюқ металлар ҳарорати мувозанат ҳароратига яқинлашганда айrim жойлардаги атомлар худди кристалл панжаралардагидек жойлашиб, атомлардан иборат гуруҳлар ҳосил қиласи, металлнинг ҳарорати мувозанат ҳароратига етганда ана шу гуруҳ атомлардан кристалл панжара ҳосил бўлади ва бу кристалл панжаралар кристалланиш марказлари бўлиб қолади. Бундан ташқари, суюқ металлдаги бегона заррачалар (суюқланиш ҳарорати шу металлницидан юқори бўлган заррачалар) ҳам кристалланиш марказлари вазифасини ўтайди. Ҳосил бўлган кристалланиш марказлари ёкларидан кристаллар ўса бошлайди. Кристалланишнинг дастлабки пайтларида кристаллар ўз геометрик шаклларини саклаган холда бемалол ўсади, яъни монокристаллар ҳосил бўлади, аммо ўсаётган кристаллар бир-бири билан учрашган жойларида ўсишдан тухтаб, ўсиш учун тускинлик бўлмаган томонга уса бошлайди, бунинг оқибатида кристалларнинг геометрик шакли бузилади. Мунтазам геометрик шакли бузилган бундай кристаллар *доналар* ёки *кристаллитлар* деб аталади.

Суюқ металлдан кристалланиш марказлари ҳосил бўлиб, бу марказлар асосида кристалларнинг ўсиш схемаси 4 – расмда тасвирланган.

Ҳосил бўладиган кристалларнинг катта-кичиклиги кристалланиш марказлари сони билан кристалларнинг ўсиш тезлигига боғлиқдир. Кристалланиш марказлари сони кўп ва кристалларнинг ўсиш тезлиги кичик бўлса майда кристаллар ва аксинча, кристалланиш марказлари сони оз ва кристалларнинг ўсиш тезлиги катта бўлса, йирик кристаллар ҳосил бўлади. Кристалланиш марказлари сони ва кристалларнинг ўсиш тезлиги эса ўз навбатида ўта совиши даражасига (совитилиш тезлигига) боғлиқ.



4 –расм. Кристалларнинг ўсиш схемаси (И.Л.Миркин)

Ўта совиш даражаси катта бўлса, кристалланиш марказлари кўп ҳосил бўлади ва кристаллар секинрок ўсади, ўта совиш даражаси кичик бўлганда эса кристалланиш марказлари кам ҳосил бўлади ва кристаллар тез ўсади. Демак, ҳосил бўладиган кристалларнинг катта- кичикилигига, оқибат натижада, ўта совиш даражаси таъсир этар экан: ўта совиш даражаси катта бўлганда майда кристаллар, ўта совиш даражаси кичик бўлганда эса йирик кристаллар ҳосил бўлади.

Ҳосил бўладиган кристалларнинг ўлчамларига таъсир этадиган яна бир омил суюқ металлда бегона зарраларнинг бўлишидир. Масалан, суюқ металлга кийин суюқланувчан бошқа металларнинг жуда майда зарралари қўшилса, бу зарралар қўшимча кристалланиш марказлари вазифасини ўтайди, натижада кристалланиш марказлари сони кўпайиб, майда кристаллар ҳосил бўлади. Суюқ металга бундай зарралар атайлаб кушилиши ҳам мумкин, чунки майда донали (кристалли) металнинг механиқавий хоссалари йирик донали металниги қараганда анча яхши бўлади. Суюқ металга атайлаб кушиладиган бундай зарралар **модификаторлар** деб, металл кристалларини ана шу усулда майдалаштириш эса **модификациялаш** деб аталади.

Ўта совиш даражаси суюқ металдан ҳосил бўладиган кристалларнинг шаклига ҳам таъсир этади: ўта совиш даражаси кичик бўлса, яъни металл жуда секин совитилса, мунтазам геометрик шаклдаги кристаллар, ўта совиш даражаси қаттароқ бўлса, дендрит тарзидаги кристаллар, ўта совиш даражаси катта бўлганда эса сфероид (дона) шаклидаги кристаллар ҳосил бўлади.

7. Металл қуймасининг тузилиши

Металнинг котиш жараёнида ҳосил бўладиган кристаллар турли ўлчамлар ва шаклларга эга бўлиши мумкин. Бу совитиш тезлигига, қўшимчаларнинг ҳарактери ва микдорига боғлиқ.

Суюқ металнинг кристалланиш жараёнида кўпинча дендритлар (грекча *dendron* - дарахт) ҳосил бўлади, аммо металнинг хали қотмаган (суюқ) қисми етарли бўлса, дендритларнинг шохлари орасини тўлдиради, натижада доналар ҳосил бўлади. Турғун пўлат қуймасининг кристалл тузилиши бир жинсли


бўлмайди (5-расм). Қуйманинг сирти тез совиганлиги учун майда доналардан, ички қисми эса чузунчок ва teng укли кристаллардан иборат бўлади. Қуйманинг юқори қисмида чўкиш бўшлиғи жойлашади, шунинг учун унинг юқоридан 20...25 % и ва пастки қисмидан 5...7 % и чиқиндига чиқади.

Маълумки, машина деталларига ва конструкция элементларига ташқи кучлар (юклар) хилма-хил тарзда таъсир этиши мумкин. Масалан, ҳар хил валларга буровчи кучлар, двигатель шатунларига, транспорт воситаларининг тиркамаларига чузувчи куч таъсир этади. Бинобарин, машина деталлари ва конструкция элементлари ўзига таъсир этувчи статик, динамик ва ўзгарувчан кучларга бардош берадиган материаллардан тайёрланиши керак.

Металл ва қотишмаларнинг ташқи кучлар таъсирига қаршилик кўрсатиш хусусияти уларнинг **механиқавий хоссалари** дейилади.

Бундай хоссаларга металл ва қотишманинг чўзилишдаги мустахкамлиги (пухталиги- σ_e), сиқилишдаги, эгилишдаги, кирқилишдаги, буралишдаги мустахкамлиги, зарбий қовушоқлиги, қаттиқлиги ва бошқалар киради.

Механиқавий хоссалар турли асбоб ва машиналардан фойдаланиб, ҳар хил кучлар таъсирида синааб кўрилади.



5 - расм. Турғун пўлат қуймасининг тузилиши.

8. Металл ва қотишмаларнинг механиқавий ва технологик хоссалари тўғрисида тушунча

Металл ва қотишмаларнинг технологик хоссалари жумласига уларни технологик ишлаш, яъни куйиш, болғалаш, пайвандлаш, кесиб ишлаш учун яроқлилик даражасини кўрсатувчи хоссалар, масалан, болғаланувчанлик, пайвандланувчанлик, кесиб ишланувчанлик хоссалари ва бошқалар киради.

Савол ва топшириқлар:

- Хом ашё, материал ва яримфабрикат тушунчаларига таъриф беринг.

2. Материалшунослик фанининг олдига қўйилган масалалар нималардан иборат?
3. Материалнинг таркиби, тузилиши ва хоссаларига таъриф беринг.
4. Чиқиндисиз ишлаб чиқариш технологияси деганда нимани тушунасиз?
5. Материалшуносликдаги муҳим кашфиётлардан сўзлаб беринг.
6. Композицион материаллар тўғрисида тушунча беринг.
7. Материалшуносликдаги муаммоларни таърифланг.
8. Материалшуносликнинг экологик муаммоларига нималар киради?
9. Металларни таърифлаб беринг.
10. Металларда қандай кристалл панжаралар бўлади?
11. Кристалл панжаранинг даври ва координацион сони деганда нимани тушунасиз?
12. Х.М.К ва Ё.М.К панжараларнинг элементар катакчаларига нечтадан атом тўғри келади?
13. Кристалл панжараларда қандай нуқсонлар учрайди?
14. Аллотропия ходисасини тушунтириңг.
15. Металларнинг бирламчи кристалланиши нима?
16. Ўта совиш даражаси деганда нимани тушунасиз?
17. Суюқ метални модификациялаш жараёнининг моҳиятини ёритинг;
18. Металл қўймасида қандай структуравий соҳалар мавжуд бўлади?
19. Металлар ва қотишимларнинг механиқ ва технологик хоссаларига мисоллар келтириңг?

Маъруза мавзуси: Чўян ишлаб чиқариш

Режа:

1. Домна печининг хом ашёлари;
2. Домна печида содир бўладиган жараёнлар;
3. Домна печининг тузилиши ва ишлаши;
4. Домна печидан олинадиган маҳсулотлар.

Таянч иборалар: Темир рудалари, кокс, домна жараёни, флюс, куймакорлик чўяни, ферроқотишмалар, колошник чанг, печнинг ҳажмидан фойдаланиш коэффициенти.

1. Домна печининг хом – ашёлари

Домна печида чўян суюқлантириб олиш мураккаб, оғир меҳнат талаб қиласидаган ишлаб чиқариш жараёнидир. Чўян олиш учун темир ва марганец рудалари флюслар ва ёқилғилардан иборат хом – ашё зарур.

Таркибида чўян ишлаб чиқариш учун иқтисодий жиҳатдан арзийдиган миқдорда темир моддаси бўлган тоғ жинслари *темир рудалари* дейилади. Руда таркибидаги темир бекорчи жинслар (кум оҳактош, ...) билан аралашган оксидлар ёки тузлар тарзида бўлади.

Чўян олиш учун қизил, қўнғир, магнитавий ва шпатли темир тошлар ишлатилади. Қизил темир тош (гематит) таркибида 55...70% темир Fe_2O_3 шаклида бўлади. Колган қисми – бекорчи жинслар. Қўнғир темиртош – сарғиши – қўнғир тусли жинс бўлиб, унинг таркибида темир $mFe_2O_3 * nH_2O$ кўринишда ифодаланади, унда 35...60% темир бўлади. Магнитавий темиртош қорамтири туслаги, магнитавий хоссаларга эга бўлган, Fe_2O_3 формула билан ифодаланадиган оксид тарзидадир. Бу рудада темир миқдори 45...70% га етади. Шпатли темиртош сарғиши – кулранг тусли руда. Унда темир Fe_2O_3 ифодаланадиган корбонат тарзида бўлади.

Флюс. Домна печларида чўян суюқлантириб олишда рудадаги бекорчи жинсларни ва ёқилғи ёнганда ҳосил бўлган кулни бирга суюқлантириб, шлакка айлантириш учун ишлатиладиган материаллар флюс деб аталади. Флюс сифатида оҳактош ($CaCO_3$), доломит ($CaCO_3 * MgCO_3$) ёки қумтупроқ (SiO_2) каби моддалар қўлланилади. 1 т чўян олиш учун, одатда, 02...05 т флюс сарфланади.

Ёқилғи. Домна жараёнида ёқилғи сифатида кокс, пистакўмир ва табиий газ ишлатилади. Кокс тошкўмирни ҳаво кирмайдиган маҳсус печларда $950...1000^{\circ}C$ да 16...18 соат қиздириш йўли билан олинади. Коксланувчи кўмир қуруқ ҳайдалганда учувчан моддалар чиқиб кетади ва қолган қисми қошувиб, мустаҳкам, ҳамда ғовак массага, яъни коксга айланади.

Домна печларида кокснинг ўрнини қисман босиши мумкин бўлган ёқилғи табиий газдир. У коксга қараганда анча арzon бўлиб, коксни 10...15% гача тежаш имконини беради. Натижада чўяннинг таннархини бирмунча пасайтиради.

2. Домна печида содир бўладиган жараёнлар

Домна печига солинган шихтага қизиган газлар таъсири этиш натижасида содир бўладиган жараёнлар туфайли чўян, шлак колошник газлари ҳосил бўлади.

Печга солинган ёқилғи (кокс) пастга томон тушар экан, күтариувчи газлар таъсирида қизий боради ва печнинг фурмалари рўпарасида горнга ҳайдалган ҳаво таркибидаги кислород ҳисобига тўлиқ ёнади:



Ҳосил бўлган карбонат ангидрид юқорига кўтарилади ва қаттиқ қизиган кокс қатламлари орасидан ўта туриб, кокс таркибидаги углерод билан реакцияга киришиб, ис гази ҳосил қиласди:



Углерод оксиди ($400\ldots 1000^{\circ}C$ ҳароратда) темирни унинг оксидларидан қайтаради:



Соф ҳолатгача қайтариленган темир углеродга тўйинади ва чўян ҳосил бўлади. Суюқ чўян печнинг тубида (лешчадда) йифилади.

Печнинг распар ва заплечик қисмларида руда таркибидаги бекор жинслар, ёқилғи кули ва олтингугурт, ҳамда рудадаги қўшимчалар флюс билан қўшилиб, суюқланиш натижасида шлак ҳосил бўлади, шлак ҳам суюқ ҳолатда печнинг пастки қисмида суюқ чўяннинг устида йифилади. Суюқ чўян ва шлак печдан вақти – вақти билан маҳсус новлар орқали чиқариб турилади.

3. Домна печининг тузилиши ва ишлаши

Ҳозирги замон домна печлари жуда катта иншоотлар бўлиб, бўйи 70 м (фойдали баландлиги 35 метргача)га етади, ҳажми эса $2000\ldots 5000 m^3$ дан ошади. Битта домна печида бир кеча–кундузда 10000 тоннадан кўпроқ чўян ишлаб чиқарилади. Бу печлар, барча шахта печлари каби, қарши оқим принципида ишлайди, яъни ёқилғи (кокс), руда ва флюс домна печининг юқори қисмидан туширилади. Улар ўз оғирлиги таъсирида печнинг тубига томон узлуксиз тушиб туради, печнинг тубидан эса ёқилгининг ёнишидан ҳосил бўлган маҳсулотлар – юқори ҳароратли газлар тепага узлуксиз кўтарилиб туради.


Домна печи бешта асосий қисмдан иборат (6-шакл):

Горн (лешчад), заплечик, распар, шахта, колошник.

Домна печининг янги конструкциялари 8...10 йил тўхтовсиз кечаю–кундуз ишлайди. Бу вақт компания даври деб аталади.

Компания даврида печнинг қандай ишлаётганлиги назорат–ўлчов асбоблари ёрдамида аникланиб турилади. Домна печидан суюқ чўян нов 1 орқали ҳар 3...4 соатда, суюқ шлак эса нов 2 орқали ҳар 1,5...2 соатда чиқарилиб турилади.

Суюқ чўян домна печидан маҳсус транспорт (вагонетка, ковш ва ҳ.к.)ларга туширилади ва пўлат олиш цехига юборилади ёки ковшларга солиниб, улардан қолипларга қуйилади.



6-шакл. Домна печининг тузилиши.

1-чўянни қуйиб олиш учун нов; 2-шлак учун нов; 3-фурма; 4-газ чиқарувчи трубалар; 5-юқлаш круилмаси; 6-ҳаво ҳайдовчи қисм; 7-шлак ташигичлар; 8-пойдевор; 9-лешчад; 10-чўян ташувчи вагонеткалар.

4. Домна печидан олинадиган маҳсулотлар

Домна печидан олинадиган маҳсулотлар жумласига чўян, илак, домна гази ва колошник чанги киради.

Чўян домна печидан олинадиган асосий маҳсулотdir.

Унинг таркибида 2,14...4,5% C, 0,50...4,25% Si, 0,2...3,5% Mn, 0,1...1,3% P, 0,02...0,20% S бўлади. Ишлатилиш соҳасига кўра чўян учта гуруҳга бўлинади: қайта ишланувчан чўян, қўймакорлик чўяни ва ферроқотишмалар.

Қайта ишланувчан чўяnlар пўлат ва қуймабоп пўлатлар олишга мўлжалланган (П1, П2, ПЛ1, ПЛ2), фосфор микдори кўп бўлган (ПФ1, ПФ2 ва ПФ3), ҳамда юқори сифатли чўяnlар (ПВК1, ПВК2 ва ПВК3)га бўлинади.

Қўймакорлик чўяни домна печида олинадиган ҳамма чўяннинг тахминан 18%ни ташкил этади ва қўйма деталлар олиш учун ишлатилади. Бу чўяnlар ЛК-ОО, ЛКО, ЛК-1, ЛК-2, ЛК-3, ЛК-4 ва ЛК-5 каби маркаланади.

Ферроқотишмалар (маҳсус чўяnlар) таркибида кремний ва марганец микдори одатдаги чўяnlардагига қараганда анча кўп бўлади. Ферроқотишмалар чўяндан пўлат олишда темир (II) оксидидан темирни қайтариш, шунингдек пўлатни легирлаш учун ишлатилади.

Шлак домна печидан олинадиган қўшимча маҳсулот бўлиб, унинг микдори олинадиган чўян оғирлигининг тахминан 60 фоизини ташкил этади. Шлак таркибига кўра асоси (кўпроқ қумтупроқ, озроқ оҳак) ва кислотали (кўпроқ оҳак, озроқ қумтупроқ) характерга эга бўлиши мумкин. Домна шлаги жуда арzon ва юқори сифатли қурилиш материали саналади. Масалан, асосли шлаклардан цемент, бетон ва фишт тайёрланади, кислотали шлакдан эса, одатда, иссиқликни ўтказмайдиган материал сифатида фойдаланилади.

Домна (колошник) газининг ўртача кимёвий таркиби қуйидагича:

26...32%CO; 1...4,5%H₂; 0,2...0,4%CH₄; 8...10%CO₂; 56...63%N₂. Колошник газида кўп микдорда ёнувчи газлар бўлгани учун, у чангдан тозалангач, юқори калорияли ёқилғи сифатида ишлатилади. Тозаланган 1 м³ домна гази 4500 кЖ иссиқлик чибаради. Домна печида ёқиладиган кокснинг ҳар тоннасидан 400000 м³ чамаси газ чиқади.

Колошник чанги шихта материалларининг домна газига қўшилиб чиқадиган жуда майда заррачаларидан иборат. Колошник чанги домна газини маҳсус аппаратларда тозалаш вақтида йиғилиб қолади. Бу чангдан агломерат тайёрлашда қўшимча хом-ашё сифатида фойдаланилади, чунки унинг таркибида маълум микдорда руда ва кокс бўлади.

Домна печининг техник–иктисодий кўрсаткичи унинг фойдали ҳажмидан фойдаланиш коэффициенти (K_{ϕ}) ва ёқилгининг солиштирма сарфланиш коэффициенти (K_e) орқали аниқланади

$$K_{\phi} = \frac{V}{T}, \quad \frac{m^3}{m}$$

Бу ерда: V – печнинг фойдали ҳажми, м³; T – ўртача бир кеча–кундузда ишлаб чиқарилган чўян микдори, т.

Кўпчилик домналарда $K_{\phi} = 0,5...0,7$ оралиғида бўлади.

Домналарда ёқилгининг солиштирма коэффициенти (K_e) ни аниқлаш учун ёқилгининг бир кеча – кундузлаги сарфи (A) эритилган чўян микдорига (T) бўлинади:

$$K_e = \frac{A}{T}$$

Одатда, бу коэффициент 0,5...0,6 оралиғида бўлади.

Савол ва топшириқлар

1. Асосий темир рудаларини айтиб беринг.
2. Домна печида қандай жараёнлар содир бўлади?
3. Домна печидан олинадиган маҳсулотларни ва уларнинг ишлатилишини айтиб беринг.
4. Домна печи ишининг техникик–иктисодий кўрсаткичларини айтиб беринг?

Маъруза мавзуси: Пўлат ишлаб чиқариш

Режа:

1. Пўлат ишлаб чиқаришда содир бўладиган физик – кимёвий жараёнлар;
2. Кислород конверторларида пўлат ишлаб чиқариш;
3. Мартен усули тўғрисида қисқача маълумотлар;
4. Электр печларида пўлат суюқлантириш;
5. Темирни унинг рудасидан бевосита қайтариш.

Таянч иборалар: Пўлат; оксидловчи муҳит; кислород конвертори; мартен усули; скрап - жараён; скрап – рудавий жараён; электр ёй ва индукцион электр печлари; темир губкаси; крица.



1. Пўлат ишлаб чиқаришда содир бўладиган физик – кимёвий жараёнлар

Пўлат ишлаб чиқариш учун қуйидаги материаллардан фойдаланилади: металл шихта, металл қўшимчалар, флюслар ва оксидловчилар.




Метал шифтанинг асосий қисми қайта ишланувчан чўян ва пўлат чиқиндилардан иборат бўлиб, унинг таркибига ферроқотишмалар ва темирни унинг рудасидан бевосита қайтаришда ҳосил бўладиган маҳсулотлар ҳам кириши мумкин. Чўянни пўлатга айлантириш жараёнининг моҳияти – чўян таркибида углерод, кремний, марганец ва фосфор каби элементларнинг микдорини камайтириб, уларнинг бир қисмини (Si , Mn , S , P) шлакка ўтказишидан иборат. Ферроқотишмалар пўлатни кислородсизлантириш ва легирлаш учун қўшилади. Флюслар сифатида оҳактош, боксит ва дала шпати ишлатилади. Флюслар шлак ҳосил қилиш ва унинг суюқ ҳолатда оқувчанлигини ошириш учун хизмат қилади. Оксидловчи муҳит сифатида газ ҳолатидаги кислород ва печь муҳитида, шунингдек темир рудаси, агломерат, оқатиш, куйиндилардан ҳам фойдаланиш мумкин. Темир кислород билан қуйидаги реакция бўйича оксидланади:




Печь газлари (оксидловчи газлар) темир билан бир қаторда, унда эриган бошқа элементларни ҳам оксидлайди, хусусан:



*Квадрат қавсдаги элементлар металл таркибига, айлана қавсдагилари эса шлак таркибига киради. Темир таркибидаги элементлар (Si , Mn , C) шлак таркибидаги FeO билан ҳам оксидланади:



Пўлат ишлаб чиқариш агрегатида шлак ($\text{FeO} + \text{CaO}$) остида фосфордан тозаланиш жараёни содир бўлади:



Пўлатни олтингугуртдан тозалаш учун ҳам CaO дан фойдаланилади:



Зарур ҳолларда пўлатга легирловчи элементлар қўшилиб легирланади.

2. Кислород конверторларида пўлат ишлаб чиқариш


Конверторларда пўлат ишлаб чиқариш жараёнининг асосида суюқ чўянга газ ҳолатидаги оксидловчилар (O_2) билан ишлов бериш ётади. Оксидланиш реакцияларини экзотермик иссиқлиги ва суюқ чўяннинг физик иссиқлиги жараённи тўлиқ таъминлайди. Замонавий кислород конверторлари (7-шакл) қобиги пўлат листлардан тайёрланиб, уларнинг ички қисмига ўтга чидамли материаллар (магнезит, хроммагнезит, доломит)дан девор терилади. Бу девор 2000 мартағача пўлат суюқлантиришга чидайди. Конвертор усулида пўлат олиш учун конвертор горизонтал вазиятга келтирилади ва унга формалар орқали кислород ҳайдалади. Кислород оқимининг таъсирида, асосан (1)-реакция натижасида чўян таркибидаги темир оксидланади, ҳосил бўлган FeO шлакда эриб, доимо металл билан аралашиб туради.

Қўшимчаларнинг оксидланиши (5), (6) ва (7) реакциялар бўйича содир бўлади. Пўлат (8) ва (9) реакциялар асосида заарли қўшимча бўлган фосфордан, (10)-реакция бўйича эса олтингугуртдан тозаланади. Ҳосил бўлган CaS ва $(\text{CaO})_4 * \text{P}_2\text{O}_5$ шлакка ўтади ва печдан чиқарилади. FeO нинг бир қисми металлда эрийди ва уни кислород билан бойитади.



Ҳажми 300 т бўлган конверторга 12-20 дақиқа кислород ҳайдалади. Пўлат намунасини текширишга олиш учун 6 дақиқа вақт сарфланади.

Конвертордан қўйиб олиш даврида суюқ пўлат ферромарганец, ферросилиций, алюминий ёрдамида кислородсизлантирилади ва легирловчи элементлар билан лигерланади. Конвертордан даставвал пўлат, сўнг шлак чиқарилади, печнинг ички қоплами (девори) кўздан кечирилади, бу ишларга 5 – 10 дақиқа вақт сарфланади. Шундай қилиб, ҳажми 300 тонналик конверторда чўянни пўлатга айлантириш учун 35-40 дақиқа вақт кетади, бу жараённинг меҳнат унумдорлиги 400...500 т/соатни ташқил этади.



7-шакл. Кислород-конверторининг тузилиши: 1-суюқ, пўлат чиқариш; 2-кислород ҳайдаш фирмаси; 3-печнинг оғзи; 4-печнинг цилиндрик қисми; 5-цапфа; 6-конверторнинг сферик туби.

3. Мартен усули тўгрисида қисқача маълумотлар.

Бу усулни 1864 йилда француз металлурглари Пьер ва Эмиль Мартенлар кашф этганлар. Сифатли пўлатнинг 80%и шу усулда ишлаб чиқарилмоқда. Мартен жараёни регенераторлар билан таъминланган алангали печларда амалга оширилади. Иссиқлик манбай - мазут ёки ёнувчи газлар билан қиздирилган ҳаво ($1000..1200^{\circ}\text{C}$) аралашмаси. Аланганинг ҳарорати $1800..1900^{\circ}\text{C}$ га етади, бу эса металл шихтани суюқлантириш учун кифоя қиласи.

Печнинг ички қопламнга терилган ўтга чидамли материалнинг хилига кўра Мартен печлари асосли (магнезит, хроммагнезит) ва кислотали (динас, кварц қуми, янчилган кварцит) турларга бўлинади. Таркибида олтингугурт ва фосфор микдори кўпроқ бўлган металл шихтани суюқлантириб, сифатли пўлат олиш имконини бергани учун асосли мартен печлари кенгроқ тарқалган.

Печга юкландиган материалларнинг турига қараб мартен жараёни скрап-жараён (шихта $-25..45\%$ чўян, қолган қисми темир-терсак ва бошқа компонентлар) ва скрап-рудавий жараёнларга (шихта- $60..70\%$ суюқ чўян, қолгани скрап, темир ва марганец рудалари) бўлинади. Скрап-рудавий жараён кўпроқ қўлланилади.

Мартен печи ишининг техник-иктисодий кўрсаткичларига печь тубининг 1м юзасидан бир кеча-кундузда олинган пўлат микдори ва 1т пўлат олиш учун сарфланган шартли ёқилғи микдори киради. Печь тубининг 1м юзасидан бир


кеча-кундузда олинадиган пўлат микдори печнинг ҳажмига, механизациялаштирилганлик даражасига ва жараённинг турига, 1т пўлат олиш учун сарфланган шартли ёқилғи микдори эса ёқилгининг хилига, олинадиган пўлат навига ва жараённинг турига боғлиқ бўлади. Масалан, скрап-рудавий жараёnda 130т сифими печь тубининг ҳар 1м² юзасидан 10т чамаси пўлат олинади. Печга кислород билан бойитилган ҳаво ҳайдалганда печнинг унуми 15..20% ошади. 1т пўлат олиш учун сарф бўладиган шартли ёқилғи микдори скрап – рудавий жараёнида 100...180 кГ ни, скрап жараёnda эса 170... 250 кГ ни ташкил этади. Печнинг сифими қанча катта бўлса, 1т пўлат олиш учун сарфланадиган ёқилғи микдори шунча кам бўлади.

Мартен печларининг унумдорлигининг оширишнинг энг муҳим омили янги прогрессив технологияларини жорий қилиш, биринчи навбатда эса, соф кислороддан фойдаланишdir.

4. Электр печларида пўлат суюқлантириш

Ҳозирги вақтда металлургия ва машинасозлик корхоналарида электр энергиясининг нисбатан арzonлиги ва юқори ҳарорат (2000°C) ҳосил қилиш мумкинлиги туфайли электр – ёй печларида пўлат ишлаб чиқариш ривожланмоқда.

Бу мақсадда уч электродли электр – ёй ва индукцион электр печларидан фойдаланилади. Электр – ёй печлари кўпроқ қўлланилади (8-шакл).



8-шакл. 30 тонналик электр-ёй печининг тузилиши:

1-пасайтирувчи транформатор; 2-кабел; 3-печни оғдириш механизми; 4-электродларни маҳкамлаш ва силжитиш механизми; 5-электродлар; 6- печнинг гумбази; 7-пўлат чиқариш нови; 8- печнинг туби; 9-печнинг пўлат қобиги; 10-тиргак сегментлар; 11-пойдеворнинг йўналтирувчиси; 12-пойдевор.

Бундай печлар, асосан, цилиндр шаклдаги пўлат қобиқ ва сферик ёки текис тубдан иборат. Печнинг ички девори ўтга чидамли фиштлардан

тайёрланади. Асосий печларнинг туби магнезитли фиштлардан тайёрланиб, устига 150...200 мм қалинликда магнезитли ёки доломитли қатлам қопланади. Бундай печларнинг сифими 400т гача бўлади. Электродларнинг диаметрлари 200...600 мм, узунлиги эса 3000мм қилиб тайёрланади.

Электр печлар суюқ пўлатни қўйиб олиш учун 40...45⁰ бурчакка оғишни таъминлайдиган маҳсус механизмлар билан жихолангандир. Печь трансформаторларнинг қуввати печнинг сифимига ва ўлчамига боғлиқ бўлади. Масалан, 10 тонналик печ учун қуввати 3500 кВА, 250 тонналик печ учун 60000 кВА бўлган трансформаторлардан фойдаланилади.

Печларга хомашё маҳсус машиналар ёрдамида юкланди. Бундай юкловчи машина 35 тонналик печни бир соатга яқин вақтда юклайди. Сўнгра печга электродлар туширилади, ток ўланади ва пўлат суюқлантириш бошланади.

Оксидланиш жараёни даврида шихта суюқланади, унинг таркибидаги кремний, марганец, углерод ва баъзи легирловчи элементлар куйиб кетади. Оксидланиш жараёни конверторлар ва мартен печларидаги жараёнлардек бўлади. 1 тонна углеродли пўлат эритиб олиш учун 500...700 кВт – соат, легирланган пўлат учун 1000 кВт – соат электр энергияси сарф қилинади. Пўлат эритиш жараёни 6...8 соат давом этади. Электр печларида, асосан юқори сифатли пўлат суюқлантириб олинади.

5. Темирни унинг рудасидан бевосита қайтариш

Темир рудасини бевосита қайтариш йўли билан губка, крица ва суюқ ҳолатдаги темир олиш мумкин.

Temir губкаси кўмир, кокс ёки газ (углерод ва водород оксидлари) шаклидаги қайтарувчилардан фойдаланиб олинади. Бу жараён трубали ва шахта печларида 950...1000⁰C ҳароратда амалга оширилади. Бундай ҳароратда қайтарилган темир рудаси ва бекорчи жинслар суюқланмайди. Ҳосил бўлган маҳсулот янчилиб, майдаланади, сўнгра эса магнит сепарацияси ёрдамида темир бекорчи жинслардан тозаланади. Олинган губка таркибида 90% гача темир моддаси бўлади ва у пўлат суюқлантириб олиш учун ишлатилади.

“Крица” деган маҳсулот айланиб турадиган трубали печларда олинади. Тумир рудаси, қаттиқ ёқилғи ва оҳактошдан иборат аралашма 1250...1300⁰C ҳароратли печда иссиқ газлар оқимига қарама-қарши йўналишда ҳаракат қиласи, руда таркибидаги темир оксиди қайтарилади, ҳосил бўлган маҳсулот “крица” кўринишда шакланади. Крица таркибида 90...95%Fe, 0,5...1,5%C, 0,2...1%S, 0,2...1%P ва шлак бўлади. Крица ҳам пўлат олиш учун хом ашё саналади.

Савол ва топшириқлар

1. Чўянни пўлатга айлантириш жараёнининг моҳияти нимадан иборат?
2. Чўян таркибидаги қўшимчаларнинг оксидланиш реакцияларини ёзинг.
3. Пўлат олиш усувларини айтиб беринг.
4. Мартен жараёни неча турга бўлинади? Сcrap–рудавий жараёнини изохланг.
5. Электр печларида қандай пўлатлар олинади?
6. Темирни унинг рудасидан бевосита қайтариш усули билан қандай маҳсулотар олинади? Уларни тавсифини келтиринг.

Маъруза мавзуси: Қотишмаларнинг назарий асослари.

Режа:

- 1. Қотишмалар ва уларнинг тузилиши;**
- 2. Мувозанат ҳолатидаги фазалар**
- 3. Қотишмаларнинг ҳолат диаграммалари.**

Таянч иборалар: қотишмалар; механиқ аралашмалар; Қаттиқ эритмалар; урин алмашиш; сингиш; кимевий бирикма ҳосил қилувчи қотишмалар; барқарор кимёвий бирикма; компонентлар; фаза; фазалар (Гиббс) коидаси; ҳолат диаграммаси; биринчи тур ҳолат диаграммаси; иккинчи тур ҳолат диаграммаси;

1. Қотишмалар ва уларнинг тузилиши

Икки ёки ундан ортик металлнинг суюқ ҳолатдаги бир жинсли аралашмаси ёки бу аралашманинг қотишидан ҳосил бўлган маҳсулот **қотишина** дейилади. Лекин баъзи қотишмаларнинг таркибига нометалл элементлар ҳам маълум микдорда кушилиши мумкин. Бунда қотишманинг асосий металлик хоссалари сақланади. Соф металларни ишлаб чиқариш технологияси нисбатан қотишмалар ишлаб чиқариш технологияси оддий ҳамда арzonдир. Қотишмаларнинг механиқ ва технологик хоссалари соф металларнинг шундай хоссаларидан афзалдир. Шунинг учун ҳам қотишмалар машина, ҳамда уларнинг механизмлари, қурилмалар, конструкцияларнинг деталларини тайёрлашда асосий зарур материал хисобланади.

Қотишмалар таркибидаги металл атомларининг ўлчами, кристалл панжаранинг хили, суюқланиш ҳарорати, умуман, металл атомларининг ўзаро муносабатига қараб қўйидаги турларга бўлинади:

1. Механиқ аралашмалар. Қотиши таркибидаги металл атомлари кристалланиш жараёнида ўзаро бир-бирларини итарса, атомлари соф металл кристаллар ҳосил бўлади. Бунда кристаллар бир-бирлари билан кристалл юзлари билан боғланади, холос. Бундай қотишмалар металл кристалларининг механиқ аралашмаларидан иборат бўлади. Шунинг учун уларни **механиқ аралашшина** деб аталади. Механиқ қотиши таркиби кирувчи металл атомларининг ўлчамлари бир-биридан 15 % дан кам фарқ қиласлиги керак. Қўрошин-суръма системаси икки компонентли механиқ қотишмага мисол бўла олади.

2. Қаттиқ эритмалар. Қотишмаларнинг бу турига кирувчи қотишмалар суюқ ҳолатда ҳам, қаттиқ ҳолатда ҳам бир жинсли бўлади, яъни компонентлар бир-бирида чексиз эрийди. Бундай қотишмаларда металл атомлари умумий кристалл панжарага жойлашади, яъни эрувчи металлнинг атомлари эритувчи металлнинг кристалл панжарадаги ўрнини алмашади. Демак, компонентлар қаттиқ ҳолатда ҳам бир-бирларида чексиз эрийди. Бундай хоссага эга бўлган қотишмалар қаттиқ **эритмалар** дейилади.

Қаттиқ эритмалар **урин алмашиш** ва **сингиши қаттиқ** эритмаларига бўлинади. Урин алмашиш қаттиқ эритмалари ҳосил бўлиши учун иккинчи (эрийдиган) элементнинг атомлари биринчи (эртувчи) элементнинг кристалл

панжарасида ўрин алмашади. Қаттиқ әритманинг микроструктураси бир жинсли кристалл доналардан иборат бўлади ва у тоза металнинг структурасидан кам фарқ қиласди. Металшуносликда қаттиқ әритмалар α , β , γ , δ каби белгиланади. Барча металлар қаттиқ ҳолатда бир-бирида маълум даражада ўзаро эриши мумкин. Масалан, алюминийда 5,5% гача мис, мисда эса 39% рух эриши мумкин. Бунда кристалл панжаранинг тури ўзгармайди. Компонентлари бир-бирида чексиз эрийдиган урин алмашиб қаттиқ әритмалари ҳосил бўлиши учун қуидаги шартлар бажарилиши керак:

1. Қотишма компонентлари бир хил кристалл панжарага эга бўлиши;
2. Қотишма компонентларининг атомлари ўлчамлари орасидаги фарқ 9-15% дан ошмаслиги;
3. Менделеев даврий системасида компонентлар битта даврий гурухга мансуб бўлиши.

Масалан, Ё.М.К. панжарага эга бўлган қуидаги металлар бир-бирида чексиз эриб қаттиқ әритма ҳосил қиласди: кумуш ва олтин, мис ва никель, темир ва кобальт, темир ва хром, никель ва паладий ва бошқалар.

Сингиши қаттиқ әритмалари ҳосил бўлиши учун эрувчи элементнинг атоми диаметри әритувчи элементнига нисбатан жуда кичик бўлиши керак. Шу сабабли бундай қаттиқ әритмалар металлар (масалан, темирда, молибденда, хромда ва б.) кристалл панжараларига углерод, азот, водород каби элементлар атомларининг сингиши натижасида ҳосил бўлади. Бу жараённинг кечишида кристалл панжарада мавжуд бўлган бўшликлар сони катта аҳамиятга эга.

3. Кимёвий бирикма ҳосил қилувчи қотишмалар. Бу турга киравчи қотишмалар таркибидаги компонентлар ўзаро кимёвий реакцияга киришиб бирикма ҳосил қиласди. Ҳосил бўлган кимёвий бирикма атомларининг кристалл панжараси айрим компонентларнинг кристалл панжараларидан фарқ қиласди. Кимёвий бирикмаларни қаттиқ әритмадан кескин ажратиб турадиган хусусиятлар қуидагилардир:

1. Кимёвий бирикма ўзига хос кристалл панжара турини ҳосил қилиш хусусиятига эга. Янги турдаги кристалл пунжара шу кимёвий бирикмани ташқил қилувчи компонентларнинг кристалл панжара турларидан тубдан фарқ қиласди. Компонентлар атомлари тартибли жойлашган бўлиб, маълум жойлашиш конуниятларига эга. Кўпчилик кимёвий бирикмаларнинг элементтар кристалл панжараларининг турлари мураккаб бўлади.

2. Бирикмада элементлар массасининг нисбати доимо сақланади. Шунинг учун кимёвий бирикмалар содда қилиб $A_m B_n$ ифода билан белгиланади. Бу ерда m ва n бутун сонлар бўлиб, элементларнинг атом нисбатларини ифодалайди.

3. Кимёвий бирикмаларнинг хоссалари шу бирикмани ташқил қилувчи элементлар хоссаларидан кескин фарқ қиласди.

4. Киёвий бирикмаларнинг суюқланиш ҳарорати ўзгармас бўлиб, бирикма суюқланиш ҳароратигача сакланиб колиши ҳам мумкин, лекин суюқланиш ҳароратига етмасдан парчаланиб кетиши ҳам мумкин. Агар кимёвий бирикма суюқ фазадан тўғридан-тўғри кристалланса ёки қиздиргандা суюқланиш ҳароратигача сакланиб колса, бундай биркма **барқарор кимёвий бирикма** деб аталади. Агар кимёвий бирикма Қаттиқ фазаларнинг мувозанати ўзгариши натижасида вужудга келса ёки қиздириш натижасида Қаттиқ холда диффузион парчаланиб кетса, бундай кимёвий бирикмалар **бекарор кимёвий бирикмалар** деб аталади.

5. Кимёвий бирикмаларнинг ҳосил бўлишида ҳарорат ўз-ўзидан ўзгариши мумкин.

Кимёвий бимрикмаларнинг ҳосил бўлишида атом электрон тузилишлари бир-биридан кескин фарқ қиласидан компонентлар қатнашади.

Кимевий бирикма ҳосил қилувчи қотишмалар бир жинсли бўлиб, $MgSn$, Mg_2Pb , Mg_3Bi_2 , $MgSi$, MgS , Fe_3C , $NbCl$, $CaCl_2$, $CuZn$, $CuZn_8$, $CuZn_3$, каби бирикмалар шулар жумласига киради.

2. Мувозанат ҳолатидаги фазалар

Тоза металларнинг кристалланишида ташқи омилларнинг ўзгариши натижасида мувозанатнинг бузилиши ва система фазаларининг ўзгариши маълум.

Суюқ ёки қаттиқ қотишманинг бошқа қисмларидан чегара сиртлари билан ажралган, ҳамда кимевий таркиби ёки тузилиши билан фарқ қиласидан қисми **фаза** дейилади. Мураккаб системалар бир неча фазадан иборат бўлиб, бир-биридан чегара сиртлари билан ажралиб туради. Қотишмалар таркибидаги соф металлар, суюқ ёки қаттиқ эритмалар, кимевий бирикмалар фазалардир. Мувозанат ҳолатидаги фазалар йифиндиси система (қотишма)дир. Системанинг таркибий қисмлари **компонентлар** дейилади. Соф металлар ёки барқарор кимевий бирикмалар системанинг компонентлари дир. Система фазаларининг сонига ва хилига ҳалал етказмай ўзгартирилиши мумкин бўлган ташқи ва ички омиллар сони (ҳарорат, босим ва концентрация) тегишли системанинг эркинлик даражалари сони дейилади.

Гетероген системалар қонуниятлари 1873-1878 йилларда Д.В.Гиббс томонидан аниқланди ва система даги умумий мувозанатнинг фазалар қоидасига бўйсунгандигини қуидагича ифодалади:

$$C = K + n - \Phi; \quad (1)$$

бунда: C -эркинлик даражалари сони, K -системани ташқил этган компонентлар сони, Φ -системанинг мувозанатнинг ўзгарувчи омиллари бўлиб, бўлар ўзаро боғлиқ эмас.

Агар металл системаларни текширишда босим ўзгармас деб олинса, у холда система даги эркинлик даражалари сони қуидагича аниқланади:

$$C = K + 1 - \Phi \quad (2)$$

Бу формулаардан фойдаланиб, бир ва икки компонентли системаларнинг мувозанат ҳолатларини қуидагича текшириш мумкин.

Агар $K = 1$, $\Phi = 1$ бўлса, 2- формуладан $C = 1$ келиб чиқади. Бу шуни кўрсатадики, система шу шароитда (маълум ҳароратда) қиздириш ёки совутиш мумкин, холос. Бунда фаза ўзгармайди.

Агар $K = 1$ ва $\Phi = 2$ бўлса 2-формуладан $C = 0$ келиб чиқади. Демак, айни шароитда система мувозанат ҳолатида бўлади. Фазалар қоидасига асосан бир компонентли системаларнинг фазалар сони иккidan ортиқ бўлиши мумкин эмас.

Энди фазалар қоидасини икки компонентли **Pb-Sb** қотишманинг суюқ ҳолатига тадбик этиб кўрайлик. Агар $K = 2$ ва $\Phi = 1$ бўлса, $C = 2$ га teng бўлади. Бу шуни кўрсатадики, система мувозанат ҳарорати ва компонентлар концентрациясини маълум чегарада ўзгартириш мумкин бўлиб, фаза ўзгармайди.

3. Қотишмаларнинг ҳолат диаграммалари

Қотишмалар ҳолатининг ҳарорат ва концентрацияга қараб ўзгаришини ёки бирор қотиshmанинг қайси ҳароратда қандай вазиятда бўлишини кўрсатувчи диаграмма **ҳолат диаграммаси** деб аталади.

Қотишмаларнинг ҳолат диаграммаси баъзан мувозанат диаграммаси ҳам дейилади, чунки у баъзи шароитда (маълум ҳарорат ва концентрацияда) қандай фазалар ўзаро мувозанатда бўлишигина ифодалайди.

Маълумки, икки элемент (масалан, қўроғошин билан суръма) суюқлантирилиб, сўнgra совутилганда механиқ аралашма (қотишма) ҳосил бўлади. Компонентлари механиқ аралашма ҳосил қиласиган қотишмаларнинг ҳолат диаграммалари **биринчи тур ҳолат диаграммаси** деб аталади. (9- шакл, а)


Компонентлари механиқ аралашма ҳосил қиласиган қотишмалар жумласига **Pb-Sb** системасидан ташқари, **Bi-Cd, Sn-Zn** ва бошқа системалар ҳам киради.

Суюқ ҳолатда ҳам, Каттиқ ҳолатда ҳам бир-бирида истаганча эрийдиган икки элементдан иборат қотишмаларнинг ҳолат диаграммаси **иккинчи тур ҳолат диаграммаси** деб аталади (9-шакл, б).

Иккинчи тип ҳолат диаграммаси ҳосил қиласиган системалар жумласига **Cu-Ni, Bi-Sb, Au-Sb, Au-Pt, Au-Ag, Au-Pb, Fe-Cr, Fe-Ni, Fe-Co, Fe-V** системалари киради.

Компонентлари бир-бирида маълум чегарагача эрийдиган (учинчи тур) ва компонентлари бир-бири билан кимевий бирикмалар ҳосил қиласиган (туртинчи тур) қотишмалар ҳам мавжуд. (9-шакл, в, г)

Қотишмаларнинг ҳолат диаграммалари билан шу қотишмалар хоссаларининг боғлиқлиги (Н.С.Курнаков буйича) қўйидаги шаклда кўрсатилган:



9-расм. Қотишмаларнинг ҳолат диаграммалари билан хоссалари орасидаги боғлиқлик.

Савол ва топшириқлар:

1. Қотишка деб нимага айтилади?
2. Қотишмаларнинг қандай турларини биласиз?
3. Қаттиқ эритма ҳосил бўлиши учун қандай шартлар зарур?
4. Кимёвий бирикмалар Қаттиқ эритмалардан қандай хусусиятлари билан фарқ қиласи?
5. Механиқ аралашмалар қандай ҳолатларда ҳосил бўлади?
6. Фазалар коидасининг математик ифодасини ёзинг.
7. Кимёвий бирикмаларга мисоллар келтиринг.
8. Ҳолат диаграммаларининг хилларини чизиб кўрсатинг.
9. Қотишмаларнинг ҳолат диаграммалари билан уларнинг хоссалари орасидаги боғланишни изохланг.

Маъруза мавзуси: Темир ва унинг қотишмалари

Режа:

1. Темир ва углероднинг хоссалари;
2. Темир-углерод қотишмаларида учрайдиган фазалар ва структуралар;
3. Темир-цементит ҳолат диаграммаси.

Таянч иборалар: Темир ва углероднинг хоссалари; асосий структуралар: феррит, аустенит, перлит, цементит, ледебурит, графит ва уларнинг хоссалари; ҳолат диаграммаси; асосий чизиклар; асосий Нуқталар; ҳолат диаграммасининг амалий аҳамияти.

1. Темир ва углероднинг хоссалари

Темир-суюқланиш ҳарорати 1539°C га тенг бўлган ялтироқ, оч кулранг металлдир. Хозирги пайтда ажратиб олинаетган техник тоза темирнинг таркибида $0,1\ldots0,2\%$ ($\text{C}, \text{Mn}, \text{Si}, \text{S}, \text{P}$ ва б.) қўшимчалар бўлади.

Темирнинг муҳим хоссаларидан бири-унинг аллотропик шакл ўзгартиришидир. Ҳароратга қараб $\alpha\text{-Fe}$ ёки $\gamma\text{-Fe}$ бўлиши мумкин. 911°C дан паст ҳароратларда $\alpha\text{-Fe}$, $911\ldots1401^{\circ}\text{C}$ оралиғида $\gamma\text{-Fe}$, $1401\ldots1539^{\circ}\text{C}$ да эса $\beta\text{-Fe}$ шаклида мавжуд бўлади.

Темирнинг механиқавий хоссалари унинг тозалигига ва доналари ўлчамига боғлиқ. Темирнинг Бринель бўйича қаттиклиги $58\ldots80$ га, чўзилишдаги мустахкамлик чегараси $\sigma_e = 180\ldots280 \text{ H/cm}^2$, нисбий узайиши $\delta = 30\ldots50\%$, зичлиги $7,68 \text{ m/m}^3$ га тенг бўлиб, у $\text{C}, \text{Si}, \text{Mn}, \text{Cr}, \text{Ni}$ каби элементлар билан қотишмалар ҳосил қиласди.

Углерод - зичлиги $2,5 \text{ m/m}^3$, суюқланиш ҳарорати 3500°C га тенг бўлган нометалл элементдир. У уч хил аллотропик шаклда мавжуд бўлади: кўмир, графит ва олмос. Темир-углерод қотишмалари таркибида углерод графит ҳолатида, ёки цементит (Fe_3C) ҳолатида учрайди.

Графитнинг пухталиги кам, унинг металлик хоссалари сезилар-сезилмас дараражада. Темир-углерод қотишмаларида углерод ўзининг металлик хоссаларини йўқотади. Углерод темирда эриб, α - ва γ - сингиш қаттиқ эритмаларини ҳосил қиласди.

Соф ҳолатдаги темир ва углерод машинасозлик материали сифатида қўлланилмайди. Турли машина ва механизмларнинг деталларини тайёрлаш учун темир билан углероднинг қотишмалари - пўлатлар ва чўянлар асосий конструкцион материал сифатида ишлатилади.

2. Темир-углерод қотишмаларида учрайдиган фазалар ва структуралар

Темир билан углерод ўзаро таъсирлашиб, қаттиқ эритма (феррит ва аустенит), кимевий бирикма (цементит) ва механиқ аралашмалар (перлит ва ледебурит)ни ҳосил қилиши мумкин. Шунингдек, темир-углерод системасида углерод соф-графит ҳолатида ҳам бўлиши мумкин.

Феррит - углероднинг ва бошқа элементларнинг α - темирдаги сингиш қаттиқ эритмасидир. 727°C гача ҳароратда α -феррит ($\text{C}=0,006\ldots0,025\%$), юқори

ҳароратларда эса δ - феррит ($C \leq 0,1\%$ гача) мавжуд бўлади. Феррит Х.М.К. панжарага эга; унинг асосий механиқавий хоссалари қуйидагича:

$$\sigma_e = 250 \text{ H/cm}^2; \quad \delta = 50\%; \quad \Psi = 80\%; \quad HB = 80...90.$$

Микроскоп остида кузатилганда феррит оқиш ранг доналар тарзида кўринади.

Аустенит - углероднинг γ - темирдаги сингиш каттиқ эритмасидир. Унда $727^\circ C$ да $0,8\%$ дан $1147^\circ C$ да $2,17\%$ гача углерод эриши мумкин, Е.М.К.панжарага эга, қаттиқлиги **HB 220** гача етади, магнитланмайди.

Цементит- темир билан углероднинг кимевий бирикмаси (Fe_3C), таркибида $6,67\%$ углерод бор; қаттиқлиги **HB800** га тенг, пластиклиги паст, мўрт структура. Цементитнинг суюқланиш ҳарорати аниқ бир қийматга эга эмас, тахминан $1250-1260^\circ C$ га тенг. $Fe-Fe_3C$ системасидаги цементит шартли равиша уч хилга бўлинади: бирламчи (Π_I), иккиламчи (Π_{II}) ва учламчи (Π_{III}). Бирламчи цементит бевосита суюқ қотишмадан кристалланади, иккиламчи цементит ҳарорат пасайиши билан аустенитдан, учламчи цементит эса ферритдан ажралиб чиқади. Иккиламчи (Π_{II}) ва учламчи (Π_{III}) цементитлар бекарор бўлиб, маълум ҳароратгача қиздирилганда қаттиқ эритма ва графитга парчаланиши мумкин.


Перлит - феррит билан цементитнинг механиқавий аралашмаси, аустенит $727^\circ C$ да парчаланганда ҳосил бўлади, углерод микдори- $0,8\%$ га тенг. Цементит шаклига қараб пластинкасимон ва донадор бўлади, пластинкасимон цементитли перлитнинг пухталиги юқорироқ, нисбий узайиши эса пастрок бўлади.

Ледебурит - цементит билан аустенитнинг эвтектиковий аралашмаси, суюқ қотишма совиши жараёнида $1147^\circ C$ ҳароратда ажралиб чиқади, агар совитиши давом эттирилса, аустенит перлитга айланади ($727^\circ C$ дан паст ҳароратда), демак, паст ҳароратларда ледебурит перлит билан цементитнинг аралашмасидан иборат бўлади. Ледебурит қаттиқлиги юқори (**HB700**) ва мўрт структурадир.

Графит - углероднинг гексагонал панжарага эга бўлган туридир, унинг зичлиги $2,2 \text{ t/m}^3$ га, суюқланиш ҳарорати $3500^\circ C$ га тенг, мустаҳкамлиги жуда кам. Графит чўянларда ва графитланган пўлатларда пластинкасимон, бодроқнусха ва шар шаклларида учрайди.

3. Темир-цементит қотишмаларининг ҳолат диаграммаси

Темир - цементит (темир-углерод) ҳолат диаграммаси ҳар хил ҳароратларда темир билан углерод қотишмаларининг фазавий таркибини ва структурасини кўрсатади. Амалда темир-углерод қотишмаларидан таркибида $6,67\%$ гача углероди бўлган, яъни **100%** цементит ҳосил қиласиган диаграмма қисми муҳим аҳамиятга эга. Шунинг учун темир-углерод диаграммасининг ана шу қисми таҳлил қилинади ва у **темир-цементит диаграммаси** деб аталади (10-расм).



10 - расм. Темир - углерод (цементит) ҳолат диаграммаси.

Диаграммадаги **ABCД** ликвидус чизиги ва **AHJECF** солидус чизиги орасида бирламчи кристалланиш содир бўлади. Суюқ фазадан аустенитнинг ажралиб чиқиши **ABC** чизиги бўйича бўлса, **СД** чизиги цементитнинг кристалланишига мос келади. **AH** чизиги феррит билан суюқ фазанинг мавжуд бўлиш чегарасини, **AHN** эса юкори ҳароратли феррит фазасининг мавжудлик чегарасини белгилайди. **HJB** перетектик горизонтал чизиқка мос келувчи ҳароратда (1499°C) суюқ қотишина билан ферритнинг ўзаро таъсирлашувидан аустенит ҳосил бўлади.

ECF чизиги (1147°C) буйлаб эвтектик реакция натижасида ледебурит ҳосил бўлишини, **PSK** чизиги эса (727°C) аустенит парчаланиб, феррит ва цементит ҳосил бўлишини кўрсатади.

Диаграммадаги асосий нуқталарнинг координаталари 1-жадвалда келтирилган.

1-жадвал

Нуқтанинг белгиланиши	A	B	H	J	N	E	C	F	D
Харорат, $^{\circ}\text{C}$	1539	1499	1499	1499	1392	1147	1147	1147	1250
Углерод миқдори, %	0	0,5	0,1	0,16	0	2,14	4,3	6,67	6,67

давоми


Нуқтанинг белгиланиши	G	P	S	K	Q	L
Харорат, $^{\circ}\text{C}$	911	727	727	727	600	600
Углерод						

микдори, %	0	0,02	0,8	6,67	0,01	6,67
------------	---	------	-----	------	------	------

Энди бевосита диаграммани ўрганишга киришамиз. Темир-цементит диаграммаси жуда мураккаб бўлганни учун уни қисмларга бўлиб ўрганамиз.

Қотишмаларда юқори ҳароратда рўй берадиган ўзгаришларни кузатиш учун диаграмманинг ана шу қисми қаттароқ қилиб қўрсатилган (11-шакл).

K_1 таркибли ($0,1\% C$) қотишмада содир бўладиган структуравий ўзгаришларни кўриб чиқайлик. Бу қотишма 1 нуқтадан паст ҳароратларгача совитилганда суюқ қотишмадан δ -феррит кристаллари ажралиб чиқа бошлайди, бу жараён 2 нуқтада тугайди. AHN соҳасида фақат δ -феррит мавжуд бўлади. З нуқтасигача қотишмада хеч қандай ўзгаришлар содир бўлмайди. З нуқтада δ -феррит аустенитга айлана бошлайди ва 4 нуқтада бу жараён тугайди. NHJ соҳасида қотишма структураси δ - феррит билан аустенитдан, HJ чизигидан паст ҳароратларда эса фақат аустенитдан иборат бўлади.




11- шакл. Кам углеродли пўлатларнинг бирламчи кристалланиши.

Таркибида $0,15\%$ углероди бўлган қотишмадан ҳам 5- ва 6- нуқталар орасида суюқ қотишмадан феррит ажралиб чиқади; J нуқтада (1499°C) суюқ қотишманинг концентрацияси B билан, δ -феррит концентрацияси H билан белгиланади ва J концентрацияли аустенит ҳосил бўла бошлайди. Фазалар коидасини куллаб ($C=K-\Phi+I=2-3+I=0$) ни аниқлаймиз, демак, ўзгаришлар маълум муддат (**6-6¹ чизиги**) ўзгармас ҳароратда содир бўлади.

Таркибида $0,16...2,14\%$ углероди бўлган қотишмалар BC ва JE чизиклари билан чегараланган соҳада кристалланади ва JE чизигидан паст ҳароратларда бир фазали аустенит структураси ҳосил бўлади.

Кўп углеродли қотишмаларнинг бирламчи кристалланиш жараёнини 12-шаклдан фойдаланиб анализ қилиш мумкин.




12-шакл. Кўп углеродли қотиshmаларнинг бирламчи кристалланиши.

Таркибида **4,3 %** углероди бўлган чўян **1147°C** ҳароратда тўлиқ эвтектика (ледебуритга) айланади. Эвтектикагача бўлган қотиshmаларда (**2,14...4,3 % C**) кристалланиш жараёни аустенит ҳосил бўлиши билан бошланади. **K_1** концентрацияли қотишма **1** нуқтада кота бошлади. **a** нуқтага мос келувчи ҳароратда қотишма аустенит кристаллари ва суюқ қотиshmадан иборат. Кесмалар коидасига кура қотиshmанинг суюқ қисмининг улуши **ac/vc** нисбатдан, аустенит микдори эса **av/vc** нисбатдан аниқланади. Аустенит кристалларининг ва суюқ қотиshmанинг кимевий таркиби мос равишда **c** ва **b** нуқталарини концентрация ўқига проекциялаб аниқланади.

Эвтектикадан кейинги қотishmалар (**K_2** таркибли қотишма) кристалланиши **СД** чизиги буйлаб бирламчи цементитнинг ажралишидан бошланади. **d** нуқтага мос келувчи ҳароратда қотиshmанинг суюқ қисмининг улуши **e** нуқтани концентрация укига проекциялаб топилади. Ҳарорат **S** нуқтагача пасайганда суюқ қотishmада яна **4,3 %** углерод бўлади. Шу ҳароратда қолган суюқ қотishmанинг ҳаммаси эвтектикага айланади. **CF** чизигидан паст ҳароратларда қотишма структураси цементит ва ледебуритдан иборат бўлади.

Пўлатлар совитилганда аустенит структурасининг ўзгаришини кўриб чикамиз (13 - шакл).



13-расм. Пўлатларнинг иккиламчи кристалланиши.

Таркибида $0,8\%$ C бўлган қотишманинг структураси 727°C гача аустенитдан иборат бўлади. Секин совитилганда S нуктада аустенит феррит пластинкалари ва цементит аралашмасига парчаланади (перлит). Перлит - эвтектоид деб аталади. Таркибида $0,8\%$ гача углерод бўлган пўлатлар эвтектоидгача бўлган пўлатлар деб, $0,8\%$ дан кўп микдорда углерод бўлган пўлатлар эса эвтектоиддан кейинги пўлатлар деб юритилади.

Эвтектоидгача бўлган пўлатларда структуравий ўзгаришлар феррит ҳосил бўлишидан бошланади. K_1 таркибли пўлат 2 нуктага мос келувчи ҳароратдан бошлаб таркибида деярли углероди бўлмаган ферритга айлана бошлайди. GPS соҳасида аустенит ва феррит, PS чизигидан паст ҳароратларда эса феррит билан перлит мавжуд бўлади.

Эвтектоиддан кейинги пўлатларнинг иккиламчи кристалланиши иккиламчи цементит ажралиб чиқиши билан бошланади. K_2 таркибли қотишмада иккиламчи цементитнинг кристалланиши 5 нуктада бошланиб, 6 нуктада тугайди. Иккиламчи цементит аустенит доналарининг чегараларида жойлашади.

SK чизигида аустенит перлитга парчаланади. Бу чизикда паст ҳароратларда эвтектоиддан кейинги пўлатларнинг структураси чегараларида цементит тури жойлашган перлит доналаридан иборат бўлади.

Шундай қилиб, темир-цементит ҳолат диаграммасидан фойдаланиб, барча углеродли пўлатлар ва Чўянларни қиздирганда ва совитганда уларда руй берадиган фазавий, ҳамда структуравий ўзгаришларни тушуниб етиш мумкин. Шунингдек, қотишмаларга термик ишлов бериш учун ҳароратларни танлаш, қиздириб босим остида ишлов бериш учун қиздириш ҳароратлари ораликларини белгилаш мумкин. Бўлар ҳолат диаграммасининг амалий аҳамиятини белгилайди.

Савол ва топшириқлар:

1. Темир – цементит ва темир – углерод қотишмаларида қандай фазалар ва структуралар учрайди?
2. Таркибида 1,1 % ва 4,0 % бўлган қотишмаларнинг совиш эгри чизикларини чизинг ва унда содир бўладиган структуравий ўзгаришларни ёзинг.
3. Кесмалар коидасидан фойдаланиб, 800 °C гача қиздирилган 45 маркали пўлатнинг ҳолатини, фазалар сонини ва уларнинг миқдорини аниқланг.
4. Перлит структураси қиздирилганда аустенитга айланиш жараёнини тушунтириб беринг.

Маъруза мавзуси: Углеродли пўлатлар

Режа:

- 1. Углерод ва доимий қўшимчаларнинг пўлат хоссаларига таъсири;**
- 2. Углеродли пўлатларнинг турланиши ва маркаланиши;**
- 3. Автоматбоп пўлатлар.**

Таянч иборалар: Углеродли пўлатлар; доимий қўшимчалар; углерод; олтингугурт; фосфор; марганец; кремний; ишлаб чиқариш усулларида кўра; кайтарилиганлик даражасига кўра; кимевий таркибида кўра; ишлатилиш соҳасига кўра; сифатига кўра; юмшатилган ҳолатдаги структурасига; оддий сифатли углеродли пўлатлар; асбобсозлик пўлатлари;

1. Углерод ва доимий қўшимчаларнинг пўлат хоссаларига таъсири.

Таркибида 2,14 % гача углероди бўлган темир - углерод қотишмалари **углеродли пўлатлар** деб аталади.

Углеродли пўлатлар таркибида углероддан ташқари кремний, марганец, олтингугурт, фосфор, азот, кислород, водород каби элементларнинг қўшимчалари бўлади ва улар **доимий қўшимчалар** деб аталади. Улар фойдали (марганец, кремний) ва заарли (S, P, N, O, H) қўшимчалар гурухларида бўлинади.


Углерод- асосий қўшимча саналади. Углерод пўлатнинг механик хоссаларига кучли таъсир кўрсатади (14- шакл).

Таркибида углероднинг ортиши билан пўлатнинг қаттиқлиги (НВ), мустахкамлиги (σ_b) ортиб боради, зарбий қовушоқлиги (a_u), ҳамда пластиклиги (δ, Ψ) эса камаяди. Шунингдек, иссиқлик ва электр ўтказувчанлиги, магнитланиш хусусиятлари ҳам камаяди.

Углерод микдори ортиши билан пўлатнинг кесиб ишланувчанлиги, тобланувчанлиги яхшиланади, пайвандланувчанлиги эса пасайди.

Заарли элементлар пўлат хоссаларига салбий таъсир кўрсатади. Бу қўшимчалар таъсирида пўлатнинг иссиқ ва совук ҳолатдаги муртлиги ортади, пластиклиги ва қовушоқлиги камаяди. Лекин баъзи вактларда пўлат таркибидаги фосфор микдори оширилади. Чунки, фосфор қўшилганда пўлатни кесиб ишлаш осонлашади, мис билан биргаликда пўлатнинг коррозиябардошлиги ортади.

Олтингугурт - пўлатда **FeS** холида бўлади. У темир билан **988°C** да суюқланадиган эвтектика (**Fe+FeS**) ҳосил қиласи ва пўлат доналарининг чегараларида жойлашади. Бундай пўлатлар қизиганда мўрт бўлиб қолади. Бундан ташқари олтингугурт пўлатнинг пластиклигини, зарбий қовушоқлигини, чидамлилигини, пайвандланувчанлигини, коррозион мустахкамлигини камайтиради. Пўлатда олтингугуртнинг микдори **0,05 %** дан ошмаслиги керак.



14-шакл. Пўлатнинг механиқ хоссаларига углероднинг таъсири.

Пўлат учун заарли азот ва кислород элементлари пўлат таркибида, асосан, оксидлар (FeO , SiO_2 , Al_2O_3 , Fe_3N) шаклида учрайди ва соф холда микронуксонлар тўпланган жойда жойлашади (дарз ва говакларда). Бу элементлар пўлатнинг совуқ холда муртлигини оширади, зарбий қовушоқлигини пасайтиради.

Фосфор пўлатнинг совуқ ҳолатда муртлигини оширади, пластиклиги ва зарбий қовушоқлигини камайтиради. Юқори сифатли пўлатлар таркибида фосфор мидори **0,03 %** дан ошмаслиги керак.

Марганец пўлатга кислород ва олtingугуртнинг заарли таъсирини камайтириш учун кушилади. У пўлатнинг пухталигини оширади; Пўлат таркибида **0,8 %** гача марганец бўлиши мақсадга мувофикдир.

Кремний ҳам пўлатни кислороддан тозалайди, унинг пухталигини оширади, у ферритда тўлик эрийди ва алоҳида структура сифатида кузатилмайди. Одатда, пўлат таркибида **0,5 %** гача кремний бўлади.

2. Углеродли пўлатларнинг турланиши ва маркаланиши

Пўлатлар ишлаб чиқариш усулига, кимевий таркибига, кулланилиш соҳасига, кайтарилганлик даражасига ва структурасига кура турланади.

Ишлаб чиқариш усулларига кура пўлатлар мартен, кислород-конвертор, бессемер, томас ва электр пўлатлари турларига бўлинади.

Кайтарилганлик даражасига кура пўлатлар Турғун, кайнамайдиган (спокойные), кайнайдиган (кипящие) ва оралиқ (полуспокойные) пўлатлари турларига бўлинади.

Кимевий таркибига кура кам углеродли (**0,3 %** гача), ўртача углеродли (**0,4...0,6 % C**) ва кўп углеродли (**0,6 %** дан кўп С) турларига бўлинади;

Ишлатилиши соҳасига кура конструкцион ва асбобсозлик пўлатларига бўлинади. Конструкцион пўлатлар ўз навбатида курилиш (**0,3 %** гача С) ва машинасозлик (**0,5 %** гача С) пўлатлари деб турланади. Асбобсозлик пўлатлари таркибида **0,6 %** дан кўпроқ микдорда углерод бўлиб, улар кесиш ва улчов асбоблари, ҳамда штамплар тайёрлаш учун ишлатилади.

Сифатига кура углеродли пўлатлар қуйидагича турланади:

- Оддий сифатли ($S \leq 0,06\%$; $P \leq 0,04\%$) ;
- Сифатли ($S \leq 0,04\%$; $P \leq 0,04\%$) ;
- Юқори сифатли ($S \leq 0,03\%$; $P \leq 0,03\%$).

Юмшатилган ҳолатдаги структурасига қараб углеродли пўлатлар эвтектоидгача бўлган (феррит + перлит), эвтектоид пўлати (перлит) ва эвтектоиддан кейинги (перлит + цементит) пўлатлар турларига бўлинади. (15-шакл)



Эвтектоидгача
булган пулат



Эвтектоид
пулати



Эвтектоиддан
кейинги пулат

15- шакл. Углеродли пўлатларнинг микроструктуралари

Оддий сифатли углеродли пўлатлардан иссиқ ҳолатда прокатлаш йули билан турли прокатлар (балкалар, чивик, швеллер, бурчакликлар, трубалар, листлар), поковкалар, курилиш конструкциялари, арматура ва машиналарнинг енгил шароитда ишлайдиган деталлари тайёрланади.

Бу пўлатлар ишлатилиши соҳасига кура ва кафолатланадиган хоссаларига қараб учта гуруҳга бўлинади:

- А - механиқ хоссалари кафолатланади;
- Б - кимевий таркиби кафолатланади;
- В - Механиқ хоссалари ва кимевий таркиби кафолатланади.

Бу гурухларга қуйидаги маркали пўлатлар киради:

- А - Ст.0, Ст.1, Ст.2, Ст.3, Ст.4, Ст.5, Ст.6;
- Б - Б Ст.0, Б Ст.1, Б Ст.2, Б Ст.3, Б Ст.4, Б Ст.5, Б Ст.6;
- В - В Ст.2, В Ст.3, В Ст.4, В Ст.5.

Барча гурухларга мансуб 1, 2, 3 ва 4 раками пўлатлар кайнайдиган, оралиқ ва Турғун, 5 ва 6 раками пўлатлар эса оралиқ ва Турғун қилиб тайёрланади. Пўлатларнинг маркасидаги “*Ст.*” белгиси шу қотишманинг пўлат (сталь) эканлигини, ракамлар эса (0...6) - пўлатнинг таркиби ва механиқ хоссаларига боғлиқ шартли ракамлардир. Пўлатнинг кайтарилганлик даражасини кўрсатиш учун марканинг охирида *kp* - кайнайдиган, *nc* - оралиқ ва *sp*- Турғун белгилари куйлади; масалан, *Ст.3nc*, *Б Ст. 3sp*, *Ст. 3kp* ва х.к.

Оралиқ пўлатларнинг таркибида оширилган ёки кўпайтирилган марганең микдори мавжуд бўлса, тегишли пўлат маркасидан кейин *G* ҳарфи кушилади, масалан, *Ст. 3 Gnc*, *Б Ст.3 Г nc*, *В Ст. 5 Г nc*.

Мартен ва электр печларида суюқлантириб олинадиган кайнайдиган, оралиқ ва Турғун сифатли пўлатлар **10...20; 25...85** каби маркаланади. Ракамлар юзга булиниб пўлат таркибидаги углерод микдори топилади (0,1...0,2; 0,25...0,85 %).

Кам углеродли сифатли пўлатлар (0,5...25 % С) га термик ишлов берилмайди, балки улар цементитланади. Улар яхши пайвандланади ва штампланади. Ўртача углеродли пўлатлар (30...55 % С) термик ишлов берилган ҳолатда ишлатилади. **10...50** маркали пўлатлар совук ҳолатда чузилган чивиклар ва аниқ ўлчамли симлар тарзида ишлатилади.

Углеродли *асбобсозлик пўлатлари* **У7, У8, У8Г, У9, У10, У11, У12, У13, У7А, У8ГА, У10А, У9А, У11А, У12А, У13А** каби маркаланади.

Бундай маркалар таркибидаги *У* ҳарфи пўлатнинг углеродли эканлигини, ракамлар эса уннинг бир улушидаги углерод микдорини (фоиз хисобида), *G* - пўлат таркибида марганең микдорининг кўплигини, *A* - ҳарфи пўлатнинг юқори сифатли эканлигини ифодалайди.

Углеродли асбобсозлик пўлатлардан баъзиларининг ишлатилиши 2-жадвалда келтирилган.

2- жадвал

Пўлат маркаси	Ишлатилиши
У7	Болгалар, дурадгорлик асблоблари.
У7А	Качов, отвертка, токарлик дастгохларининг марказлари.
У8	Пуансонлар, мисни кесиш учун кескичлар, кернерлар.
У8А, У8Г	У8 каби, тиска жаглари...
У9, У9А	Кернерлар, качовлар.
У10, У10А	Металл кескичлар, пармалар, метчиклар, фрезалар ва б.
У13, У13А	Турли штамплар.

3. Автоматбоб пўлатлар

Тез юраги автомат дастгохларида кесиб ишлаш учун мулжалланган пўлатлар *автоматбоб пўлатлар* деб аталади. Бу пўлатлар кам юкланадиган деталлар - болт, гайка, винт ва б., тайёрлаш учун ишлатилади.

Автоматбоб пўлатлар яхши кесиб ишланади, ишлов берилган юзалар силлик ва ялтироқ бўлиб чиқади. Бу пўлатларнинг таркибида **0,15...0,3 %** олтингугурт, **0,05...0,15 %** фосфор бўлади. Бу элементлар кесувчи асбобнинг

Турғунылигини оширибгина колмай, балки йунилган юзанинг яхши сифатли чикишига ҳам сабаб бўлади.

Автоматбоп пўлатлар А ҳарфи билан маркаланади: **A 11, A 12, A 20, A 30, A 35, A 40Г.** Ракамлар (11, 12, 20...) пўлат таркибидаги углерод микдорини (0,11; 0,12; 0,20 %), Г - эса марганец микдорининг оширилганлигини билдиради.

Юқори кесиб ишланувчанлик хусусиятга эга бўлган конструкцион пўлатлар кимевий таркибида кура қўйидаги гурухларга бўлинади:

- а) Углеродли -сульфидли - **A 11, A 12, A 20** ва х.к.;
- б) Углеродли - қўргошинли - **AC 14, AC 40** ва х.;
- в) Углеродли- сульфидли-селенли - **A35E, A45E** ва б.;
- г) хромли- сульфид-селенли - **A40XE** ;
- д) сульфидли-марганеци-қўргошинли - **AC35Г2, AC45Г2**;
- е) легирланган қўргошинли - **AC12ХН, AC14ХГН, AC19ХГН, AC20ХГНМ, AC30ХМ, AC38ХГМ, AC40ХГНМ**.

Кесиш йули билан энг яхши ишланадиган автоматбоп пўлат **A 12** маркали пўлатдир, унинг кесиб ишланувчанлиги **100 %** га teng қилиб, яъни этalon сифатида кабул килинган.

Савол ва топшириқлар :

1. Углерод, марганец ва кремний элементлари пўлатларнинг механиқ хоссаларига қандай таъсир кўрсатади?
2. Нима учун олtingугурт ва фосфор пўлат учун заарли қўшимчалар хисобланади?
3. Углеродли пўлатларнинг сифати нима билан белгиланади?
4. Оддий сифатли ва юқори сифатли пўлатларнинг маркаланишига мисоллар келтиринг.
5. Углеродли асбобсозлик пўлатларнинг ишлатилиш соҳаларига мисоллар келтиринг.
6. Қандай қотишмалар автоматбоп пўлатлар дейилади?
7. Этalon сифатида кабул килинган автоматбоп пўлатнинг маркасини кўрсатинг.

Маъзуза мавзуси: Легирланган пўлатлар

Режа:

- 1. Легирловчи элементларнинг пўлат структурасига ва хоссаларига таъсири;**
- 2. Легирланган пўлатларнинг турланиши ва маркаланиши;**
- 3. Легирланган конструкцион пўлатлар;**
- 4. Легирланган асбобсозлик пўлатлари;**
- 5. Махсус хоссали легирланган пўлатлар;**

Таянч иборалар: легирланган пўлатлар; аустенитли, феррит-аустенитли ва ферритли пўлатлара; хромли, марганецли, хром-марганецли. Хром никелли конструкцион легирланган пўлатлар; алоҳида хоссали асбобсозлик пўлатлари: коррозиябардош, оловбардош ва иссиқбардош пўлатлар.

1. Легирловчи элементларнинг пўлат структурасига ва хоссаларига таъсири


Углеродли пўлатларнинг механиқ ва физикавий-кимевий хоссалири замонавий машинасозлик талабларини кондира олмайди. Зарур хоссали пўлат олиш учун углеродли пўлат суюқ пайтида унга легирловчи элементлар (Cr, Ni, Mo, V, Mn, Si, Ti, Al, B, Co ва б.) кушилади, натижада махсус хоссали (оловбардош, иссиқбардош, зангламайдиган, ишқаланиб емирилишга чидамли ва б.) легирланган пўлатлар олинади.

Пўлат таркибига киритилган легирловчи элементлар темир билан Қаттиқ эритма ҳосил қилиши, цементитда эриши (легирланган цементит) ёки алоҳида махсус карбидлар ҳосил қилиши мумкин.

Легирловчи элементлар пўлат полиморфизмига ҳам таъсир қиласи. Полиморф ўзгаришлар ҳарорати темирда эриган элементларнинг хусусияти ва микдорига боғлиқ бўлади (16- шакл).

Темирда металлар эриб урин алмасиш Қаттиқ эритмасини ҳосил қиласи, α - ҳамда γ - фазаларнинг мавжудлик соҳаси A_3 ва A_4 чизиқларининг ҳолати билан белгиланади. Легирловчи элементларни темирнинг полиморфизмига қандай таъсир этишига қараб икки синфга ажратиш мумкин:

1) Никель ва марганец $\gamma \rightarrow \alpha$ утиш ҳароратини камайтиради, яъни A_3 чизиги пасаяди, A_4 чизиги эса кутарилади, натижада γ - фаза жуда катта соҳани эгаллайди. Оддий ҳароратда ҳам аустенит фазаси мавжуд бўлиши мумкин (19-расм, а). Легирловчи элементнинг микдори X_1 дан ошганда пўлат структураси бутунлай аустенитдан (γ -фаза) иборат бўлади. Бундай пўлатлар **аустенитли пўлатлар** деб аталади. *Cu, C, N* элементлари γ - майдонни бироз кенгайтиради. Бундай пўлатлар **феррит-аустенитли** пўлатлар деб аталади.



16- шакл. Легирловчи элементларнинг критик Нукталар вазиятига ва пўлат структурасига таъсири.

2) Cr, W, Mo, V, Si, Al каби легирловчи элементлар A_3 чизиқни кутариб, A_4 ни пасайтиради, яъни γ -соханинг кискариши ҳисобига α -соха кенгаяди (19-расм, б). Легирловчи элементларнинг микдори Y_1 дан ошганда жуда кенг сохада α -эритма ҳосил бўлади. Бундай пўлатлар **ферритли пўлатлар** деб аталади.

Легирловчи элементлар пўлат таркибидаги углеродга бўлган муносабатига қараб карбид ҳосил қилувчи (Mn, Cr, W, Mo, V, Ti, Ta ва бошқалар) ва карбид ҳосил килмайдиган (Ni, Co, Cu, Al ва б.) гурухларига бўлинади.

2. Легирланган пўлатларнинг турланиши ва маркаланиши

Легирланган пўлатлар кимевий таркиби, микроструктураси ва ишлатилиш соҳасига кура турларга бўлинади.

Легирланган пўлатлар кимевий таркибидаги легирловчи элементлар сонига қараб хромли, молибденли, кремнийли, хром-никелли, хром-никель- молибденли ва х. турларда бўлинади.

Легирловчи элементларнинг микдорига кура кам легирланган (2,5 % гача ЛЭ), ўртacha легирланган (2,5...10 % ЛЭ) ва кўп легирланган (10 % дан кўп ЛЭ) пўлатлар гурухларига бўлинади.

Легирланган пўлатлар мувозанат (юмшатилган) ҳолатидаги ва ҳавода совитилгандан кейинги (нормалланган) ҳолатдаги структурасига кура турланади.

Ҳавода совитилгандан кейин ҳосил бўладиган структурасига кура легирланган пўлатлар учта асосий синфга (Гийе классификацияси): перлит, мартенсит ва аустенит синфларига бўлинади.

Мувозанат ҳолатидаги структурасига кура легирланган пўлатлар эвтектоидгача бўлган (феррит кўпроқ), эвтектоид (перлит) ва эвтектоиддан кейинги (карбидлар кўпроқ) пўлат синфларига бўлинади.

Легирланган пўлатлар қандай мақсадларда ишлатилишига қараб **конструкцион (машинасозлик), асбобсозлик** пўлатлари ва **алоҳида хоссали** пўлатлар синфларига бўлинади.

Конструкцион пўлатлар машина деталлари тайёрлаш учун, асбобозлиқ пўлатлари эса кесувчи, улчов асбоблари ва штамп асбоблари тайёрлаш учун ишлатилади.

Легирланган пўлатлар тегишли ҳарфлар ва ракамлар билан маркаланади. Пўлат маркасидаги ҳарфлар легирловчи элементларни, ракамлар эса уларнинг микдорини кўрсатади. Давлат стандартига кура, ҳар кайси легирловчи элемент маълум бир ҳарф билан, масалан, никель-**H**, хром-**X**, кобальт-**K**, молибден-**M**, вольфрам-**B**, ванадий-**F**, марганец -**G**, мис -**D**, бор-**P**, ниобий-**B**, цирконий-**Z**, кремний-**C**, титан-**T**, алюминий-**Ю**, фосфор-**P**, азот-**A**, сийрак-ер металлари - **Ч** билан белгиланади.

Пўлат маркасида энг олдин тўрган ракамлар шу пўлат таркибидаги углерод микдорини фоизнинг юздан бир улушлари хисобида, ҳарфлардан кейин тўрган ракамлар шу ҳарф билан кўрсатилган элементларнинг фоиз хисобидаги ўртacha микдорини кўрсатади. Легирловчи элементнинг микдори

1 % дан кам ёки **1 %** дан сал оширок бўлса, ракам езилмайди. Масалан, **30ХГСА** маркали пўлат таркибида **0,28...0,35 % C**, **0,8...1,1 % Cr**, **0,9...1,2 % Mn** ва **0,8...1,2 % Si** бор. Марка охиридаги А-ҳарфи эса пўлатнинг юқори сифатли эканлигини билдиради.

Баъзи гуруҳ пўлатлар кўшимча равишда тегишли ҳарфлар билан белгиланади, масалан, шарикли ва роликли подшипник пўлатлари **Ш**-ҳарфи билан, магнитавий пўлатлар -**E**, электротехникавий пўлатлар -**Э**, тезкесар пўлатлар эса -**P** ҳарфи билан белгиланади.

3. Легирланган конструкцион пўлатлар

Легирланган конструкцион пўлатларнинг механиқ ва технологик хоссалари углеродли пўлатларнидан юқорироқ бўлади, хусусан, улар катта чукурликка осон тобланади.

Легирланган пўлатлар 14 гурухга бўлинади, масалан, хромли, марганецли, хром-никелли ва х.

Хромли пўлатларнинг пухталиги юқори бўлади. Цементитланадиган хромли пўлатлар - **15Х**, **15ХА**, **15ХР**, **15ХРА**, **20Х**, **20ХР**- ўртacha тезликда ишлайдиган ейилишга чидамли деталлар (поршень бармоклари, уклар, плунжерлар, шестернялар ва б.) тайёрлаш учун, яхшиланадиган **38ХА**, **40Х**, **40ХР** маркали пўлатлар эса муфталар, фрикцион дисклар, турбокомпрессор роторлари каби деталлар тайёрлаш учун ишлатилади.

Таркибида **0,9-1,1 %** углерод, **0,8...1,65 %** хром бўлган **ШХ6**, **ШХ9**, **ШХ10** маркали пўлатлардан шарикли ва роликли подшипник деталлари-халка, шарик ва бошқалар тайёрлашда қўлланилади..

Марганецли пўлатларнинг **10Г2**, **35Г2**, **40Г2**, **25Г2** ва **50Г2** маркалари ишлаб чиқарилади. Юқори пластик ва яхши пайвандланадиган **10Г2** маркали пўлатдан змесвик, штуцер ва махкамлаш деталлари тайёрланади. Бу пўлат **-70°C** ҳароратда ҳам ишлаши мумкин. **40Г2**, **50Г2** маркали ишқаланишга чидамли пўлатлар уклар, тирсакли валлар, шток, шестерня каби деталлар тайёрлаш учун ишлатилади.

Хром-марганецли пўлатлар (**18ХГ**, **18ХГТ**, **30ХГТ**, **40ХГР**, **35ХГ2**) катта босим, тезлик ва зарбий кучлар таъсирида ишлайдиган деталлар- червяк валлари, втулкалар, шестернялар каби- тайёрлашга кетади. **18ХГ**, **18ХГТ**, **20ХГР**, **30ХГТ**

маркали пўлатлар цементитланиб, ***40ХГ, 40ХГР, 35ХГ2*** маркали пўлатлар эса юқори частотали ток ердамида тобланиб, яхшилангандан сунг ишлатилади.

Хром-никелли пўлатлар (***40ХН, 45ХН, 50ХН*** ва ***30ХНЗА***) махсус рессорлар, пружиналар, шарикли подшипниклар, трубалар ва бошқа деталлар учун қўлланилади.

Рессора - пружиналар ва шарикли подшипниклар тайёрлаш учун ***55ГС, 55С2, 50ХГА, 50ХФА*** каби кремний- марганец-хром-ванадийли легирланган пўлатларга термик ишлов бериб ишлатиш мақсадга мувофик бўлади.

Иссиқлик энергетикаси учун трубалар юқори ҳароратларда ($540\ldots600^{\circ}\text{C}$) ва босим (такрибан 25 МПа) да ишлайди. Шунинг учун улар узоқ муддатга (100минг соатдан ортик) чидаши лозим. Иссиқ ҳолатда босим остида олинган чоксиз ва совуқ ҳолатда деформацияланиб олинадиган трубалар ***15ХМ, 12Х1МФ, 15Х1М1Ф, 12Х2МФСР, 12Х11В2МФ*** ва ***12Х18Н12Т*** каби маркали пўлатлардан тайёрланади ва улар нормалланиб сўнгра юқори ҳароратда бўшатилади.

4. Легирланган асбобсозлик пўлатлари

Бу пўлатлардаги энг муҳим легирловчи элементлар вольфрам, молибден, хром, марганец ва кремнийдир. Уларда углерод микдори ***0,35...1,80 %*** га етади. Штамплар ва пресс-қолиплар учун ишлатиладиган пўлатларда углерод микдори камрок, кесувчи асбоблар учун ишлатиладиган пўлатларда кўпроқ бўлади.

X12М ва ***X*** маркали пўлатлар кизимайдиган штамплар тайёрлаш учун, ***4ХНВ2*** пўлати кизийдиган штамплар тайёрлаш учун ишлатилади. Кесувчи асбоблар ***XBГ, XB5, 9ХС, 4ХС*** ва бошқа маркали пўлатлардан, улчаш асбоблари эса ***XГ, X12, X12М*** маркали пўлатлардан ясалади.

Парма, фреза, кескич каби кесувчи асбоблар учун ***тезкесар пўлатлар*** ишлатилади. Бу пўлатлар кўп легирланган, жуда Қаттиқ пўлатлардир, улардан ясалган асбоблар ***600^{\circ}\text{C}*** гача кизиганда ҳам уз қаттиқлигини йукотмайди.

Тезкесар пўлатларнинг ***P9, P12, P18, Р6М3, Р14Ф4, Р9К5, Р6М5*** каби маркалари кенг куламда ишлатилади. Маркадаги ***P*** ҳарфи пўлатнинг эски номи ***“Rapiд”*** сузининг бош ҳарфи бўлиб, кейинги ракам вольфрамнинг фоиз билан ифодаланган ўртacha микдорини кўрсатади.

Кўп ишлатиладиган ***P18*** ва ***Р6М5*** маркали тезкесар пўлатларнинг кимёвий таркиби қуйида келтирилган:

	C	Cr	W	V	Mo
P18	0,7...0,8	3,8...4,4	17...18,5	1,0...1,4	1,0 гача
Р6М5	0,8...0,88	3,8...4,4	5,5...6,5	1,7...2,1	5,0...5,5

Бу пўлатлардан пармалар, фрезалар, протяжкалар, метални уйиб туширувчи асбоблар (долбяклар), арралар, эговлар каби асбоблар тайёрланади. Кесиши асбобининг иссиқбардошлигини ошириш учун у ***1210\ldots1230^{\circ}\text{C}*** ҳароратдан тобланиб, кўп марта (3 марта) ***560^{\circ}\text{C}*** да бўшатилади.

5. Махсус хоссали легирланган пўлатлар

Махсус хоссали пўлатлар жумласига коррозиябардош (зангламас), оловбардош (куюндибардош) ва иссиқбардош пўлатлар киради.

Коррозиябардош пўлатлар хромли ва хром-никелли бўлиши мумкин.

Хромли коррозиябардош пўлатлар (19Х13, 20Х13, 30Х13, 40Х13, 12Х17, 15Х28) дан турли агрессив мухитларда ишлайдиган деталлар - жаррохлик асбоблари, пружиналар, уй-рузгор буюмлари, кислота ва озик-овкат ишлаб чиқариш саноати ускуналари деталлари тайёрланади.

Хром-никелли коррозиябардош пўлатлари (12Х18Н9Т, 09Х15Н8Ю) кимевий машинасозликда, зангламас пўлатларни газ алангаси ва электр ейи билан пайвандлашда чок сими сифатида, нефть ва озик-овкат саноатида, автомобилсозлик ва курилишда ишлатилади.

Оловбардош пўлатлар юқори ҳарорат таъсирида ва юқори ҳароратли газлар мухитида бўладиган деталлар тайёрлаш учун ишлатилади. Алюминий, хром ва кремний пўлатни оловбардош қиласи. Таркибида **10...15 %** бўлган пўлат **900...950°C** гача, **15...20 %** хром бўлган пўлат **1000°C** гача, **25...30 %** хром бўлган пўлат эса **1100°C** гача ҳароратларда оловбардош бўлади.

Иссиқбардош пўлатлар юқори ҳароратда юк таъсирида бўладиган деталлар тайёрлаш учун ишлатилади.

Иссиқбардош пўлатларнинг саноатда энг кўп ишлатиладиганлари **4Х9С2, 15ХМ, 12Х1МФ, 15Х12ВНМФ, 4Х14Н14В2М** ва кўпгина бошқа маркали пўлатлардир. Улардан турли козонхона қурилмалари, ички енув двигателларининг клапанлари, турбина деталлари каби буюмлар тайёрланади.

Савол ва топшириқлар :

1. Легирловчи элементларнинг пўлат полиморфизмига таъсирин изохланг.
2. Кайси легирловчи элементлар пўлат таркибида аустенитнинг мавжуд бўлиш соҳасини кенгайтиради?
3. Легирланган пўлатлар қандай маркаланади? Мисоллар келтиринг.
4. Легирланган пўлатлар вазифасига, юмшатилган ва нормалланган ҳолатдаги структурасига кура қандай турларга бўлинади?
5. Легирланган конструкцион ва асбобсозлик пўлатларнинг маркаларига мисоллар келтиринг.
6. Тезкесар пўлатлар нималарга ишлатилади?
7. Оловбардош ва исикбардош пўлатларнинг таркибига кайси легирловчи элементлар киради?

Маъруза мавзуси: Чўянлар

Режа:

1. Чўяннинг графитланиши;
2. Ок Чўянлар;
3. Кулранг Чўянлар;
4. Юқори мустахкамликка эга бўлган Чўянлар;
5. Болгаланувчан Чўянлар;
6. Махсус легирланган Чўянлар.

Таянч иборалар: Чўянлар; графитланиш жараёни; ок, кулранг, юқори мустахкамликка эга бўлган ва болгаланувчан Чўянлар; қўймакорлик ва қайта ишланувчан Чўянлар; оловбардош, ейилишга чидамли Чўянлар, уларнинг маркаланиши ва ишлатилиш соҳаларига мисоллар.

1. Чўяннинг графитланиши

Темир-углерод қотишмаси таркибидаги углерод микдори **2,14 %** дан кўп бўлган қотишмалар шартли равишда **чўянлар** деб аталади.

Чўянлар таркибида пўлат таркибига қараганда қўшимчалар (кремний, марганец, фосфор, олтингурут) кўп бўлади, чўяннинг хоссаси шу қўшимчалар микдорига боғлиқ. Қотишка таркибидаги углероднинг ҳолати ва шакли чўян структураси ва хоссаларини белгилайди.


Темир-углерод қотишмаларида графит (эркин углерод)нинг ажралиб чикиш жараёни **графитланиш** дейилади. Графит суюқ қотишмадан ҳам, Қаттиқ эритма (аустенит)дан ҳам ажралиб чикиши мумкин.

Чўяннинг суюқ ҳолатда графитланиши **Fe-C** қотишмаларининг ҳолат диаграммаси асосида содир бўлади (17 – шакл).

$C'D'$ чизиги буйлаб бирламчи графит, $E'C'F'$ чизиги буйлаб эвтектикавий графит $A + G$, $S'E'$ чизиги буйлаб иккиламчи графит ва $P' S'K'$ чизиги буйлаб эса эвтектоид графити ($\Phi + G$) ҳосил бўлади.

Чўян уз таркибидаги углерод микдори жиҳатидан, қолипга яхши қўйилиш хоссаси ва пластик деформацияланиш хоссасининг пастлиги жиҳатидан пўлатдан фарқ қиласи. Чўянни одатдаги шароитда болгалаб бўлмайди, чунки у уваланиб кетади.

Чўянлар уз таркибидаги углероднинг қандай ҳолатда эканлигига қараб ок, кулранг, юқори мустахкамликка эга бўлган чўянлар ва болгаланувчан Чўянларга бўлинади.



17- шакл. Темир-углерод ҳолат диаграммаси.

2. Оқ чўяnlар

Оқ чўяnlар таркибида углерод кимевий бирикма - карбид ҳолатида бўлади. Оқ чўян цементит билан перлитдан тузилган. Унинг ўртача кимёвий таркиби куйидагичадир: $C=2,4\ldots2,8\%$; $Si=0,8\ldots1,4\%$; $Mn=0,3\ldots0,4\%$; $S\ldots0,8\ldots0,1\%$; $P\ldots0,2\%$.

Чўяннинг бу тури синдирилса, унинг синган жойи хира оқ тусда кўринади, шунинг учун у **оқ чўян** деб аталади. Оқ чўян жуда қаттиқ ва муртдир, уни кесувчи асбоблар билан ишлаб бўлмайди. Оқ чўян пўлат тайёрлаш учун кетади, шу сабабли **қайта ишланувчан чўян** деб ҳам аталади.

3. Кулранг чўяnlар

Кулранг чўян таркибида углероднинг жуда кўп қисми ёки ҳаммаси графит тарзида бўлади. Бу чўяннинг қолипга қўйилиш хоссаси юқори бўлганлиги учун **куйши чўяни** деб ҳам аталади.

Кулранг чўяннинг асосий таркиби **Fe - C - Si** бўлса ҳам, ундаги қўшимчалар- **Mn**, **P** ва **S** чўяннинг хоссаларига катта таъсири кўрсатади. Графитнинг шакли кўпинча буралган япроқ шаклида бўлади.

Кулранг чўяннинг тузилиши бошқа соф графитли чўяnlар каби металл асосдан иборат бўлади. Шунга кура чўян структураси перлит ($P + \Gamma$), феррит ($\Phi + \Gamma$), ҳамда перлит ва феррит ($P + \Phi + \Gamma$) асосли бўлиши мумкин.

Бундай Чўяnlарнинг қаттиқлиги **143...255 HB** атрофида бўлиб, мустахкамлиги маркада сонлар билан кўрсатилади.

Кулранг чўян **CЧ** ҳарфлари (серый чугун) ва икки хонали иккита сон билан маркаланади: **CЧ 00; CЧ 12-28; CЧ 15-32; CЧ 18-36; CЧ 21-40; CЧ 24-44; CЧ 28-48; CЧ 32-52; CЧ 36-56; CЧ 40-60; CЧ 44-64 ва б.**

Маркадаги биринчи сон, масалан **12, 15, 44-** чўяннинг чўзилишдаги мустахкамлик чегарасини (кГ/мм^2 хисобида), иккинчи сон эса (28, 32, 64) эгилишдаги мустахкамлик чегарасини билдиради. Чўяннинг сифати унинг

мустахкамлик кўрсаткичларига қараб аниқланади. **CЧ 00** маркали чўян энг паст сифатли чўян бўлиб, механиқ нагрузка жуда кам тушадиган деталлар куйиш учун ишлатилади.

Кулранг Чўянлардан двигатель блоклари ва уларнинг копкоклари, поршень ва цилиндрлар, трубалар, дастгохларнинг корпуслари каби муҳим буюмлар куйиб олинади.

4. Юқори мустахкамликка эга бўлган Чўянлар

Бундай Чўянларда ок чўяндаги цементитнинг парчаланиши натижасида ҳосил бўлаетган графит доначаларининг шакли шарга яқин бўлади, яъни графитнинг солиштирма юзаси энг кичик бўлган ҳолатdir. Шунинг учун бундай чўянлар юқори пластикликка эга бўлиб, уларнинг механиқ хоссалари пўлатнинг хоссаларига яқинлашади. Графит структурасини шар шаклига ўтказиш учун суюқ металга ишкорий ёки ишкорий-ер металлар ($0,03\ldots0,07\%$) кушилади.

Бу Чўянларнинг ўртача кимевий таркиби куйидагича бўлади: **C - 2,7...3,6 %; Si - 1,6...2,7 % ; Mn 0,5...0,6 % ; P ва S ≤ 0,1 %** дан кам.

Юқори мустахкамликка эга бўлган чўянлар **ВЧ** (высокопрочный чугун) билан белгиланади, сўнгра чўзилишдаги мустахкамлиги, **кГ/мм²**, ва нисбий чўзилиш қийматлари (%) кўрсатилади. Машинасозликда қуйидаги чўянлар кўпроқ қўлланилади: **ВЧ 38-17; ВЧ 42-12; ВЧ 45-5; ВЧ 60-2; ВЧ 80-3 ва б.**

Бу Чўянлардан тирсакли валлар, тишли гилдираклар, муфталар, автомобилларнинг кетинги кўприклари, картерлар каби буюмлар куйиб тайёрланади.

Юқори мустахкамликка эга бўлган Чўянларнинг мустахкамлигини янада ошириш ҳамда барқарорлаштириш мақсадида уларга термик ишлов берилади. Масалан, мустахкамликни ошириш мақсадида уларга тоблаш билан бир каторда юқори ҳароратда ($500\ldots600^{\circ}\text{C}$) бўшатиш берилади. Баъзи графитнинг шаклини янада мустахкамлаштириш учун уларга юмшатиш берилади. Бу турдаги чўянларнинг пластиклиги $\square=2\ldots7\%$ ва қаттиқлиги **150...360 НВ** атрофида бўлади.

5. Болгаланувчан чўянлар

Болгаланувчан чўян **КЧ** ҳарфлари ва икки хил сон билан маркаланади. Масалан, **КЧ 37-12, КЧ 35-10, КЧ 30-6, КЧ 33-8, КЧ 50-6, КЧ 55-4. КЧ** (ковкий чугун), биринчи ракамлар чўяннинг чўзилишдаги мустахкамлик чегарасини (**кГ/мм²** хисобида), иккинчиси эса нисбий узайишини (%) билдиради.

Оқ чўянни $950\ldots970^{\circ}\text{C}$ гача **20...25 соат** давомида секин қиздириб, шу ҳароратда **10...15 соат** тутиб туриш йули билан **болгаланувчан чўян ҳосил қилинади**. Натижада чўяннинг структураси аустенит ва графитдан иборат бўлади.

Юмшатиш жараёнини тезлаштириш мақсадида қотишмага баъзида висмут ёки алюминий кушилиб, куйиш олдидан ҳарорат оширилади.

Феррит асосидаги **КЧ 37-12 ва КЧ 35-10** чўянлар юқори динамик ва статик кучлар таъсирида муваффакиятли ишлай олади. Улардан тезликлар кутисининг гилофи, губчаклар каби машина қисмлари тайёрланади. Гилофлар, гайка, газ овозини пасайтирувчи воситалар, муфта каби қисмлар кўпинча **КЧ 30-6** ва **КЧ**

33-8 Чўянлардан тайёрланади. Ферритли болгаланувчан Чўянларнинг қаттиқлиги **160...165 НВ** атрофида бўлади.

Перлит асосидаги Чўянларнинг қаттиқлиги **240...270 НВ** атрофида бўлади. Бундай чўянлар автомобильсозликда, кишлок хужалиги машиналарининг қисмлари, тукимачилик саноати ускуналари, ишкаланиш, зарб ҳамда ўзгарувчан куч таъсирида ишлайдиган воситаларни тайёрлашда ишлатилади.

6. Махсус легирланган чўянлар

Легирловчи элементлар (Ni, Ti, Cr, Cu, V, Mo...) чўян структураси, яъни металл асоси, графитнинг шакли ва ўлчамларига таъсир кўрсатади. Натижада чўянлар махсус хоссаларга эга бўлиши мумкин. Легирловчи элементларни кушиш билан ишкаланишга чидамли, коррозиябардош, оловбардош, куйинди ҳосил қилишга бардошли легирланган чўянлар олинади.

Кумтупроқ шароитида ишлатиладиган ишкаланишга чидамли чўянлар никель (3,5...5 %) ва хром (0,8 %), титан, мис, ванадий, молибден каби бир қанча қўшимча элементлар билан легирланади. Бундай Чўянлардан автомобильларнинг тормоз элементлари, ҳаракатни узатиш воситалари, гильза каби қисмлар тайёрланади.

Хром микдори юқори бўлган **ЧХ9Н5, ЧХ16М2, ЧХ22, ЧХ28Д2** маркали чўянлардан қаттиқ материалларни майдалайдиган ускуна воситалари, **ЧН4Х2** маркали чўяндан абразив мухит шароитида катта кучланиш остида ишлайдиган тегирмон ускуналари ва воситалари тайёрланади.

Оловбардош (4Х2, 4Х3) Чўянлардан металлургия саноатида агломерат машиналарининг колосниклари, кимевий мухитда ишлайдиган коррозиябардош ускуналар, трубалар тайёрланади. Бундай чўянлар **600...700°C** да ҳам хоссаларини йукотмай ишлай олади. Бундан ҳам юқори ҳароратларда ишлай оладиган **ЧЮХ3** (650°C), **ЧЮ7Х2** (750°C), **ЧХ16** (900°C), **ЧЮ30** (1100°C) маркали легирланган чўянлар ҳам мавжуд.

Ишкаланиш жуфтларининг материали сифатида кулранг, мустахкамлиги юқори бўлган ва болгаланувчан легирланган чўянлар (АЧС-1, АЧС-2, АЧВ - 1, АЧВ - 2, АЧК-1, АЧК-2) кенг қўлланилади.

Савол ва топшириқлар :

1. Чўяннинг графитланиш жараёнигинин мөхиятини тушунтиринг.
2. Чўянларнинг қандай турларини биласиз?
3. Кулранг чўянлар металл асосига кўра қандай фарқланади?
4. Жуда пухта чўянлар қандай олинади? Улар қандай маркаланади?
5. Кулранг ва болгаланувчан чўянлар қандай маркаланади?
6. Болгаланувчи чўян олиш жараёнини тушунтиринг.
7. Махсус Чўянларнинг қандай турларини биласиз? Уларнинг маркалари ва ишлатилишига мисоллар келтиринг.

Маъруза мавзуси: Пўлатларга термик ишлов беришнинг назарий асослари

Режа:

- 1. Умумий маълумотлар;**
- 2. Пўлат қиздирилганда унда содир бўладиган ўзгаришлар;**
- 3. Аустенит соҳасигача қиздирилган пўлат совитилганда унда содир бўладиган ўзгаришлар;**
- 4. Аустенитнинг узлуксиз совитилишида парчаланиши.**

Таянч иборалар: термик ишлаш; критик нуқталар; қиздиришдан мақсад; перлит, сорбит, троостит структуралари, уларнинг таркиби, хоссалари; аустенитни узлуксиз совитиш; совитишнинг критик тезлиги; мартенсит структураси; аустенитнинг мартенситга айланиши, жараён механизми, мартенситнинг тузилиши ва хоссалари.

1. Умумий маълумотлар

Машинасозликда кўпгина пўлат ва Чўянлардан, шунингдек рангли металларнинг қотишмаларидан (бронза, латун, дуралюминий ва бошқалар) ясалган буюмларнинг физикавий, механиқавий ва технологик хоссаларини зарур томонга ўзгартириш мақсадида уларга термик ва кимевий термик ишлов берилади. Бу эса енгил, пухта ва чидамли машиналар тайёрлашда, металларни тежашда, уларнинг таннархини камайтиришда катта роль ўйнайди.

Металлардан ясалган буюмларнинг кимевий таркибини ўзгартирмай туриб, уларнинг структураларини термик воситалар (маълум ҳароратгача қиздириб, шу ҳароратда маълум вақт тутиб тўргандан кейин ҳар хил тезликда совитиш) билан ўзгартириш металларни **термик ишлаш** деб аталади.


Қотишмани, масалан, пўлатни маълум ҳароратгача қиздириш, шу ҳароратда маълум вақт тутиб туриш, сўнгра маълум тезлик билан совитиш орқали структурасини, хоссаларини керакли йуналишда ўзгариш мумкин. Термик ишлашнинг илмий асосларини XIX асрнинг ўрталарида машхур олим Д.К.Чернов яратган эди. У Қаттиқ қиздирилган пўлат заготовкаларини кузатар экан, қиздиришнинг ва совитишнинг маълум ҳароратларида (Нуқталарида) пўлатда ички ўзгаришлар содир бўлишини пайкади. Д.К.Чернов бу Нуқталарни **критик Нуқталар** деб атади ва уларни **a** ва **b** ҳарфлари билан белгилади. Хозирги вақтда бу Нуқталар A_1 ва A_3 билан белгиланади. $Fe-Fe_3C$ системасининг ҳолат диаграммадаги GS чизиги A_3 , Нуқталарнинг, PSK чизиги эса A_1 , Нуқталарнинг геометрик ўрнидир. Пўлат қиздирилгандаги критик Нуқта Ac (Ac_1 ва Ac_3) билан, совитилган вақтдаги критик Нуқта эса Ar (Ar_1 ва Ar_3) билан белгиланади. (г ҳарфи французча совитмок сузининг бош ҳарфи).

Д.К.Чернов пўлат Ac_1 Нуқтадан паст ҳароратгача қиздирилиб, ҳар қандай тезлик билан совитилганда ҳам унинг структурасини ва демак, механиқавий хоссалари, ўзгармаслигини Ac_1 Нуқтадан юқори ҳароратгача қиздириб, тез совитилганда эса кескин даражада ўзгаришини жаҳонда биринчи бўлиб аниқлади.

2. Пўлат қиздирилганда унда содир бўладиган ўзгаришлар

Пўлатни термик ишлаш $Fe-Fe_3C$ системасининг ҳолат диаграммасига асосланади. Шунинг учун бу диаграмманинг пўлатларга оид қисмини келтириб утамиз (18- шакл).

18- шаклда тасвирланган диаграммадан куриниб турибдики, Ac_1 Нуқтадан ($727^{\circ}C$) пастда эвтектоиддан олдинги пўлатлар перлит билан феррит доналаридан, эвтектоидавий пўлат перлит доналаридан, эвтектоиддан кейинги пўлатлар эса перлит доналари билан цементитдан иборат. Термик ишлаганда пўлатни қиздиришидан мақсад - унда аустенит структурасини ҳосил қилишидир.



18- шакл. $Fe-Fe_3C$ ҳолат диаграммасининг пастки чап (пўлатларга оид) қисми.

Пўлат қиздирила борганда унда содир бўладиган ўзгаришлар билан танишамиз. Эвтектоиддан олдинги, масалан таркибида $0,4\%$ углерод бўлган пўлат (19- шакл, 1-1) қиздирилганда a (Ac_1) Нуқтадан аустенитга айланади, феррит эса ўзгармайди, a Нуқтадан b Нуқтага томон феррит аустенитда эрий боради, ҳарорат b Нуқтага етгач (Ac_3), ферритнинг жуда кўп қисми аустенитда эриган бўлади. B Нуқтадан юкорида эса пўлат фақат аустенитдан иборат бўлади. Ферритнинг ҳаммасини аустенитда эритиш ва аустенит структурасини бир жинсли қилиш учун пўлатни критик Нуқтадан юқоририк ҳароратгача қиздириш ва шу ҳароратда маълум вақт тутиб териш керак. Пўлат критик Нуқтадан канчалик юкори ҳароратгача қиздирилса, шу ҳароратда тутиб териш вақти шунчалик киска бўлади. Аммо, ҳарорат кутарилаверса, аустенит доналари йириклигича қолади. Пўлатни термик ишлашда эса ҳамма вақт пўлат доналарини майдалашга ҳаракат қилинади, чунки майда донали пўлатнинг механиқ хоссалари йирик донали пўлатницидан анча яхши бўлади.

Энди, эвтектоиддан кейинги пўлатлар қиздирилганда уларда бўладиган ўзгаришларни кўриб чиқайлик. Мисол тарикасида таркибида $1,2\%$ углерод бўлган пўлатни оламиз (21-расм, II-II). Бу пўлат қиздирилганда d (Ac_1) Нуқтада перлит аустенитга айланади, цементит эса ўзгармайди. d Нуқтадан c


Нүктагача цементит аустенитда эрий боради, ҳарорат c (Ас m) Нүктага етгач цементитнинг жуда кўп микдори аустенитда эриган бўлади, c Нүктадан юкорида эса пўлатнинг структураси фақат аустенитдан иборат бўлиб қолади. Эвтектоиддан кейинги пўлатларнинг структураси фақат аустенитдан иборат бўлиши учун улар Ас m критик Нүктадан юқорироқ ҳароратгача қиздирилиши ва шу ҳароратда маълум вақт тутиб турилиши лозим, аммо ҳароратни керагидан ошириб юбориш ярамайди, акс холда пўлат доналари йириклишиб кетади.

3. Аустенит соҳасигача қиздирилган пўлат совитилганда унда содир бўладиган ўзгаришлар

Аустенит **GS** ва **ES** чизиқларидан, яъни Ac_3 ва Ac_m критик Нүктасидан юкори ҳароратлардагина барқарор бўлади. Пўлат Ar ва Ac_m Нүкталардан паст ҳароратгача жуда секин совитилганда эвтектоиддан олдинги пўлатлардан феррит, эвтектоиддан кейинги пўлатлардан цементит ажралиб чика бошлайди. Бу жараён ҳарорат Ar_1 критик Нүктага тушгунча давом этади. Ҳарорат Ar_1 Нүктага тушганда эвтектоиддан олдинги пўлатларда аустенитдаги ортиқча углероднинг ҳаммаси феррит тарзида, эвтектоиддан кейинги пўлатларда аустенит таркибидаги ортиқча углероднинг ҳаммаси цементит тарзида ажралиб чика бошлайди.

Ҳарорат Ar_1 критик нүктадан пасайиши билан аустенит парчаланади, яъни у перлитга айланади. Аустенит парчаланганды мутлако янги фазаларнинг (феррит билан цементитнинг) механиқ аралашмаси ҳосил бўлади. Маълумки, феррит таркибида углерод микдори нихоятда кам, цементитда эса **6,67%** углерод бор. Бинобарин, аустенитнинг перлитга айланисида углерод диффузия йули билан қайта таксимланади.

Аустенитдан перлит ҳосил бўлиш жараёни перлит кристаллари марказларининг ҳосил бўлиши ва уларнинг усишидан иборат. Даставвал аустенит доналари чегарасида цементитнинг кристалланиш марказлари ҳосил бўлади. Бу кристалланиш марказлари аустенитдан углероднинг диффузияланиши ҳисобига ўсади. Натижада, ҳосил бўлган цементит кристаллари (пластиинкалари) атрофидаги аустенит таркибида углерод камая боради ва аустенитнинг ферритга айланиси учун шароит тугилади, натижада цементит кристаллари енида феррит кристаллари ҳосил бўлади. Цементит кристаллари ҳам, феррит кристаллари ҳам бир вақтда уса боради. Ўсиш жараёни бошқа кристаллар билан тукнашгунча давом этади. Бундай жараён такрорланиши натижасида перлит доналари ҳосил бўлади.



4. Аустенитнинг узликсиз совитилишида парчаланиши

Аустенитнинг парчаланиши пўлат узликсиз совитилганда ҳам Ac_1 критик нуқтадан пастроқ ҳароратгача тез совитилиб (ўта совитилиб), шу ҳароратда тутиб турилганда ҳам содир бўлади. Аустенит Ac_1 нуқтадан пастроқ ҳароратгача ўта совитилиб шу ҳароратда тутиб турилганда унинг парчаланиши **аустенитнинг изотермик парчаланиши** деб аталади.


Пўлат Ac_1 критик ҳароратдан пастроқ ҳароратгача тез совитилиб, шу ҳароратда тутиб турилганда перлитнинг кристалланиш марказлари ҳосил бўлади ва улардан кристаллар уса бошлаб, оқибатда перлит доналари ҳосил бўлади. Бу доналарнинг катта- кичиклиги ўта совиш даражасига боғлик. Ўта совитилган аустенитнинг изотермик (ўзгармас ҳароратда) парчаланишини диаграмма тарзида ифодалаш мумкин (19- шакл).

19- шакл. Аустенитнинг изотермик парчаланиш диаграммаси.

Шаклдан кўринадики, 800°C гача қиздирилган аустенит тахминан 700°C гача тез совитилиб, шу ҳароратда тутиб турилса, у перлитга айланади, яъни феррит билан цементитнинг механиқ аралашмаси ҳосил бўлади. Аустенит тахминан 630°C гача **60-70 град/с** тезлик билан узлуксиз ўта совитилиб ва шу температурада тутиб турилганда ҳам аустенит перлитга айланади, аммо бу перлитнинг доналари 700°C да ҳосил бўлган перлитницидан майда, қаттиқлиги анча юқори бўлади (НВ 380-400). Бундай перлит **сорбит** деб аталади.

Аустенит тахминан 500°C гача (80-100 град/с) тезликда ўта совитилиб, шу ҳароратда тутиб турилса, доналари сорбитницидан ҳам майда перлит ҳосил бўлади. Бу перлит **троостит** деб аталади. Трооститнинг қаттиқлиги **НВ 390-400** оралиғида бўлади.

Демак перлит, сарбит, тростит структураларининг барчаси феррит-цементит аралашмасидан иборат бўлиб, улар бир-биридан доналари ўлчамлари билан фарқланади (20- шакл).




20- шакл. Перлит (а), сорбит (б) ва троостит (в) структуралари

Аустенит $150^{\circ}\text{C}/\text{с}$ тезлик билан сувда совитилса парчаланишга улгурмайди. Совиш тезлиги катта бўлганда диффузион жараёнлар тухтайди, лекин полиморф ўзгариш содир бўлади. натижада аустинитда эриган ҳамма углерод ферритда колиб, туйинган Қаттиқ эритма ҳосил бўлади. Ҳарорат тахминан 240°C

га тушганда аустенит **мартенсит** деб аталадиган структурага айлана бошлайди. Ана шу ҳарорат (20- шаклдаги M_B) аустенитнинг **мартенситга айлана бошлаши ҳарорати** деб аталади. Мартенситга парчаланишда бошлангич ва охирги фазалар микдори ўзгармайди, агрегат кучиш натижасида фақат кристалл панжара қайта кўрилади (диффузиясиз жараён). Мартенсит таёқчалари (пластинкалари) олдинги доначалар ўрнида параллел ёки бир-бирига нисбатан 50° ҳамда 120° бурчак остида жойлашиши ҳам мумкин. Бу парчаланиш жуда катта тезликда боради ва кристалларнинг ўсиш тезлиги ҳам катта бўлади. (10^3 м/сек). Парчаланиш давомида кристалл катақча атомлари уз ўлчамларидан камрок масофага бир вақтда силжиш натижасида атом панжаранинг тури ўзгаради (агрегат кучиш содир бўлади). Мартенсит ҳосил бўлиш жараёни ўзининг бошланиш (M_B) ва тамом бўлиш (M_T) ҳароратига эга. Агар шу оралиқда ҳарорат ўзгармаса (яъни совиши руй бермаса), парчаланиш ҳам тухтаб қолади. Лекин перлитга парчаланишда ҳарорат ўзгармай қолганда ҳам жараён давом этарди. Шу жиҳатдан мартенситга парчаланиш перлитга парчаланишдан фарқ қиласи. Легирланган пўлатлардаги углерод микдори қанча кўп бўлса, диффузия жараёни шунчалик секин боради, натижада мартенситга парчаланиш ҳарорати оддий ҳароратдан анча кичик бўлади. шунинг учун структурада материалнинг хажми бўйича парчаланмай колга қолдик аустинит (A_{col}) бўлади. мартенситнинг хажми катта бўлганлиги учун намуна деформацияланиши ҳам мумкин.

Демак мартенсит углероднинг \square -темирдаги туйинган Қаттиқ эритмасидир унинг доналари ниналарга ухшашиб, жуда ҳам юпка пластинкалардан иборат (21- шакл), қаттиқлиги эса **HB** (600-650) оралиғида бўлади.



21- шакл. Пластишка (а) ва таёкча (б) шаклидаги мартенситнинг микротузилиши

Савол ва топшириқлар :

1. Қандай жараён термик ишлаш деб аталади?
2. Пўлат Ac_1 , Ac_3 , Ac_m критик чизиқлардан юқори ҳароратгача қиздирилганда, унда қандай ўзгаришлар содир бўлади? Аустенит соҳасигача қиздирилган пўлат совитилганда-чи?

3. Қандай диаграмма аустенитнинг изотермик парчаланиш диаграммаси деб аталади?
4. Аустенит парчаланиб перлит, сорбит ва троостит ҳосил бўлиш шароитларини қўрсатинг.
5. Қандай шароитларда мартенсит структураси ҳосил бўлади?
6. Тоблашнинг критик тезлиги деганда нимани тушунасиз?

Маъруза мавзуси: Пўлатларга термик ишлов бериш технологияси

Режа:

- 1. Умумий маълумотлар;**
- 2. Пўлатларни юмшатиш, турлари, технологияси;**
- 3. Пўлатларни нормаллаш;**
- 4. Пўлатларни тоблаш, турлари, технологияси;**
- 5. Тобланган пўлатни бўшатиш.**

Таянч иборалар: юмшатиш; биринчи ва иккинчи тур юмшатиш; рекристаллизацион юмшатиш; тула, чала, диффузион, изотермик, сфероидловчи юмшатиш; нормаллаш; тоблаш; тобланувчанлик; тоблаш чукурлиги; паст, ўртача, юқори ҳароратларда бўшатиш.

1. Умумий маълумотлар

Пўлатларга термик ишлов бериш технологияси термик ишлаш назариясига асосланган. Машинасозлик пўлатларининг кўпчилик қисми термик ишланади. Термик ишлаш натижасида мустахкамликнинг ортиши машина ва механизмларнинг ишлашини яхшилаш, металлардан унумли фойдаланиш ва тежашнинг муҳим усулидир. Машина ва ускуналарни тайёрлаш жараёнида уларнинг деталларига бир неча марта термик ишлов бериш мумкин, лекин ҳар бир термик ишлов бериш технологияси маълум мақсадларни кузлаб танланади.

Материалларнинг турлари кўп бўлиб, амалда машина конструкцияларига куйилаетган талаблар ҳам турличадир. Демак, термик ишлов бериш технологиясининг турлари ҳам кўпдир. Ишлаб чиқаришнинг унумдорлигини ошириш учун ҳам термик ишлов бериш турларини тобора кенгайтириш керак бўлади.

Пўлатни термик ишлаш турлари жумласига юмшатиш, нормаллаш, тоблаш ва бўшатиш киради.

2. Пўлатларни юмшатиш

Пўлатни маълум ҳароратгача қиздириб, шу ҳароратда зарур вақт тутиб тўргандан кейин печ билан биргаликда аста-секин совитиш жараёни **юмшатиш** деб аталади.

Юмшатишдан мақсад - пўлатдаги ички кучланишларни йукотиш, унинг структурасини бир жинсли қилиш ва барқарорлаштириш, пўлатнинг доналарини майдалаштириш, қаттиқлигини пасайтириб, кесиб ишланувчанлигини яхшилаш ва х.к.

Кузда тутиладиган мақсадга кура юмшатиш иккига: биринчи тур ва иккинчи тур юмшатишга бўлинади.

Биринчи тур юмшатишда пўлат фазалар ўзгариши ҳароратидан (A_{c_1} критик нуқтадан) юқори (гомогенлаш) ёки паст ҳароратгача (рекристалланиш) қиздирилади. Биринчи тур юмшатишдан кўзда тутиладиган мақсад - совуқлайин босим билан ишланган пўлатда ҳосил бўлган ички кучланишларни йўқотиш,

пўлатнинг қаттиқлигини пасайтириб, пластиклигини ва қовушоқлигини ошириш, яъни пўлатни босим билан ишланишдан олдинги ҳолатга кайтаришдан иборат.

Гомогенлаш жараёни катта хажмли қўйма машина воситаларидағи дендрит ёки кристаллар орасидаги кимёвий нотекисликлар (ликвация) ни йукотиш учун қўлланилади. Бунинг учун заготовкалар печларга жойлаштирилиб, ҳарорат $1100\ldots1200^{\circ}\text{C}$ гача кутарилади ва шу ҳарорат $8\ldots20$ соат давомида ушлаб турилади. Сўнгра заготовкалар печ билан биргаликда секин совитилади. Бундай термик ишловга ҳаммаси бўлиб, $50\ldots100$ соат чамаси вақт кетиши мумкин. Гомогенлаш жараёнида доначалар усиши мумкин. Шунинг учун бундай термик ишловдан кейин қўшимча доначаларни майдалайдиган термик ишлов (иккинчи тур юмшатиш) бериши лозим бўлади.

Биринчи тур юмшатиш *рекристаллизацион юмшатиш* деб ҳам аталади. Пўлатларни рекристаллизацион юмшатиш учун уларни $650\ldots700^{\circ}\text{C}$ гача қиздириш керак, шу ҳароратда бироз ($0,5\ldots1,5$ соат) ушлаб туриб, сўнгра печь билан биргаликда совитилади. Бунда ферритнинг қайта кристалланиши билан бир қаторда цементит ҳам бироз ўсади ва унинг пластиклиги ошади. Пўлат қўймаларда, пайвандлашдан кейин, кесиб ишлаш ёки жилвирлашдан кейин ҳосил бўладиган ички кучланишларни йукотиш ёки камайтириш учун материал юмшатилади. Бундай юмшатишнинг ҳарорати $150\ldots700^{\circ}\text{C}$ гача бўлиши мумкин. Масалан, жилвирлашдан ($160\ldots180^{\circ}\text{C}$), кесиб ишлашдан ($570\ldots600^{\circ}\text{C}$) ёки пайвандлашдан ($650\ldots700^{\circ}\text{C}$) кейин материал қиздирилиб, аста-секин совитилганда қолдик механиқ ёки термик ички кучланишлар камаяди. Бундай юмшатишга 2-3 соат вақт кетади.

Иккинчи тур юмшатишда пўлат фазалар ўзгариши ҳароратидан (Ac_1 ёки Ac_3 критик нуқтадан) юқори ҳароратгача қиздирилади. Иккинчи тур юмшатишдан кўзда тутиладиган мақсад - пўлат доналарини майдалаштириш, барқарор ва анча юмшоқ структура ҳосил қилиш, пўлат структурасини бир жинсли қилиш ва бошқалардан иборат. Иккинчи тур юмшатишга тула юмшатиш, чала юмшатиш, сфероидловчи юмшатиш, диффузион юмшатиш ёки изотермик юмшатиш киради.

Одатда эвтектоиддан олдинги ва эвтектоид пўлатларигина *тўла юмшатилади*. Тула юмшатишда эвтектоидгача бўлган пўлатларни Ac_3 дан, эвтектоиддан кейинги пўлатларни Ac_1 дан $30\ldots50^{\circ}\text{C}$ юкорида қиздириб, шу ҳароратда бир оз ушлаб туриб, сўнгра печ билан биргаликда совитилади. Юқори ҳароратда ушлаб туриш вақти фаза ўзгаришига етарли бўлса бас, натижада майда донали аустенитни совитиш ҳисобига перлит доначалари ҳам майда бўлади. Қиздириш тезлиги материалнинг таркиби ва машина воситаларининг шаклига, ҳамда печ турига боғлиқ бўлади. Совитиш тезлиги асосан материал таркиби боғлиқ бўлиб, пўлатлар учун $200\ldots250^{\circ}\text{C}/\text{соат}$ ни ташқил қиласида. Пўлат тула юмшатилганда унинг структураси майда донали бўлади, пўлатдаги ички кучланишлар йуқолади, пўлат юмшоқ бўлиб қолади. Тўла юмшатиш усулидан қиздириб туриб босим билан ишланган пўлатларни ва баъзан, пўлат қўймаларни қайта кристаллаш учун фойдаланилади. Тўла юмшатиш натижасида феррит билан перлит бир текис таксимланади.

Баъзи холларда қўйма, поковка буюмлардаги ички кучланишларни йукотиш ва механиқавий ишлашдан аввал структурасини яхшилаш учун *чала юмшатиш* мақсадга мувофик бўлади. Бунинг учун эвтектоидгача бўлган пўлатлар Ac_1 критик нуқта билан Ac_3 нуқта оралиғидаги ҳароратгача,

эвтектоиддан кейинги пўлатлар эса Ac_1 , критик нуқта билан Acm критик нуқта оралиғидаги ҳароратгача қиздирилиб, шу ҳароратда маълум вақт тутиб турилгач, аста-секин совитилади. Бу ишловда факат перлит структураси қайта кристалланади, қолган структуралар (феррит ва цементит) ўзгармайди, шу сабабли бу усул **чала юмшатиш** дейилади.

Сфераидловчи юмшатиш (донадор перлит ҳосил қилиш) эвтектоид-дан кейинги пўлатларни ва легирланган пўлатларни яхши кесиб ишланувчан қилиш мақсадида унинг структурасидаги цементит пластинкаларини шарсимон майда заррачаларга айлантириш мақсадида ўтказилади. Сфераидловчи юмшатиш усули эвтектоид, эвтектоиддан кейинги, легирланган, масалан, хромли пўлатларга тадбик қилинади. Бу хил юмшатишнинг **сфераидловчи юмшатиш** деб аталишига сабаб шуки, пўлатни юмшатиш жараёнида пластинкасимон перлит (цементит) сфераид шаклига киради. Сфераидловчи юмшатиш учун пўлатлар Ac_1 , критик нуқтадан сал ($20\ldots30^{\circ}\text{C}$) юқори ҳароратгача қиздирилади, шу ҳароратда $3\ldots5$ соат тутиб турилгандан кейин **$650\ldots600^{\circ}\text{C}$** гача секин (соатига $30\ldots50^{\circ}\text{C}$ тезлик билан) совитилади, сўнгра ҳавода совитилса ҳам бўлади.

Аустенитда эриган кўпгина карбидлар ва бошқа қўшимчалар пўлатни совитишда қўшимча кристалланиш марказлари ҳосил қилиб, донадор структура олишга кумаклашади. Пўлат канчалик секин совитилса, шунчалик йирик цементит доналари ҳосил бўлади. Пластинкасимон перлитни донадор перлитга тула ўтказиш мақсадида буюмни бир неча марта такрор (циклик) юмшатиш тавсия этилади, чунки, ҳар бир аввалги циклдаги юмшатишда ҳосил бўлган цементит заррачалари кристалланишда қўшимча марказлар ҳосил қиласи.

Қотишмалар (айникса, легирланган пўлатлар) кимевий таркибининг нотекислигини (ликвацияни) йукотиш мақсадида **диффузион юмшатилади**. Бунинг учун пўлат буюм Ac_3 критик нуқтадан **$180\ldots300^{\circ}\text{C}$** юқори ҳароратгача қиздирилиб, шу ҳароратда **$10\ldots15$** соат тутиб турилгач, секин совитилади.

Изотермик юмшатишда эвтектоиддан олдинги пўлат Ac_3 нуқтадан, эвтектоиддан кейинги пўлат эса Ac_1 , нуқтадан **$20\ldots30^{\circ}\text{C}$** юқори ҳароратгача қиздирилиб, шу ҳароратда перлит батамом аустенитга айланунча тутиб турилади, сўнгра Ar_1 нуқтадан **$50\ldots100^{\circ}\text{C}$** паст ҳароратгача тез совитилиб, аустенит цементит билан ферритга батамом парчалангунча тутиб турилади. Изотермик юмшатишнинг одатдаги юмшатишдан фарқи шуки, бунда вақт кам кетади, гомогенлик даражаси анча юқори структура ҳосил бўлади. Таркибида кўп микдор хром, никель ва бошқа элементлар бўлган пўлатларда аустенит анча барқарор бўлади, бундай пўлатлардаги аустенитни феррит билан цементит аралашмасига айлантириб, пўлатнинг кесиб ишланувчанлигини яхшилашнинг бирдан-бир усули изотермик юмшатишdir.

3. Пўлатларни нормаллаш.

Эвтектоиддан олдинги пўлатларни Ac_3 нуқтадан ва эвтектоиддан кейинги пўлатларни Acm нуқтадан **$30\ldots50^{\circ}\text{C}$** юқори ҳароратгача қиздириб, шу ҳароратда пўлат структураси тўлиқ аустенитдан иборат булгунча тутиб турилгандан кейин ҳавода совитиш жараёни **нормаллаш** деб аталади.

Нормаллашдан мақсад эвтектоиддан олдинги пўлатларда майда донали структура ҳосил қилиш, эвтектоиддан кейинги пўлатларда эса ички кучланишларни, наклепни ва иккиламчи цементит турини йукотишдан иборат. Пўлатни узил-кесил термик ишлашдан, совуклайнин штамплашдан ёки кесиб

ишлишдан олдин унда гомоген (бир жинсли) структура ҳосил қилиш учун у нормалланади.

Нормаллаш тула юмшатишдан совиши тезлиги билан фарқ қиласи, яъни нормаллашда ҳавода совитилади. Ҳавода совиши тезлиги печ билан биргаликда совитишга қараганда қаттароқ бўлганлиги учун перлитга парчаланиш жараёни пастрок ҳароратда боради. Натижада тула юмшатишдагига қараганда майдарок структура (сорбит ёки троостит) ҳосил бўлади. Шунинг учун қаттиқлик ва мустахкамлик юмшатишдагига нисбатан 15...20 % га юқорироқ бўлади. Баъзи вақтда (пўлат таркибига караб) нормаллаш фақатгина юмшатиш вазифасини бажармасдан тоблаш ва эскиртириш вазифаларини ҳам бажариши мумкин.

Кам углеродли пўлатлар учун кўп холларда юмшатиш ўрнига нормаллаш ўтказилади. Фақат иқтисодий нуқтаи назардан эмас, балки таҳнологик жараёнларни енгиллатиш мақсадида ҳам шундай қилинади. Чунки, пўлат қаттиқлигининг бироз ошиши кесиб ишлишни енгиллаштиради ва юзанинг сифати ошади. Масалан, ўрта углеродли легирланган пўлатлар учун нормаллаш тоблаш ўрнига утса, унда нормаллаш билан биргаликда бўшатиш қўшиб олиб борилиб, тўла юмшатиш вазифасини бажаради.

4. Пўлатларни тоблаш.

Конструкцион пўлатлардан тайёрланган буюмларнинг пухталигини, асбобсозлик пўлатидан қилинган буюмларнинг қаттиқлиги ва кескирлигини, шунингдек пўлатларни ейилишга ва коррозияга чидамлилигини ошириш мақсадида улар тобланади. Тоблашнинг бошқа соғ термик ишлишдан асосий фарқи уни катта тезлик билан совитишдадир.

Тоблаш учун ҳароратни бир хиллаштириш учун вақт кетса пўлатнинг юза қисмидаги аустенит доначаси усиб кетиши мумкин. Амалда қиздириш вақти ва керакли ҳароратни ушлаб териш вақти материалнинг шакли, унинг печда тахланиш усули, печнинг тури ва шунга ўхшаш шароитларга боғлиқ бўлади. Заготовкаларни юқори ҳароратли печларда қиздиришда металл оксидланиши мумкин, натижада юза углеродга камбагаллашади (углерод қўяди). Машинасозлик амалиётида шундай печлар ҳам борки, унда ҳосил бўлаётган кимёвий муҳит текшириб турилади, яъни оксидланиш-қайтарилиш реакциялари маҳсус қурилма орқали бошқариб турилади.

Углеродли пўлатларни тоблаш учун қиздириш ҳарорати $Fe-Fe_3C$ ҳолат диаграммасига мувофик белгиланади. Эвтектоидгача бўлган пўлатлар ферритнинг тўла аустенитга парчаланиши учун Ac_3 , дан $30-50^{\circ}C$ юқори ҳароратгача, эвтектоид ва ундан кейинги пўлатлар эса Ac_1 , дан $30-50^{\circ}C$ юқори ҳароратгача қиздирилиб, шу ҳароратда маълум вақт тутиб турилгандан кейин тез совитилади. Пўлатни талаб этилган тезлик билан совитишнинг аҳамияти фоят катта. Аустенитнинг мартенситга айланиши учун пўлатни тез совитиш керак, шундай қилинганда аустенит парчаланишга улгурмайди. Углеродли пўлатлар учун совитувчи муҳит сифатида, кўпинча, совуқ сувдан, легирланган пўлатлар учун минерал мойлар ва бошқа эритмалардан фойдаланилади.

Аустенитнинг изотермик парчаланиш диаграммасидан маълумки, тоблаш учун керак бўлган энг кам совитиш тезлиги эгри чизиқка ўринма ўтиши керак. Лекин совитишни мумкин қадар, айникса мартенситга парчаланиш чегарасида, секинлатиш керак, чунки ички термик кучланишларни камайтириш лозим.

Демак, совитиш мұхитларини танлаш орқали совитиш тезлиги бошқарилади. Амалда күп ишлатиладиган совитиш мұхитлари түғрисида маълумот қуидаги жадвалда келтирилган.

Тоблаш натижасида әришиладиган әнг катта қаттиқлик **пўлатнинг тобланувчанлиги** дейилади, у асосан углерод микдорига бөглиқ.

Юздан бошлаб **50 %** мартенсит ва **50 %** трооститдан иборат қатламгача бўлган масофа **тоблаш чукурлиги** дейилади.

Тоблаш чукурлиги аустенитнинг баркарорлигига бөглиқ. Шунинг учун легирланган пўлатларнинг тоблаш чукурлиги анча катта бўлади.

Пўлат тўғри тобланмаса, унда ҳар хил нуқсонлар ҳосил бўлиши мумкин: Бу нуқсонлар жумласига, масалан, тобланган деталь қаттиқлигининг етарли даражада бўлмаслиги, мўрт бўлиб колиши, деталь сиртининг углеродсизланиши ва оксидланиши, деталнинг тоб ташлаши, дарз кетиши ва б.киради.

Тоблаш мұхитларининг совитиш жадаллиги

3 - жадвал.

Тоблаш мұхитлари ва уларнинг бошлангич ҳароратлари	Бугнинг юзага чикиши ҳарорати (кайнаш)	Совитишнинг нисбий жадаллиги, Н
Сув, 20°C	400...100	1.0
Сув, 40°C	350...100	0.7
Сув, 80°C	280...100	0.2
NaCl нинг сувдаги 10% ли эритмаси, 20°C	650...100	3.0
NaOH нинг сувдаги 10% ли эрит-маси, 20°C	650...100	2.0
NaOH нинг сувдаги 50% ли эритма-си, 20°C	650...100	2.0
Минерал мойлар, 20...200°C	500...250	0.3

Тоблашнинг қуидаги усуллари мавжуд:

Бир совитувчида тоблаш учун зарур ҳароратгача қиздирилган пўлат сувда ёки мойда тўлиқ совитилади. Бу усул углеродли ва легирланган пўлатлардан тайёрланган оддий шаклли деталларни тоблашда қўлланилади.

Узликли тоблаш усули бўйича деталь аввал тезрок совитадиган мұхитга, сўнг эса бошқа мұхитга (мой, селитра, ҳаво) ўтказилади ва хона ҳароратигача совитилади. Кўп легирланган асбобларни тоблаш учун қўлланилади.

Босқичли тоблаш усулида детал иссиқ мой, суюқ тузлар мұхитида, 230...250°C гача совитилади, шу ҳароратда бироз тутиб турилгандан кейин ҳавода совитилади.

Изотермик тоблаш усули ҳам босқичли тоблаш каби алохида амалга ошириллади, фақат тоблаш мұхитида деталь кўпроқ муддат ушлаб турилади, натижада аустенит изотермик шароитда бейнитга парчаланади.

Машинасозлик амалиётида ўз-ўзидан бўшатиш имконини берадиган тоблаш усуллари ҳам бор. Масалан, қиздирилган маҳсулотнинг бир қисмигина совитилади, маҳсулот тоблаш мұхитидан олинганда совитилмаган иссиқ қисми

хисобига совитилган қисми бўшатиш ҳароратигача қайта исийди, натижада ўз-ўзидан бўшатиш жараёни содир бўлади.

Пўлатларни юза тоблаш. Кўпгина машина деталларининг ишқаланиб емирилишга, статик ва чарчаш юкланишларига (эгилишда) чидамлилигини ошириш учун индукцион ток ёрдамида қиздирилиб, юза тобланади. Масалан, тирсакли вал (45,60ХФА маркали пўлатлар), тақсимловчи вал (45), валлар (40), поршин бармоқлари (55), силлиқ валлар, метал кесиш дастгоҳлари деталлари (шпиндел) юза тобланади. Деталлар 2,5...400 кГц частотали ток ёрдамида қиздирилиб, сўнгра сувда совитилади ва паст ҳароратда бўшатилади. Пухталанган қатлам қалинлиги 1,0...4,0 ммга, қаттиқлиги эса HRC 50...60 га етади.

Юзани газ алангасида қиздириб ҳам тоблаш мумкин. Масалан, атига бир ёки бир нечта машина воситаларини тайёрлаш керак бўлганда газлардан фойдаланилади. Фгазлар аралашмаси ёнганда 2000...3600°C иссиқлик ажralиб чиқади, тоблаш учун шу ҳарорат етарли бўлади.

Юзани тоблаш учун кейинги вақтларда лазер нуридан ҳам фойдаланилмоқда

5. Тобланган пўлатни бўшатиш.

Тобланган пўлатни *Ac₁*, критик нуқтадан паст ҳароратгача қиздириб, шу ҳароратда маълум вақт тутиб тўргандан кейин секин ёки тез совитиш жараёни **бўшатиш** деб аталади. Тобланган пўлатни бўшатиш термик ишлашнинг охирги тури бўлиб, бунда бекарор структура барқарор ҳолатга келади, ички кучланишлар камаяди, пўлатнинг қовушоқлиги ортади. Пўлат паст, ўртacha ва юқори ҳароратларда бўшатилиши мумкин.

Паст ҳароратда бўшатиш учун тобланган пўлат 180...250°C гача қиздирилиб, шу ҳароратда бироз ушлаб турилади, сўнгра совитилади. Ҳосил бўлган структура бўшатилган мартенсит бўлади, шунинг учун тоблашда эришилган қаттиқлик деярли ўзгармайди, мустаҳкамлик ва қовушоқлик етарли даражада ортади. Аксарият холларда кам легирланган, ҳамда углеродли пўлатлар шундай бўшатилади.

Ўртacha ҳароратда бўшатиш учун тобланган пўлат 350...500°C гача қиздирилади, сўнгра очик ҳавода совитилади. Пружиналарнинг чидамлилигини ошириш учун 400...450°C гача қиздирилиб, шу ҳароратда бироз ушлаб турилгандан кейин сувда совитилади. Ўртacha ҳароратда бўшатилган пўлат структураси троостит бўлади. Бу хил бўшатиш аксарият холда пружиналар, рессорлар, штампларга берилади.

Юқори ҳароратда бўшатиш 550...680°C да олиб борилади, бу ҳароратда 1...3 соат ушлаб турилади, сўнгра ҳавода совитилади. Бундай бўшатиш ўрта углеродли (легирланган) пўлатларга қўлланилади. Юқори ҳароратда бўшатилган пўлат структураси *корбит* бўлади.

Тўла тоблаб, юқори ҳароратда бўшатиш жараёни **яхшилаш** (улущение) деб аталади.

Савол ва топшириқлар :

1. Пўлатни биринчи ва иккинчи тур юмшатишлар бир – биридан қандай фарқ қиласи?
2. Тула юмшатиш жараёнининг моҳияти ва унинг кулланилишини ёритинг.

3. Қандай жараён изотермик жараён деб аталади?
4. Сфераидловчи юмшатиш жараёнининг моҳияти ва унинг кулланилишини баён килинг.
5. Пўлат қандай нормалланади?
6. Пўлатни тоблаш усулларини айтиб беринг.
7. Тоблашда қандай нуқсонлар вужудга келиши мумкин?
8. Тобланувчанлик ва тоблаш чукурлиги тушунчаларини ёритинг.
9. Тобланган пўлат нима учун бўшатилади? Бўшатишнинг қандай турларини биласиз?

Маъруза мавзуси: Пўлатларга кимёвий-термик ишлов бериш

Режа:

- 1. Кимёвий-термик ишлов беришнинг физик асослари;**
- 2. Пўлатларни цементитлаш;**
- 3. Пўлат юзасини азот билан бойитиш;**
- 4. Пўлатларни цианлаш;**
- 5. Пўлат юзасини диффузион туйинтириш.**

Таянч иборалар: кимёвий термик ишлаш; карбюризатор; азотлаш; цианлаш; хромлаш; диффузион кремнийлаш (силицийлаш); борлаш; нитроцементитлаш;

1. Кимёвий-термик ишлов беришнинг физик асослари

Ҳарорат таъсирида пўлат юзасини ҳар хил кимёвий элементлар билан диффузион бойитиш жараёнига **кимёвий-термик ишлаш** дейилади. Кимёвий-термик ишлов бериш жараёни З босқичдан иборат бўлади:

- диффузияланадиган элемент атомларининг ҳосил бўлиши (диссоциация);
- диффузияланувчи элемент атомларининг пўлат юзасига молекуляр яқинлашуви ва темирнинг кристалл панжарасига сингиши (абсорбция);
- учинчи босқичда фаол атомлар буюмнинг ички қатламларига сингади.

Диссоциация жараёни газ муҳитида содир бўлади, бунда молекулалар фаол атомларга парчаланади:

Масалан, $2CO \rightarrow CO_2 + C$ ёки $NH_3 \rightarrow 3H + N$. Ҳосил бўлган углерод ва азот атомлари фаолликлари туфайли металда эрийди ва унинг сирт қисмини тўйинтиради.

Абсорбция жараёни газ-металл чегарасида содир бўлади, металл юзаси эркин атомларни ўзига сингдиради. Бу жараён диффузияланувчи элемент атоми буюм металида эриб, қаттиқ эритма ҳосил қилган такдирдагина муваффакиятли кечади.



Диффузияланиш тезлиги металл қатламида ҳосил бўладиган фазаларнинг таркибиغا ва тузилишига боғлиқ. Масалан, углерод ва азот темир билан сингиш қаттиқ эритмаси ҳосил қилгани учун бу элементларнинг диффузияланиш тезлиги темир билан ўрин алмашиш қаттиқ эритмасини ҳосил қиладиган элементлар (Cr, Mn, Ni, Al, ва x.) никидан юқорироқ бўлади.

Диффузияланиш чуқурлиги ҳароратга, жараённинг вақтига, диффузияланувчи элементнинг концентрациясига боғлиқ (22- шакл).

Қотишмалар (пўлатлар)ни КТИ турларига цементитлаш, азотлаш, цианлаш ва диффузион легирлаш киради.

Пўлатларни цементитлаш

Цементитлаш-пўлатнинг сиртки қисмини углеродга туйинтиришдан иборат. Масалан, кам углеродли (0,1...0,3 %C) пўлат буюмларнинг сиртки қатлами углеродга туйинтирилганда сиртининг қаттиқлиги ошиб, ички қисми юмшок ва



22- шакл.. Түйинган қатлам қалинлигининг КТИ жараёни параметрларига боғлиқлиги.

ковушоқлигича қолади. Бу эса тегишли детални зарбий кучлар таъсирига чидамли, кам ейиладиган қилади.

Тишли филдираклар, поршень бармоқлари, валлар, ўқлар, ричаглар, червяклар, подшипник қисмлари каби деталлар цементитланади.

Пўлатни цементитлаш учун углеродга бой мухитдан фойдаланилади. Бу мухит *карбюризатор* деб аталади.

Цементитлаш жараёни қаттиқ, суюқ ва газсимон карбюризаторларда амалга оширилиши мумкин.


Қаттиқ карбюризаторда цементитлаш учун таркиби **70 %** писта кўмир, **20-25%** барий карбонати, **2,5...3,5 %** кальций карбонатидан иборат аралашма билан яшчикка жойлаштирилган деталлар кумилади-да, яшчикнинг копкоги яхшилаб, ҳаво кирмайдиган қилиб беркитилади ва ҳарорати **930...950°C** бўлган печда **5...10** соат давомида қиздирилади. Одатда, ҳар бир соатда буюмнинг **0,1 мм** қалинлиги цементитланади; түйинтирилган қатламда углерод миқдори **0,95...1,1%** га етади.

Газсимон карбюризаторда цементитлаш усулида кўп углеродли газлардан, масалан, углерод (II)-оксид, тўйинган углеводородлар (Cn H_{2n+2}) ва тўйинмаган углеводородлар (Cn H_{2n}) дан фойдаланилади.

Газсимон карбюризаторда цементитлаш учун деталлар печнинг герметик беркитиладиган камерасига жойлаштирилади ва **920...950 °C** гача қиздирилиб, уларнинг устидан газ ўтказилади. Бу жараён **6...9** соат давом эттирилса, деталларнинг **1,2...1,6 мм** қалинликдаги сиртқи қатлами углеродга тўйинади.

Бу усулнинг қаттиқ карбюризаторда цементитлашга нисбатан кўпгина афзалликлари бор: бунда керакли қатлам қалинлигини таъминлаш осон; жараённи бажариш вақти кам, уни механизациялаш ва автоматлаштириш имконияти мавжуд, иш жойи тоза сақланади, цементитлаш учун маҳсус ускуналар кўлланилмайди, шу печдан фойдаланиб цементитланган детални тўғридан-тўғри тоблаш мумкин ва х.

Суюқ мухитда цементитлаш деталларнинг сиртқи қатламларини углеродга тўйинтириб, юпка- **0,5 мм** гача қатлам олишда фойдаланилади. **75...85% Na_2CO_3 , 10...15% NaCl ва 5...10% SiC** таркибли аралашмани **820...850 °C** ҳароратгача қиздириб, суюлтириб, цементитланадиган буюмни шу мухитга 2 соатгача ботириб турилса, **0,50** мм гача қатлам углеродга тўйинади. Аралашмада SiC ва Na_2CO_3 бўлганлигидан ваннада қуйидагича реакция боради:



Бу усулда ишлатиладиган тузлар заҳарли эмас, жараён тез ўтади, деталларнинг сирти тоза чиқади. Цементитланган деталлар тобланиб, бўшатилади.

Кам маъсулиятли деталлар бевосита печдан чиқарилгандан сўнг тобланиб, паст ҳароратда ($150\ldots170^{\circ}\text{C}$) бўшатилади.


Муҳимрок деталлар цементитланган кейин ҳавода совитилади ва $850\ldots900^{\circ}\text{C}$ гача қиздирилиб, тобланади. Шундай қилинганда деталл ўзагининг доналари майдаланади. Тобланган деталнинг сиртқи қатламишинг структураси майда нинасимон мартенсит, озроқ қолдик аустенит ва цементитдан, ўзагининг структураси эса майда доналардан иборат бўлади. Сўнгра пўлат бўшатилади.

Жуда муҳим деталлар 2 марта тобланади. Биринчи, $850\ldots900^{\circ}\text{C}$ дан майда ёки ҳавода тобланиб, буюмнинг ўзагининг доналари майдалаштирилади, сўнгра эса $760\ldots800^{\circ}\text{C}$ да тобланиб юза қисмида қаттиқлиги юқори бўлган, майда донали мартенсит, ўзак қисми эса чала тобланиб, сорбит билан феррит структуралари аралашмаси ҳосил қилинади. Цементитланиб, тобланган углеродли пўлатларнинг юза қатламишинг қаттиқлиги $60\ldots64 \text{ HRC}$ га, легирланган пўлатларни эса $58\ldots61 \text{ HRC}$ га етади.

3. Пўлат юзасини азот билан бойитиши

Пўлат юзасини азот билан диффузион туйинтиришга *азотлаш* деб аталади. Азот пўлат таркибидаги металлар билан бирикиб, нитридларни ҳосил қиласи. Азотлаш жараёни $430\ldots800^{\circ}\text{C}$ гача газсимон аммиак (NH_3) муҳитида олиб борилади. Пўлатлар $430\ldots600^{\circ}\text{C}$ да азотланса уларнинг қаттиқлиги, ишкаланиб ейилишга чидамлилиги ва пухталиги ортади, $600\ldots800^{\circ}\text{C}$ да азотланганда эса фақат коррозиябардошлиги ортади. Асосан, таркибида *Cr, Mo, W, Al, Ti* каби нитрид ҳосил қилувчи элементлари бўлган легирланган пўлатлар азотланади.

Деталлар азотлашдан олдин чанг ва мойлардан тозаланиб, герметик яшчикка бир-бирига тегмайдиган қилиб жойлаштирилади. Сўнг яшчик ёпилади-да, печга жойлаштирилади ва аста-секин аммиак муҳитида зарур ҳароратгача қиздирилади. Юқори ҳароратда аммиак қисман парчаланиб, фаол азот атомларини ҳосил қиласи:



Темир сиртида азотланган қатлам $\text{Fe}_{2\cdot3}\text{N}$ (\square -фаза) ва Fe_4N (\square -фаза) ва (\square -фаза) дан иборат бўлади. Азотлаш 600°C дан юқорида ўтказилса нитрид қатлам ва \square -фаза орасида азотланган аустенитдан иборат \square -фаза ҳосил бўлади.

Сўнгги йилларда таркиби **50%** эндогаз ва **50%** аммиак ёки **50%** CH_4 ва **50%** NH_3 , шунингдек суюқ ҳолатдаги **55%** (NH_2) $\text{CO} + 45\%$ Na_2CO_3 аралашмадан фойдаланиб азотлаш жараёни қўлланилмоқда. Натижада буюм сиртида структураси $\text{Fe}_{2\cdot3}(\text{N}, \text{C})$ дан иборат бўлган карбонитрид қатлам ҳосил бўлади, унинг қаттиқлиги **HV600...1200** га етади ва буюмнинг ишкаланиб емирилишга чидамлилиги ортади.

Азотлаш жараёнига сарфланадиган вақт талаб этиладиган қатлам қалинлигига боғлиқ. Умуман, ҳар **10 соатда 0,1 мм** юза қатлам азотланади.

Деталларга азотлашдан олдин термик ишлов берилади, азотланган юзалар эса фақат жилоланади.

Азотлаш жараёни цементитлаш жараёнидан пастрок ҳароратда ўтказилсада, қатламнинг қаттиқлиги ва ишқаланиб ейилишга чидамлилиги юқори, мўртлиги эса пастрок бўлади.

4. Пўлатларни цианлаш

Пўлат деталларниг юзасини бир вақтнинг узида углерод ва азотга туйинтириш жараёни *цианлаш* деб аталади. Қаттиқ, суюқ ва газ муҳитида цианлаш усуслари мавжуд. Цианланган юзанинг қалинлиги, одатда, **0,1...0,2 мм** га етади. Цианлаш натижасида деталларнинг юза қаттиқлиги ва ишқаланиб ёмирилиши чидамлилиги, ҳамда коррозиябардошлиги ортади. Айникса, майдада ва ўртача деталлар (шестерня, поршен бармоклари, валлар ва бошқалар) ни цианлаш юқори самара беради.

Суюқ муҳитда цианлаш усули кенг таркалган.

Таркиби **50 % NaCN, 3,5 % BaCl₂, 15 % NaCl** тузлардан иборат аралашма **500...600°C** гача қиздирилганда углерод ва азот атомлари ҳосил қилиб парчаланади, ана шу фаол атомлар детал юзасига сингади.

Тезкесар пўлатдан тайёрланган асбобларни пухталаш учун **25...40% NaCN, 20...45 % Na₂CO₃, ва 10...20 % NaCl** таркибли аралашма муҳитида **500...600°C** да **5...30** дақиқа давомида ишлов берилса, детал юзасининг **0,02...0,04** мм қалинлиги цианланади.

Таркибидаги **0,4 %** гача углероди бўлган углеродли ва маҳсус пўлатларга **6...10% NaCN, 80...84 %Ba Cl₂, 10%** гача **NaCl** таркибли тузлар аралашмасида **800...950 °C** ҳароратда, **1...6** соат давомида ишлов берилса, **0,5...1,5 мм** юза қатлам углерод ва азотга туйинади.

Бундай юқори ҳароратда цианланган деталлар тобланиб, сўнгра паст ҳароратда бўшатилади, юза қаттиқлиги **58...62 HRC** га етади.

Газ муҳитида цианлаш (нитроцементация) жараёни **850...900°C** ҳароратда, таркибидаги углерод ва азот бўлган газлар (масалан, **70...80 %** табиий газ ва **20...30 %** амиак) муҳитида олиб борилади. **0,25...1** мм қатлам олиш учун **2...10** соат вақт сарфланади.

Нитроцементитланган детал бевосита печдан тобланиб, **160...180°C** да бўшатилади. Бўшатилган юзанинг қаттиқлиги **58-62 HRC** га етади. Бу жараён мураккаб шаклли, тоб ташлашга мойил бўлган деталлар (шестерялар) учун кулланилганда самара беради.

5. Пўлат юзасини диффузион тўйинтириш

Машина воситаларининг ишчи юза қисмларининг хоссаларини ва иш унумини ошириш учун улар **Al, Cr, Si, B, Ti** каби элементлар билан диффузион бойитилади.

Диффузион алюминийлаш пўлатларни **850...900°C** гача оловбардош қилиш учун ўтказилади. Пўлат буюмнинг юзасида алюминий оксидидан иборат зич парда ҳам ҳосил бўлади ва у метални оксидланишдан саклайди.

Кўп холларда кукунлар аралашмаси муҳитида алюминийга туйинтирилади. Деталлар **25...50%** алюминий кукуни ёки **50...75%** ферроалюминий, **25...75%** алюминий оксиди ва **1%** аммоний хлориддан иборат аралашма билан кўмилиб,

900...1050°C ҳароратда **3...12** соат печларда тутиб турлади. Бунда деталнинг **0,2 ...0,35 мм** сиртқи қатлами алюминийга түйинади.

Газогенератор машиналари деталлари, термопараларнинг гилофлари, турли ковшларнинг деталлари ва клапанлар каби буюмлар алюминийланади.

Хромлаш жараёнини қаттиқ, газ ва суюқ мұхитда ўтказиш мүмкін. Мақсад-деталларнинг қаттиқлигини, ейилишга чидамлигини, коррозиябардошлиги, оловбардошлиқ да иссиқликбардошлигини ошириш. Қаттиқ мұхит сифатида **40...45 %** феррохром, **40...45%** шамот ва **3...5%** аммоний хлориди кукунлари аралашмаси ишлатилади. Ҳарорат **1100...1150°C**, вақт **10...15** соат. Шу шароитда хромланган қатламнинг қалинлиғи **0,25...0,30 мм** га етади.

Суюқ мұхитда диффузион хромлашда **20 % CrCl₂** ва **80% BaCl₂** дан иборат аралашма ишлатилади. Деталлар суюқлантирилган ана шу аралашма ваннасида **950...1100°C** да **4** соат чамаси тутиб туриса, **0,04...0,10 мм** қалинликдаги сиртқи қатлам хромланади. Диффузион хромланган деталлар дархол ҳарорати **70°C** дан паст бўлмаган сувда ёки мойда тобланади.

Деталларни **950...1050°C** ҳароратда газ ҳолатидаги **CrCl₂** мұхитида хромлаш усули замонавий усул саналади. Хромланган қатлам қалинлиғи **0,15...0,20мм** га етади.

Хромлаш усулидан емирувчи мұхитда ишлайдиган клапанлар, вентиллар, патрубкалар каби деталлар, ҳамда парма, развертка каби асбоблар учун фойдаланилади.

Диффузион кремнийлаш (силицийлаш) усули пўлатларнинг ишқаланиб ейилишга чидамлилигини ошириш, коррозиябардошлиги ва кислотабардошлигини яхшилаш мақсадида амалга оширилади.

Қаттиқ мұхитда кремнийлаш учун **60%** ферросилиций, **38...39%** глинозем ёки каолин ва **1...2%** аммоний хлоридидан иборат аралашмадан фойдаланилади, буюмнинг **0,2...0,8 мм** сиртқи қатлами кремнийга түйинади (ҳарорат **1100...1200°C**).

Газ мұхитида кремнийлаш учун кремний хлориди **950...1050°C** гача қиздирилади ва буюм **2...4** соат мобайніда шу мұхитда тутиб турлади. Түйинтирилган қатлам қалинлиғи **0,5...1,24 мм** га, юза қаттиқлиги эса Виккерс бўйича **200...300** га етади.

Кимё, қофоз ва нефть саноати ускуналари (насос валлари, трубопроводлар, гайкалар, болтлар...) деталлари кремнийланади.

Машинасозликда **бор** элементи билан юзани бойитиш жараёни суюқ әритмаларни ($Na_2B_4O_7$, BCl) электролиз қилиш усули билан олиб борилади. Борланган юзанинг қаттиқлиги Виккерс бўйича **2000** гача етади, қалинлиги эса **0,1...0,4 мм** ни ташқил қиласи. Борланган қатлам юза қисмида FeB , ички қисмида эса Fe_2B ва □- қаттиқ әритмадан иборат бўлади. Нефт насослари, чузувчи, эгувчи ва шакл берувчи штамплар, босим остида қўйиш машиналарининг деталлари каби оғир шароитда ишлайдиган деталлар борланади. Борланган деталларнинг турғунлиғи **2...6** марта ортади.

Бор билан бойитилган юзага охирги механиқ ишлов берилади.

Савол ва топшириқлар:

1. Деталларни кимёвий-термик ишлашдан мақсад нима?
2. Кимёвий-термик ишлов бериш жараёни қандай босқичларда амалга оширилади?

3. Цементитлаш турларини айтиб беринг.
4. Цементитланган деталлар нима учун термик ишланади?
5. Газлар мухитида цементитлаш жараёни қандай амалга оширилади, бу усулнинг афзаликларини кўрсатинг.
6. Азотлашдан кузда тутилган мақсад нима?
7. Цианлаш нима? Унинг турларини айтиб беринг. Қандай жараён нитроцементитлаш деб аталади?
8. Диффузион легирлашнинг қандай турлари мавжуд?

Маъруза мавзуси: Рангли металлар ва уларнинг қотишмалари.

Мис ва алюминий қотишмалари

Режа:

- Умумий маълумотлар.** Мис ва унинг қотишмалари, бронзалар, латунлар, маркаланиши, ишлатилиш соҳалари;
- Алюминий ва унинг қотишмалари, уларга термик ишлов бериш;**
- Антифрикцион қотишмалар, турлари, маркаланиши, ишлатилиши.**

Таянч иборалар: латунлар; бронзалар; калайли, деформациябоп, қуймабоп, алюминийли, кремнийли, марганецли, бериллийли, қўрғошинли бронзалар; дуралюминийлар; алюминийнинг қуймабоп қотишмалари; силумин, нормал силумин; антифрикцион қотишмалар; баббитлар;

1. Мис ва унинг қотишмалари

Халқ хўжалигининг баъзи соҳаларида, масалан, иссиқлик энергетикаси, авиация саноати, ракетасозлик, электротехника ва радиотехникада рангли металлар ва уларнинг қотишмалари кенг куламда ишлатилади..

Мис ёклари марказлашган куб панжарага эга бўлган, суюқланиш ҳарорати 1083°C га тенг рангли металдир. Унинг механиқ хоссалари қўйидагича: $\sigma_{\text{e+}}=200\ldots250\text{ MPa}$; $\delta=30\ldots35\%$. Миснинг электр ва иссиқлик ўтказувчанлиги юқори.

Кимёвий таркибиغا кўра тоза мис қўйидагича маркаланади: **МОО (99,99% Cu), MO(99,95%Cu), M1(99,90%Cu), M2(99,70%Cu), M3(99,50%Cu) ва M4(99,0%Cu).**

Мис қотишмалари икки гурухга - латунлар билан бронзаларга бўлинади.

Латунлар. Асосан мис билан рухдан иборат қотишмалар латунлар (жезлар) деб аталади. Техникавий латунлар таркибида рух миқдори **45 %** га етади. Мис билан рух қотишмалари қаттиқ ҳолатда α , β , γ ва бошқа фазалар ҳосил қиласди. α - фаза - рухнинг мисдаги қаттиқ эритмаси (α -латун). Таркибида **40..45%** рух бўлган қотишмаларда β -фаза, яъни рухнинг **CuZn** таркибли бирикмадаги Қаттиқ эритмаси ҳам ҳосил бўлади ($\alpha + \beta$ -латун). Таркибида рух миқдори **45..50%** гача бўлган қотишмалар фақат β -фазадан, **50 %** дан ортиқ рух бўлган қотишмалар эса β - фаза билан γ - фазадан иборат. γ - фаза рухнинг **Cu₅Zn₈** таркибли бирикмадаги қаттиқ эритмаси бўлиб, нихоятда мўртдир.

Техникада α - латунлар билан $\alpha + \beta$ - латунларгина ишлатилади.

Латунлар **L** ҳарфи ва ракамлар билан маркаланади. Масалан, **L96, L62, L59** ва хакозо. **L** ҳарфи қотиshmанинг номини (латун), ракамлар эса қотишма таркибидаги мис миқдорини билдиради.

Кенг таркалган латунларнинг юмшатилган ҳолатдаги механиқ хоссалари қўйидагича: α - латунлар **L96** (томпак), **L80** (ярим томпак) ва **L70**:

$\sigma_{\text{e}} = 240\ldots320 \text{ MPa}$; $\delta = 50\ldots52 \%$.

$\alpha + \beta$ - латунлар **L62** ва **L59**: $\sigma_{\text{e}} = 360\ldots390 \text{ MPa}$; $\delta = 44\ldots49 \%$.

Махсус латунлар **Л** ҳарфи, кушилган элементларни билдирувчи ҳарфлар ва тегишли ракамлар билан маркаланади, масалан, **ЛС-74-3, ЛО70-1, ЛАН 59-3-2, ЛМц 58-2** ва хакозо. Маркадаги биринчи сон миснинг, кейинги сонлар эса тегишли элементларнинг % хисобидаги ўртача миқдорини кўрсатади. Легирловчи элементлар кўйидагича белгиланади: алюминий -**A**, кўргошин-**C**, калай-**O**, темир-**Ж**, никель-**H**, марганец-**Мц**, кремний эса-**K** билан белгиланади. Латун маркасининг охирида **Л** ҳарфи бўлса, унинг куймабоп латун эканлигини билдиради, масалан, **ЛК80-3Л, ЛАЖ60-1-1Л** ва хакозо. Маркаси охирида **Л** ҳарфи бўлмаган латунлар деформациябоп латунлардир.

Куймабоп латунлар нам атмосферада коррозиябардош бўлади ва кесувчи асбоблар билан осон ишланади. Бу латунлардан подшипник втулкалари, турли арматуралар, коррозиябардош деталлар кўйилади.

Деформациябоп латунлардан радиатор найлари, горфланган трубалар, тўғри труба, сим ва бошқа буюмлар тайёрланади.

Бронзалар. Миснинг калай, алюминий, кўргошин, бериллий ва бошқа элементлар билан ҳосил қилинган қотишмалари бронза деб аталади.

Бронзалар **Бр.** ҳарфлари, таркибидаги элементларни билдирувчи ҳарфлар ва шу элементларнинг % хисобидаги ўртача миқдорини кўрсатувчи ракамлар билан маркаланади. Масалан, **Бр. ОНС 11-4-3** марка бронзанинг ўрта хисобда 11% калай, 4% никель, 3% кўргошин ва қолгани мисдан иборат эканлигини билдиради.

Калайли бронзалар мис-қалай системасидаги қотишмалардир. Таркибида 5...6% дан ортик қалай бўлган қотишмаларни босим билан ишлаб бўлмайди, чунки улар муртлашади, улар қуймабоп бронзалардир.

Деформациябоп бронзалар жумласига **Бр. ОФ 6,5-0,15; Бр. ОФ 4-0,25; Бр. ОЦ 4-3** ва б. киради. Бундай бронзалар лист, чивик, сим, тасма, труба ва бошқа буюмлар тайёрлаш учун ишлатилади.

Куймабоп бронзалар жумласига **Бр.О 10, Бр. ОЦСН. 3-7-5-1, Бр.ОЦС 3-12-5, Бр.ОФ 10-1, Бр.ОЦ 10-2** ва бошқа маркали бронзалар киради. Куймабоп бронзалардан машиналарнинг юқори босимли бугда ва шўр сувда ишлайдиган деталлари кўйилади.

Қалай киммат турадиган металл бўлганлиги учун калайли бронзалар зарур холларда ишлатилади. Кўпинча уларнинг ўрнига махсус бронзалар(алюминийли, кремнийли, марганецли, бериллийли, кўргошинли) дан фойдаланилади.

Алюминийли бронза (5...11% Al) юқори антикоррозион ва механик хоссаларга эга. Бундай бронзалардан турли тишли гилдираклар, турбина деталлари, втулкалар, клапан седлолари, шестернялар ва б. муҳим деталлар тайёрланади.

Бр. АЖ 9-4, БР. АЖН 10-4-4 маркали бронзаларнинг механик хоссаларини яхшилаш учун улар **650...950° С** гача қиздирилиб, сўнгра сувда совитилади. Шу тарзда термик ишлов берилган бронзаларнинг механик хоссалари қўйидагича бўлади: $\sigma_e=70 \text{ кГ/мм}^2$, Бринель бўйича қаттиқлиги эса **200...250** га етади.

Кремнийли бронзалар (Бр. КЗ, Бр. КЦ 3-9, Бр. КС 3-6 ва х.) нинг механик хоссалари калайли бронзаларнидан юқори туради. Кремнийли бронзаларнинг қолипга қўйилиш ва кесиб ишланиш хоссаларини яхшилаш учун унга рух ёки кўргошин кушилади. Таркибида никель ҳам бўлган бронзалар **875° С** гача қиздирилиб, сўнгра тоблангандан кейин **450° С** гача қиздириб бўшатилса,

уларнинг механиқ хоссалари куйидагича бўлади: $\sigma_e=50 \text{ кГ/мм}^2$, $\delta=15 \%$. Кремнийли бронзалардан ишканувчи шароитда $250^\circ C$ гача ҳароратда ишлайдиган деталлар тайёрланади.

Марганеули бронзаларнинг механиқ хоссалари унча юқори эмас, аммо анча пластик ва оловбардош қотишмалардир. Масалан, *Бр. M45* маркали бронза узининг мехник хоссаларини $400\ldots450^\circ C$ да ҳам саклаб қолади.

Бериллийли бронза (Бр.Б2) $800^\circ C$ гача қиздирилиб совитилса, пухталиги пастрок ($\sigma_B=50 \text{ кГ/мм}^2$), нисбатан юмшок ($HB=100$) ва пластик ($\delta=30 \%$) бўлади. Бериллийли бронза пухта, эластик, яхши пайвандланувчан, кесиб ишланиш хоссаси юқори ва коррозиябардош бўлганлиги учун, ундан пружиналар, мемброналар, зарб билан ишлайдиган асбоблар тайёрланади.

Қўргошинли бронза (Бр.С30) машинасозликда ишқаланишга чидамли (антифрикцион) материал сифатида кўп ишлатилади. Қўргошинли бронзанинг ишқаланишга чидамлилик хоссалари юқори бўлганлигидан у катта нагрузка остида бўладиган подшипниклар учун ишлатилади.

2. Алюминий ва унинг қотишмалари

Алюминий юқори электр ва иссиқлик ўтказувчи, зичлиги паст ($2,7 \text{ г/см}^3$), атмосферада, денгиз суви, сирка ва азот кислотаси мухитида коррозиябардош, босим остида яхши ишланадиган ва пайвандланадиган, аммо кесиб ишлашга нокурай металл.

Таркибидаги қўшимчаларнинг микдорига караб, алюминий махсус **A999 (99,999 % Al)**, юқори **A99 (99,99 % Al)** ва техник тоза **A9(99,9 % Al), A7 (99,7 % Al), A0(99 % Al)** ва хоказоларга бўлинади.

Техниканинг турли соҳаларида алюминийли қотишмалар юқори инерцион ва динамик нагрузкаларга бардош бериш кобилиятларига қараб, худди юқори мустахкамликка эга бўлган пўлатлардек турли соҳаларда ишлатилади. Чунки, уларнинг зичлиги $\rho =2,85 \text{ г/см}^3$ бўлганда, мустахкамлиги $\sigma_e =500\ldots700 \text{ мПа}$ га етади.

Ишлаб чиқариш усулига қараб алюминийли қотишмалар деформацияланадиган ва қўймабоп турларга бўлинади. Деформацияланувчи алюминий қотишмаларига дуралюминийлар, болгаланувчи ва юқори мустақкамликка эга бўлган қотишмалар киради.

Дуралюминийлар (D1, D2,..., D16) таркибида $3,8\ldots4,9 \%$ мис, магний ва марганец бўлган қотишмалардир. **D1** маркали дуралюминий $3,8\ldots4,8 \%$ **Cu**, $0,4\ldots0,8 \%$ **Mg**, $0,4\ldots0,8 \%$ **Mn**, $0,7 \%$ гача **Si** ва **Fe**, $0,3 \%$ гача **Zn**, $0,1 \%$ гача **Ni**, қолгани алюминийдан иборат бўлиб, **нормал дуралюминий** деб аталади.

Алюминийнинг болгалаб, штамплаб, прокатлаб буюмлар олиш учун ишлатиладиган қотишмалари **AK4, AK5, AK6** каби маркаланади. Бундай қотишмалардан авиация двигателларининг поршенлари, самолет винтларининг канотлари каби буюмлар тайёрланади.

Al-C-Mg-Mn туркумiga кирувчи қотишмалар термик ишланганда мустахкамлиги ошади. Дуралюминийларни термик ишлаш усули билан мустахкамлаш учун улар тобланиб, эскиртирилади. Бунинг учун қотишма **495...505°C** гача қиздирилади ва сувда совитилади, сўнгра **5...6** кун уй ҳароратида ушлаб турилади, яъни *табиий эскиртирилади*. Эскиртириш натижасида мустахкамлик янги тобланган қотишмага қараганда карийб **70...75%** га ошади. Эскиртириш жараёнида қотишма таркибидаги миснинг алюминийдаги қаттиқ эритмасининг (\square -қаттиқ эритма) парчаланади. Агарда эскиртириш жараёни юқорироқ ҳароратларда ($100...150^{\circ}\text{C}$) 10...24 соат давомида олиб борилса (*сунъий эскиртириши*) қаттиқ эритма парчаланмайди, қотишма кристалл панжарасилаги мис атомларининг жойлашиш тартиби ўзгаради.

Алюминийнинг *қуймабон қотишмалари Al-Si* системасидаги қотишмалар бўлиб, *силуминлар* деб аталади.

Бу қотишмалар **АЛ** ҳарфлари ва ракамлар билан маркаланади, масалан, **АЛ1, АЛ2, АЛ3, ..., АЛ18**.

АЛ2 маркали қотишма *нормал силумин* бўлиб, фақат модификациялаш йули билан пухталанади.

АЛ3, АЛ5 ва **АЛ6** маркали қотишмалар кам кремнийли, аммо мис, магний ва марганец билан қўшимча легирланган силуминлар бўлиб, бу қотишмаларнинг қўйилиш хоссалари нормал силуминларнига қараганда пастроқ, аммо механиқавий хоссалари юқоридир. Бу қотишмалар модификациялаш ва сўнгра термик ишлаш йули билан пухталанади.

АЛ11 маркали қотишма *Al - Si - Zn* системасидаги қотишмалардан бўлиб, унинг қўйилиш хоссалари юқори, уни модификациялаш йўли билан пухталаш мумкин. Бу қотишмадан мураккаб шаклли деталлар қўйилади.

САП (пиширилган алюминийли пурдалар) қотишмалари ҳам **A97** маркали суюқ алюминийни пуркаш орқали ҳосил қилинади. Бу порошокнинг таркибига қанчалик кўп Al_2O_3 қўшилса, қотишманинг мустахкамлиги, қаттиқлиги ва иссиқбардошлиги шунча юқори бўлади. **САП** лар **450°C** да ҳам узоқ нагрузка таъсирига бардош бера олади.

Кўпгина холларда поршен штоклари, компрессор куракчалари, электродвигатель урамлари, иссиқлик алмашинувчилар, реактив двигателларида бошқариладиган системанинг винтеллари каби қисм ва узеллар шу қотишмалардан тайёрланади.

4. Антифрикцион қотишмалар

Машина ва механизмларда ишлатиладиган сирпаниш подшипникларнинг қисмларини тайёрлаш учун кўлланиладиган қотишмалар подшипникбоп ёки *антифрикцион қотишмалар* деб аталади.

Антифрикцион материаллар сифатида кулранг чўян, калайли ва қўрғошинли бронзалар, кукунсимон материаллар ва баббитлар ишлатилади.

Подшипниклар учун антифрикцион кулранг чўяннинг **ACЧ1, ACЧ2** маркаларидан фойдаланилади. Аммо, пўлат-чўян жуфтида ишқаланиш коэффициенти анча катта бўлганлиги учун чўян вкладишлар тезюарар машиналарда ишлатилмайди.

Огир шароитда ишлайдиган подшипниклар учун бронза вкладишлардан фойдаланиш мумкин. Бунинг учун **Br. ОСЦ4-4-4, Br. С30, Br. ОФ6,5-1,5** маркали бронзалар ишлатилади.

Вал ёки ўк бўйининг имкони борича кам ейилиши талаб этилса, осон суюқланувчан (ок) антифрикцион қотишмалар - **баббитлар** ишлатилади. Баббитлар подшипникнинг ички қисмига қўйилади.

Ок антифрикцион қотишмалар - **Pb-Sn-Sb, Sn-Sb, Pb-Sb** системаларидағи қотишмалардир.

Баббитлар **BN, BT, B16, B6** каби маркаланади. Бунда **B**- баббит, **H**- никель, **T**- теллур, ракамлар эса қалайнинг % хисобидаги ўртача микдорини билдиради.

Савол ва топшириқлар:

1. Тоза мис ва унинг қотишмалари қандай маркаланади?
2. Латуннинг механиқ хоссаларига рух қандай таъсир кўрсатади?
3. Калайли бронзаларнинг қандай маркаларини биласиз?
4. Махсус бронзаларнинг маркаларини ва ишлатилиш соҳаларини айтиб беринг.
5. Алюминийнинг деформациябоп қотишмаларига мисоллар келтиринг.
6. Силуминлар деб қандай қотишмаларга айтилади? Улардан нималар тайёрланади?
7. Баббитлар қандай қотишмалар?

Маъруза мавзуси: Нометалл материаллар. Пластмассалар ва резина материаллар.

Режа:

- 1. Умумий маълумотлар**
- 2. Пластмассалар, уларнинг турлари, таркиби, хоссалари, ишлатилиш соҳалари;**
- 3. Пластмассалардан буюмлар тайёрлаш усуллари;**
- 4. Резиналар, таркиби, ишлатилиш соҳалари;**

Таянч иборалар: пластмассалар; термореактив ва термопластик пластмассалар; полимерлар; тўлдиригичлар; пластификаторлар; катализаторлар; буеклар; буюм олиш усуллари; резина, таркиби, табиий ва сунъий каучуклар.

1.Умумий маълумотлар

Мавжуд конструкцион материаллар захирасини ҳосил қилиш учун уларни тежаб ишлатиш, янги хом ашеларни излаб топиш, ҳамда улар асосида янги, чидамли конструкцион материалларни яратиш ва ишлаб чиқариш муҳим аҳамиятга эга.

Ана шундай материаллар ичида энг муҳимлари пластмассалар, резиналар, целлюлоза асосидаги материаллар, сопол ва композицион материаллардир. Металл, полимер ва сопол асосидаги композицион материаллар келажакда техниканинг ривожланишини белгилайдиган материаллардир.

2. Пластмассалар ва уларнинг турлари

Органиқ полимер бoggовчи моддалар асосида сунъий равища тайёрланган, муайян ҳароратларда ва босим остида пластик хоссаларга эга бўладиган материаллар **пластмассалар** деб аталади.

Полимерлар, одатда, бир неча мингдан тортиб, то бир неча миллионгача атомдан иборат бирикмалардир. Полимерлар **табиий** (натурал каучуклар, жун, ипак, целлюлоза, оксиллар, табиий смолалар ва б.), **сунъий** (табиий полимерлар-ни қайта ишлаш орқали олинади) ва **синтетик** (фенолформальдегидли ва карбамидли смолалар, полиэтилен, полистирол, полиамиidlар, эпоксидли смолалар ва б.) бўлади.

Пластмассаларни таркибиغا кура икки гурухга ажратиш мумкин:

1. Оддий пластмассалар асосан, бир компонент-смоладан иборат бўлади (плексиглас, полистерол ва полиэтилен);
2. Мураккаб пластмассалар- бир неча компонентдан иборат бўлиб, уларнинг ҳар бири маълум вазифани бажаради (фенопластлар, фторопластлар, текстолитлар, стеклопластликлар).

Масалан, *богловчи моддалар* (смолалар, битумлар) пластмасса таркибидаги айрим заррачаларни ўзаро боғлашга хизмат қилади.

Тўлдиргичлар (еғоч, еғоч уни, тўқима, чиқинди иплари, қофоз, ...) пластмассаларнинг физикавий ва кимевий хоссаларини яхшилайдиган ва нархини арzonлаштирадиган моддалардир.

Пластификаторлар (камфора, канакунжут мойи, дибутилфтолат), асосан, пластмассаларнинг таркибий қисми бўлиб, уларнинг пластиклигини оширади.

Катализаторлар (магнезий, уротропин, оҳак, ...) полимер материалларнинг котиш жараёнини тезлаштиради.

Буеклар пластмасса буюмларга декоратив тус бериш учун қўлланилади.

Мойловчи моддалар (стеарин) пластмассаларни пресслашда массанинг прессформа деворига епишиб колмаслигини таъминлаш учун хизмат қилади.

Пластмассалар ҳарорат таъсирида узларининг физикавий -кимевий хоссаларини ўзгартиради. Ана шу хусусиятга кура пластмассалар **термореактив** ва **термопластик** турларига бўлинади.

Термореактив пластмассалар (текстолит, асботекстолит, гетинакс, эпокспластлар, ...) бир марта қиздирилиб, босим билан ишлангандан кейин қайта суюқланмайди.

Термопластик пластмассаларни (фторопласт, органик шиша, целлулоид, винипласт, капрон, полиэтилен,...) эса бир неча мартараб қайта қиздириш ва суюқ холда қайта ишлаш мумкин.

3. Пластмассалардан буюмлар тайёрлаш усуллари

Пластмассалардан, асосан, қолиплаш, қўйиш, пресслаш, сиқиб чиқариш, пайвандлаш, елимлаш усулларида буюмлар тайёрланади. Уларни металл кесувчи дастгохларда осонгина кесиб ишлаш, қирқиши, фрезалаш, пардозлаш, жилвирлаш мумкин.

Колиплаш орқали пластмассалардан мураккаб шакли катта буюмлар олинади. Бу усулда буюмнинг модели (қолипи) майдалаб қирқилган тола, эпоксид смола ва қотиргич аралашмаси билан копланади. Бунинг учун маҳсус пуркагич-“пистолетдан” фойдаланилади. Зарурий материаллар суюқ холатда пуркагичнинг аралаштириш камерасига берилади, ундан эса сикилган ҳаво босими остида “пистолет”нинг соплоси орқали модель сиртига пуркалади, натижада моделнинг сирти аралашма билан бир текис қопланади ва қотиб, зарур буюм ҳосил бўлади.

Босим остида қўйиш усули турли пластмассалар (полиэтилен, капрон ва б.) дан деталлар тайёрлашда қўлланилади. Қўйиш машина-сининг цилинтрида пластмасса зарур ҳароратгача қиздирилади ва жуда қовушоқ ҳолатга келтирилади.

Шундан кейин пластмасса пресс-қолипга босим остида түлдирилади. Буюм қотгач қолип очилиб, тайёр буюм чиқарилиб олинади.

Хозирги вақтда мавжуд қўйиш автоматларида соатига 2000 тагача буюм ишлаб чиқарилади. Бу усулда олинган буюмлар зич, текис ва аниқ чиқади.

Босимсиз қўйиш орқали қўйма буюмлар олишда пластмассанинг таркибий қисмлари аралашмаси суюқлантирилади ва тегишли қолипларга қўйилади, котгандан кейин қолипдан ажратиб олинади ва керакли қисмларга ишлов берилади.

Пресслаш усулида қиздирилга прессформа бўшлигига тегишли материал солиниб пуансон билан босилади. Қиздирилган пресс материал қолип бўшлигини тўлдиради ва у қотгач босим олиниб, буюм ажратилади.

Пайвандлаш усулида термопластдан тайёрланган деталлар электр-контакт усулидан фойдаланиб уланади. Термореактив пластмассаларни пайвандлаш эса юқори частотали ток ёки ультратовуш орқали амалга оширилади.

4. Резиналар

Хозирги замон техникасида юқори эластикликка эга бўлган материаллар жуда катта аҳамиятга эга. Бундай материаллардан зарбий куч таъсирини юмшатадиган воситалар (амортизаторлар) ҳамда тебранишни пасайтирувчи ёки ютувчи асбоб ва курилма (демпфер) лар ясалади. Бундан ташқари улардан жипсловчи воситалар тайёрлашда, ускуналарни ташки мухит таъсиридан саклашда ҳам фойдаланилади. Юқори эластик материалларга табиий ва синтетик полимерларни мисол қилиб кўрсатиш мумкин. Бундай материаллар, одатда жуда катта қайтар деформацияга эга бўлади. Каучуклар мухим табиий юқори эластикка эга бўлган материалларга киради. Хозирги вақтда жуда кўп хилма хил сунъий каучуклар ишлаб чиқарилмоқда, бундай материаллар резина ишлаб чиқаришнинг асосини ташқил қиласиди.

Хозирги замон машинасозлигига резинадан тайёрланган воситалар жуда кенг қўлланилади. Бўлардан энг мухими автомобиль шиналари, ҳар хил жипсловчи воситалар, амортизаторлар, ҳаракат ўтказувчи воситалар, шланглар ва хоказолар. Резиналардан ускуна ва курилмаларни ташки мухитдан муҳофаза қилишда, электр симларининг сиртини коплашда (кабеллар тайёрлаш) фойдаланилади. Каучукни **вулканизациялаб**, резина маҳсулоти олинади. Каучукларга турли кўшимчаларни қўшиш билан ёргулик ва радиация нурига чидамли арzon резинасимон маҳсулотлар олинади. Бу йўл билан маҳсус шароитларга чидамли резиналарни ҳам олиш мумкин.

Кейинги вақтда синтетик каучук ишлаб чиқариш жуда кенг ривожланган. Масалан, натрий – бўтадиен (**СКБ**), бўтадиен – стирол (**СКС**), полихропен, бўтадиен – нитрил (**СКН**) каби синтетик каучуклар кенг таркалган. Синтетик каучуклар ўз структурасига кўра катта молекуляр массага эга бўлган **чизиқли полимерлардир**. Нормал ҳароратда синтетик каучуклар юқори эластикли ҳолатда бўлиб, -40° дан – 70° гача ҳарорат оралиғида шишиасимон ҳолатга ўтади.

Ишлатилиш соҳасига кура, резина **оддий** ва **маҳсус** турларга бўлинади. Оддий мақсадларда қўлланиладиган резиналарга табиий каучук (**НК**) ҳамда **СКБ**, **СКС**, **СКИ** синтетик каучуклар киради. Бундай резиналар юқори мустахкамлик ва эластикка эга бўлиб, газ ва сувни ўзидан ўтказмайди. Бундай материаллардан

камералар, қўлқоплар, транспортёрлар лентаси, кабель кобиги, демпфер воситалари ва шунга ухшаш бошқа буюмлар тайёрланади. Уларнинг зичлиги **$910...920 \text{ кг}/\text{м}^3$** , мустахкамлиги эса **$15...34 \text{ МПа}$** дан ошмайди, нисбий чўзилиши **700%** бўлиб, ишлаш ҳарорати -80° дан $+130^\circ$ гачадир. Maxsus шароитларда ишлатиладиган резиналарга найрит, **СКН**, тиокол, **СТК** ҳамда иссиқлик ва кимёвий муҳитга чидамли резиналар (**СКФ**) киради. Лекин бу резиналар -40°C дан – 55°C ҳарорат оралиғида мўрт бўлиб, бензин ва бензол таъсирига кам чидамлидир.

Уларнинг хоссалари **13808 – 79 ГОСТ, 9.024-74 ГОСТ** ҳамда **64333-71 ГОСТ** билан белгиланади. Резиналарнинг зичлиги **$98...190 \text{ кг}/\text{м}^3$** ни ташқил қилиб, мустаҳкамлиги эса ишлаш шароитининг ҳароратига боғлиқ. Масалан, найрит ва **СКН** учун (\square_e) мустахкамлик **$20...26 \text{ Мпа}$** га, ишчи ҳарорат эса **$100...130^\circ\text{C}$** га, хатто **170°C** га тенг.

Машинасозликда ишлатиладиган резиналар бир неча гурӯҳга бўлинади: герметиклар, тебраниш ва товушни ютадиган, ишқаланиш жуфтлари тайёрланадиган, эгилувчан ва хоказо резиналар. Резиналарнинг физик –механик хоссалари синови учун ҳамда намуна шакли ва ўлчамларини белгилаш учун **269...66 ГОСТ** мавжуддир.

Савол ва топшириқлар

1. Пластмассаларнинг таркиби, турлари ва ишлатилиш соҳаларини кўрсатинг.
2. Термореактив ва термопластик полимерлар орасида қандай фарқ бор?
3. Резинанинг қандай хусусиятларини биласиз?
4. Резина таркибига қандай моддалар киради?

А д а б и ё т л а р

1. Илхом Носир. Материалшунослик. Тошкент., “Ўзбекистон”, 2002.
2. Мирбобоев В.А. Конструкцион материаллар технологияси. Тошкент. “Ўқитувчи”, 1991.
3. Гуляев А.П. Металловедение. М., “Металлургия”, 1991.
4. Турахонов А.С. Металлар технологияси. Тошкент, “Ўқитувчи”, 1979.
5. Дриц М.Е., Москалев М.А. Технология конструкционных материалов и материаловедение. М., “Высшая школа”, 1990.
6. Кондратьев Е.Т. Технология конструкционных материалов и материаловедение. М., “Колос”, 1983.
7. Носиров И. Материалшунослик. Тошкент, “Ўқитувчи”, 1994.
8. Каландаров Р. Конструкцион материаллар технологияси. Тошкент, “Ўқитувчи”, 1989.

Интернет сай tlari.

<http://www.rusmet.ru>

<http://www.inforg.ru>

<http://www.rest.org..by>.

Мұндағы жа

бет

1. Кириш. Материалшунослик асослари. Металларнинг таркиби, тузилиши, кристалланиши ва хоссалари	5
2. Чүян ишлаб чиқариш.....	18
3. Пўлат ишлаб чиқариш.....	22
4. Қотишмалар назарияси асослари	28
5. Темир ва унинг қотишмалари.....	33
6. Углеродли пўлатлар.....	40
7. Легирланган пўлатлар.....	45
8. Чўянлар.....	50
9. Пўлатларга термик ишлов бериш назарияси асослари.....	54
10.Пўлатларга термик ишлов бериш технологияси.....	60
11.Пўлатларга кимевий–термик ишлов бериш.....	67
12.Рангли металлар ва уларнинг қотишмалари. Мис ва алюминий қотишмалари	73
13.Нометалл материаллар: пластмассалар ва резина материаллар....	78
Адабиетлар.....	82